

3
RICHARDI SIMONIS

Gallicanae Ecclesiae Theologi,

OPUSCULA
CRITICA

adversus

ISAACUM VOSSIUM

Anglicanae Ecclesiae Canonicum.

Defenditur sacer Codex Ebraicus & B. Hieronymi Tralatio.



EDINBURGI,
Typis JOANNIS CALDERWOOD,
M. DC. LXXXV.

Cum Privilegio.

Clarissimi Nobilissimique Viri J. H.

E P I S T O L A

ad Joannem Calderwood, Bibliopolam
Edinburgensem.

Mitto ad te, vir optime, præstantissimi Ecclesiæ Gallicanæ Theologi N. . . Epistolam, ut eam in publicum edi cures. Illa, ut tu ipse judicabis, plurimas easque difficiles Criticæ Sacræ quæstiones accuratè explicat. Autor quoque tibi sim ut ejusdem Theologi CASTIGATIONES, quæ ante paucos menses in Anglia editæ sunt ad calcem DISQUISITIONUM CRITICARUM, huic Epistolæ præmittas, quæ nondum lucem aspexit. Et ut nova tua illius Opusculi editio sit accuratior, mitto ad te exemplar manu exaratum, quod edito videtur castigatius. Est etiam operæ pretium ut his adjungas ea Disquisitionum Criticarum Capita, in quibus Isaaci Vossii assertiones de Codice Ebraico Judæorum, de Septuaginta Interpretibus & Hexaplis Origenis refelluntur: nam ista ad præsens argumentum pertinent. Hæc Opuscula, vir optime, fidei tuæ committo, qui sciam te sacrarum Literarum amantißimum. Vale.

Kalend. Februarii anno 1685.

CASTIGATIONES

ad Opusculum ISAACI VOSSII de
Sibyllinis Oraculis, & Responſionem
ad Objectiones nupera

C R I T I C Æ S A C R Æ.



Utor Criticæ Sacræ in Vetus Testamentum Simonius in Isaaco Vossio, quem nimio Græcæ versionis affectu abreptum existimabat, moderationem requisierat. Sed vir doctus, qui *Christum in Apocalypsi tepidos evomere novit, nihilque Deum amare quod medium*

*Voss. in
Resp. ad
Obj. nup.
Critic.*

fit, animo longè obstinatiore accessit ad scribendum opusculum de Sibyllinis Oraculis, in quo ad id unum respexisse videtur, ut elevatis pro suo more Judæorum codicibus, Græcos Interpretes in majus extolleret. Ita etiam respondet Simonio, ut eum potius animo à Rabbinis præoccupato ad scribendum se accinxisse scribat, exemplo Hieronymi, qui *primus Christianorum Rabbincam condidit versionem, & alios ad idem audendum signifer præcessit*. Profitetur Vossius se non Rabbinos, sed Christum sequi Magistrum, & in ea quam Christus ipse approbavit versione acquiescere; Simonioque auctor est ut cesset novam sacrarum literarum moliri versionem, quòd purior magisque genuina introduci nequeat Scriptura quàm illa quæ à Christo & Apostolis nobis tradita est. Placet quidem in hoc Vossius quod Græcis Interpretibus plurimum tribuat; plus etiam placiturus, si non eos ab omni prorsus errore immunes affirmaret, atque ab illis ne quidem in minutioribus recedendum esse, utpote qui Prophetæ, non Interpretes, ipsi videantur. Laudo præterea eximii illius viri diligentiam in asserenda à maledicentissimorum hominum calumniis LXX. Seniorum tralatione, & in expurgandis eorum codicibus. Verùm ubi de rebus Judæorum eorumque libris agitur, summam præ se fert in his vir doctus inscitiam, falsaque passim pro veris conatur obtrudere. Totum istud negotium exemplis aliquot fiet illustrius. Quare nonnulla ex clarissimi illius viri opusculo de Sibyllinis Oraculis & Responſione ad Objectiones Criticæ

*Idem
Voss.*

4 *Castigationes ad Opusculum Is. Vossii de Oraculis Sibyllinis*, Sacrae feligam, ex quibus manifestum erit illum de rebus parum sibi compertis decreta tulisse. Summam itaque exordium ab Epistola quam opusculo de Sibyllinis Oraculis præmisit.

Voss. in
Epist. ad
Thom.
Brun.

Primâ fronte in hac Epistola Vossius virum Hebraicè doctum miris modis traducit veluti *fatuum*, *Semi-Rabbinum* & *insignem nebulonem*, qui verba Hieronymi nequissimè interpolata produxit. Verùm ex hoc potius B. Hieronymi loco qui in controversiam vertitur, Semi-Rabbini isti Sibyllistam Vossium tanquam falsificum in jus vocabant, qui doctissimi illius Patris verba à se minimè intellecta perverterit, protuleritque tum editos tum manu exaratos Hieronymi codices perpaucis cognitos. Locus de quo agitur extat his verbis conceptus in Quæstionibus seu Traditionibus Hebraicis in Genesim ejusdem Hieronymi. *Hebraei quod sequitur*, Et nescivit cum dormisset cum ea, & cum surrexisset ab ea, *appungunt de super quasi incredibile & quod rerum natura non capiat, coire quempiam nescientem*. Testatur Vossius complura se consuluisse exemplaria MSS. & in omnibus scriptum invenisse *apponunt* pro *appungunt*. Verius dixerit in nullis qui probæ notæ fuerint codicibus se invenisse *apponunt*. Quis enim sensus ex his verbis formari posset, si pro *appungunt* repositum fuerit *apponunt*? Unde autem codices illos sumpsit non refert. Sed ut veniamus ad rem, nihil causæ fuit cur Vossius verba contextus Hebraici perverteret, veritus scilicet ne ex ista dictione *appungunt* punctorum antiquitas inde jam à temporibus Hieronymi defenderetur. Fatentur enim saniores Critici, ejusmodi puncta Hieronymi ætate longè recentiora esse, qui tamen haud inviti agnoscunt istud punctorum genus quorum hoc loco meminit Hieronymus, quæque supra dictiones aliquot Hebraici contextus apponuntur, eadem ferme ratione quâ Samaritæ & Syri lineolas quasdam transverfas super quædam vocabula appingunt, quæ haud dubiè à Grammaticis seu Criticis inventæ sunt. Judæos tum antiquos tum recentiores habet sibi consentientes hac in parte Hieronymus: de his mentio fit in Talmude in Medraschim, seu Commentariis Judæorum Allegoricis in Scripturam, & in Masora. Ea quoque repræsentant hodierna Bibliorum exemplaria non secus atque Hieronymi ætate, & in plerisque ad dictionem בְּקוֹמָהּ de qua in præsentia disputatur, ad oram codicum hæc additur notatio וְעַל נֶקֶדְךָ *punctum super literam Vau*. In Bibliis Venetis editis in minori forma à Petro Bragadino, Genesis Capite 37. ubi simile punctum occurrit ad dictionem נָקְיָה

Edit. Venet. in
16. ann.
1615.

extat

tat in margine hæc nota, וְכָל הַכֹּהֲנִים כִּן כֵּן נִקְדָּוָה בְּרָרָה, *unum ex punctis* 15. *quæ sunt in Lege.* Rationes ejusmodi punctorum quales redduntur à Judæis, quorum anima est ineptiendi pruritus, silentio præmitto, quia ineptæ sunt. Satis est annotasse Judæos ejusmodi puncta ex paterna traditione in exemplaribus suis dudum retinere.

Deplorat deinde in eadem Epistola Voslius miserum hoc tempore in Germania Academiarum statum, ubi tam impunè grafatur Rabbismus, nullaque excolitur Theologia nisi Rabbini-
ca. Fieri non posse existimat vir doctus, ut humaniores literæ tractentur ubi Rabbismus regnat, strigesque Rabbini-
cæ latè dominantur. Nec in his secum dissidentem me habebit Voslius. Auctor quoque fuerim ut nugivendi isti Theologastri, qui spre-
tis literis Græcis & Latinis, nihil præter Rabbiorum commen-
ta admittunt, ex Theologorum albo expungantur. Verùm ut
his etiam adscribantur viri eximiè docti, qui exemplo Origenis,
Hieronymi, Chrysostomi, Theodreti, aliorumque Patrum
frequentant Judæorum limina, vix ferre possunt. Nugas qui-
dem easque maximas plerique Judæorum libri præferunt: at non
pauci sunt ex eorum classe Magistri qui Sacras Literas mirè illu-
strarunt. Rem ita esse apertè docent unius Hieronymi in Pro-
phetas Commentarii, qui doctissimos ætatis suæ Judæos consulere
non erubuit. Delicatulo Vossio Hieronymus vilis est & Theo-
logorum Semi-Rabbiorum princeps. Semi-Rabbinus tamen is-
te, etsi suos quoque nævos habeat, reliquos Ecclesiæ Patres in
exponendis Sacræ Scripturæ libris longo intervallo superavit.
Optarim quoque ut in Semi-Rabbiorum castra prius transeat
Voslius, quàm res illorum tractet: vix enim à risu temperant
Semi-Rabbini isti, cùm legunt in Epistola quam præmisit libello
de Sibyllinis Oraculis, ne sex quidem effluxisse secula ex quo pri-
mùm usurpari cœperunt puncta ista vocalia, quibus hodierni
Judæorum codices onerantur: hos tria vel quatuor secula acer-
rimè inter se conflixisse, dum alii sic, alii aliter induendas esse vo-
cales censerent, & ne nunc quidem controversiam hanc fore sopi-
ram, nisi Daniel Bombergus litem istam diremisset conductis aliquot
Judæorum centuriis; atque ita demum istas vocales primùm Vene-
tiis ex officina Bombergi in lucem prodixisse. Habuit profectò vir do-
ctus Bibliothecam Rabbiorum libris bene instructam, ex qua hausit

6 *Castigationes ad Is. Vossii Opusculum de Oraculis Sibyllinis*, commenta ista plusquam Rabbinica. Primò siquidem nòrunt qui sunt in Judæorum libris volutati, jam ante Bombergianas Bibliorum Hebraicorum editiones in aliis Italiæ partibus, maxime Brixix, edita fuisse Biblia Hebraica punctis vocalibus adornata. Reperiuntur etiam Bibliorum exemplaria inde à CCCC. aut D. annis manu exarata quæ eadem puncta præferant, laudanturque à Rabbinis antiquioribus Biblia Hebraica quæ puncta ista exhibeant. Similiter non à DC. solùm, sed à DCCCC. & ampliùs annis usurpata sunt ista puncta. Rabbi Saadias Gaon librum scripsit de re Grammatica sub annum DCCCC. in quo de punctis vocalibus, quæ longè ante illius ætatem apud Judæos in usu fuerant, multis disputat. Præterea ficta sunt ea omnia quæ de gravissimo inter Judæos conflictu affert Vossius, quonam scilicet modo apponendæ essent vocales contextui Hebraico. Ex eadem quoque officina prodiit quod habet vir doctus de editionibus Bombergianis, quæ ex complurium Judæorum sententia mendis scatent. Spernunt quidem Judæi primam Bibliorum Hebraicorum Bombergianam editionem cui præfuit Felix Pratensis, quia scilicet notationes Masorethicæ ad oram illius exemplaris summâ rei illius inscitia adjectæ sunt. Verùm secundam & tertiam Bibliorum Bombergianorum editiones laudant & venerantur. De addendis quidem notis Masorethicis ad Bombergianas editiones maximæ subortæ sunt difficultates, quia pauci sunt etiam inter Judæorum Magistros qui artem Masorethicam bene calleant; quas tamen improbo ac duro labore superavit R. Jacob Ben Hajim, primus Masoræ instaurator. Utrùm autem in alendis Judæorum, quos conduxerat Bombergus, centuriis patrimonium dilapidaverit, uti contendit Vossius, non anquiro, neque de hoc nunc agitur negotio. Complura iis quæ jam à me allata sunt facilè adjici possent, forsàn nec ab instituto aliena, sed vereor ne vir doctus me tanquam Semi-Rabbinum ac Judæorum fautorem trahat in judicium. Quare ad illius de Oraculis Sibyllinis opusculi examen transeo, ubi eruditius de Judæis eorumque libris disputat.

Nonnulla affert statim ab initio operis vir inexhaustæ eruditionis de Sibyllinis Oraculis, quibus in Hispania præsertim abusi fuerint Judæi adversus Christianos. Hæc quæ minùs à commento quàm à vera historia videntur abesse, præmonet inferenda paginæ 19. vel 26. ubi tractat illud argumentum. Verùm cùm jam demonstratum fuerit Chronologiam ex Judæorum codicibus petitam minùs fa-

vere

vere Judæis ipsis quàm quæ ex Græcis Interpretibus sumitur, non est cur refellendis hac in re doctissimi Vossii inventis ampliùs detineamur. Jam quidem vir perspicacissimus animadverterat Judæos sub Aquilæ tempora Hebræos codices dedità operà corrupisse, & bis mille annorum expunxisse tempus, ut tempus Messie necdum advenisse obtinerent: at hoc loco, longè oculatior, putat depravationis istius spatium ut plurimum viginti duobus posse determinari annis, idque ex verbis Ignatii in Epistola ad Philadelphienſes rectè confici. Scribit sanctissimus ille Martyr, referente Vossio, se audisse nonnullos dicentes, si ea quæ in Evangelii continentur non etiam in Archivis, seu antiquis inveniantur monumentis, nolle se iis credere. Cùm ipse responderit, inquit Vossius, illi verò negaverint, manifestum Judæos jam tùm aut depravasse sua exemplaria, aut recessisse à sensu quem Septuaginta tradidere Interpretes. Sed quâ ratione Ignatii responsum, qui asserit Christum sibi esse pro Archivis, ad suam de corruptis circa illud tempus à Judæis codicibus Hebraicis possit trahere sententiam vir doctus, fateor me non assequi. Neque etiam in germanis Epistolarum Ignatii exemplaribus, quæ in lucem ipse edidit Vossius, reperiuntur verba illa, *Christo velut summo Sacerdoti credendum potius quàm aliis Sacerdotibus*; quæ tamen quasi ad Ignatii responsum pertineant, profert vir doctus. Juvat hic afferre ipsissima Ignatii verba. *Ἡμεῖς γὰρ τινῶν λαόντων, ὅτι ἐὰν μὴ ἐν τοῖς ἀρχαίοις βιβλίοις ἡ εὐαγγελία, ἢ περὶ αὐτοῦ ταῦτα ἴγωμεν ὅτι ἡμεῖς ἀρχαῖα ἴσμεν Ἰησοῦς ὁ Χριστός. Αὐτοὶ ἐν τούτοις λέγουσιν, ὅτι ἐὰν μὴ ἐν τοῖς ἀρχαίοις βιβλίοις ἡ εὐαγγελία, ἢ περὶ αὐτοῦ ταῦτα ἴγωμεν ὅτι ἡμεῖς ἀρχαῖα ἴσμεν Ἰησοῦς ὁ Χριστός.* *Audivi enim quosdam dicentes, Nisi invenero in Archivis Evangelium, non credo. His autem respondeo, mihi loco Archivorum esse Jesum Christum.* Ibi de Veteri Testamento non agitur cum Novo comparato, ut existimavit Vossius, sed de Hæreticis qui ab Ecclesiæ infantia orti fidem quam præmonstrabat Evangeliorum codex respuebant: unde factum fuit ut præfati Ecclesiæ Patres, Tertullianus, Irenæus & alii ejusmodi Hæreticos non tam ex sacris codicibus refellerent, quàm ex certa traditione, seu ex Christi doctrina per Apostolos eorumque successores viros Apostolicos in Ecclesiis diversarum gentium propagatâ. Quo sensu asserit Ignatius Christum, seu illius doctrinam, sibi Archivorum antiquorumque monumentorum loco esse. Is est, nî fallor, Ignatii verborum intellectus, qui unitatem doctrinæ in Christo commendat, cujus spiritus quibuscumque Archivis debet anteferri.

Multa

Multa etiam hoc loco affert Vossius de vocis *Era* origine, sentitque cum iis qui *Eram* & *Hegiram* Arabum idem vocabulum arbitrantur; nec id videtur extra probabilitatem: sed quod mox subiungit de nomine *Hegiræ* Arabicæ, quasi ductum fuerit ex Hebræo הגר *hagger*, profelytus, non est ita probabile. Putat vir doctus complures Judæos è secta Herodianorum relicto suo Messia Herode, qui semper ab ipsis vocatus fuerit הגר *peregrinus*, ad Malimetum transiisse, & ab iis quoque dictum *hagger*. Cum Judæi, inquit Vossius, *Messiam peregrinum seu profelytum fore crederent*. Ista profecto à commentis Rabbinicis minùs recedunt. Deinde ex quo Sibyllarum oraculo didicit vir doctus Judæorum Messiam ex ipsorummet Judæorum sententia profelytum fore & peregrinum: hanc enim assertionem Prophetarum vaticiniis & Evangelicæ historiæ contrariam esse nemo nescit. Unum quidem præ cæteris Messiam Judæi expectant, de quo in præsentia loquitur Vossius: at iste ex Judæorum omnium consensu futurus est natione & ritibus Judæus. Verùm alios præterea Messias expectant, eoque nomine insigniunt Reges quoslibet qui erga illos bene affecti sunt. Quà ratione Cyrus Judæorum Messias appellatus est. Sic quoque Herodes & Mahometus Messia nomen à Judæis reportare potuerunt. Parati sunt etiam hæc nostrâ ætate Regem illum aut Principem quemcunque qui res illorum & ritus patrios tueri voluerit, tanquam Messiam suum salutare. Verùm ista ad nomen *Hegiræ*, quod constat Arabicum esse, non Hebraicum, minimè pertinent. Magis ad veritatem accedit quod post nonnulla interjecta subjicit vir doctus de genuina vocis *דאראפ* significacione, ita ut *דאראפ* idem sit quod *אראפ*, librique Apocryphi iidem fuerint qui arcani & inaccessi. Sed quis cum Vossio inde conficiat scripta illa Apocrypha, quæ ex ejus sententia olim Veteris Testamenti libris conjuncta fuere, & à priscis Judæis approbata, digna fuisse quæ cum cæteris libris Propheticis in Scripturarum Canonem referrentur? hodiernum tum Synagogæ tum Ecclesiæ Canonem mutilum & decurtatum esse, qui Enochi, Eliæ aliosque ejusdem naturæ libros non complectatur? Vili veneunt apud Vossium Prophetæ, qui non modò LXX Interpretes inter Prophetas recenseat, sed & his quoque adscribat celeberrimos impostores, qui clementis Patriarcharum & Prophetarum, nec non virorum aliquot magnæ apud Gentiles existimationis nominibus, libros

Adami,

Adami, Enochi, Abrahami, Moysiſis, Eſaiæ, Hieremiæ, Hyſtaſpis, Mercurii Trismegisti, Zoroaſtris, Sibyllarum, Orphei, Phocylidæ & complurium aliorum libros in lucem protulerunt. Brevis, ſi ſuperis placet, etiam inter Prophetas Voſſius tanto Prophetarum ſtipatus agmine nova procudet vaticinia, non ſecus ac famoſus ille poſtor Guilhelmus Poſtellus, qui ſcribit Chaldaeos doctrinam etiam revelatam habuiſſe in ſua prima Monarchia, & continuè inſtar ſacræ doctrinæ per decem Sibyllas eſſe inſtauratam, ut eſſet omnino apud ſpiritum Dei inexcusable mundus, Chriſtusque ſacrarum & Sibyllinarum doctrinarum Rex ab univerſo orbe adorandus innotefceret. His ferè ſimilia de Sibyllinis Oraculis aſſert Voſſius. Oculatior tamen adhuc Poſtellus Propheticam iſtam doctrinam aſſerit ortum habuiſſe à ſœmina principe totius Orientis proximâ ſanguine ipſi Noacho. Quis credat Iſaacum Voſſium, qui nihil non virulenti paſſim in operibus ſuis adverſus Judæos eorumque Talmudem evomit, recenſuiſſe etiam inter Prophetas Doctorem Talmudicum? Si res ita ſit, miror illum tanto contentionis æſtu abreptum fuiſſe in virum Hebraicè doctum, quod è Talmude Euangelia expoſuerit. *Minus mihi peccaturus videtur, inquit Voſſius, qui ex Alcorano, quam qui ex Talmude exponat Euangelia.* Sed de his ſatis ſuperque; ad libros Apocryphos undè diverti tempus eſt ut redeam.

Guilh. Poſtell. de Orig. cap. 16. de ortu Sibyllin. doctrina.

Light-foot.

Apocryphos appello Scriptores, ubi de rebus Biblicis agit, illos quos in ſuum Canonem neque Eccleſia neque Synagoga receperunt. Hinc factum eſt ut olim Hieronymus Judæorum perſonam induens, & noviffimè Cajetanus, libros complures inter Apocryphos retulerint, antequàm manifeſto Eccleſiæ decreto tanquam Divini & Prophetici recepti fuiſſent. Hoc ſenſu Hieronymus affirmat Daniele non habere apud Hebræos Suſannæ hiftoriam, nec hymnum trium puerorum, nec Beli Draconis fabulas; *Quas nos, inquit, quia in toto orbe diſperſæ ſunt, vero antepoſito eaſque jugulante ſubjecimus, ne videremur apud imperitos magnam partem voluminis detruncâſſe.* Haud abſimiliter alio loco, poſtquàm Scripturæ libros qui in Judæorum Canone erant protulit, mox addit, *Quidquid extra hos eſt intra Apocrypha ponendum eſſe;* nimirum Sapientiam, quæ vulgò Salomonis inſcribitur, & Jeſu filii Sirach librum, & Judith, & Tobiam & Paſtorem. Africanus etiam ſimili ratione adductus, Suſannæ hiftoriam à Scriptore Græco conſectam putavit: alii duos Da-

Hieron. Prefat. in Dan.

Hieron. Prefat. in lib. Reg. African.

10 *Castigationes ad Is. Vossii Opusculum de Oraculis Sibyllinis*,
 nicles finxerunt; quorum primus Vaticanii, quod sub ejus nomine
 legitur, auctor fuerit, alter verò historię istius Scriptor, quę in
 antiquis Gręci exemplaris editionibus Prophetię Danielis pręmit-
 tebatur: primus siquidem Hieronymus hanc historiam ad calcem
 ejusdem libri rejecit, quod eam Judęorum codex, quem Latinum
 faciebat, non repręsentaret. Sententiam suam de Susannę historia
 confirmat Hieronymus aliorum Patrum testimoniis. *Miror*, inquit,
quosdam μὲν ἱσχυμένους indignari mibi, quasi ego decurtaverim librum,
cum & Origenes & Eusebius & Apollinarius alique viri Ecclesiastici
& Doctores Gręcię has, ut dixi, visiones non haberi apud Hebręos
fateantur, nec se debere respondere Porphyrio pro his quę nullam
Scripturę sanctę auctoritatem prębeant. Gregorius Nazianzenus,
 Melito Sardenis, & auctor Synopleos quę sub nomine Athanasii cir-
 cumfertur, ulteriùs progressi librum Estheris inter Apocryphos col-
 locarunt, quòd linguam Hebraicam non callentes, ex eo solùm quod
 antiquę Estheris historię nonnulla à Gręco Scriptore assuta fuerint,
 opus integrum expunxerunt. *Accidit*, inquit Sixtus Senensis, *ut*
propter has appendicum lacinias hinc & inde quorundam Scriptorum
temeritate insertas, liber ille quamvis Hebraicus apud Christianos au-
thoritatem canonicam non receperit. Nicolaus quoque de Lyra, Cajeta-
 nus, & alii nonnulli hæc additamenta pro Canonicis non habuere,
 similibus haud dubiè rationibus adducti.

Hęc paulò fusiùs quidem allata sunt, ut manifestum esset omni-
 bus quinam libri ex vetustiorum Ecclesię Patrum sententia inter
 Apocryphos repositi fuerint. Apocryphorum siquidem vocabulo
 abusus Vossius, libros supposititios & adulterinos veteribus Apocry-
 phis adscribit, sicque fucum facit incautis & simplicioribus. Quod
 enim contendit vir doctus, libros Sibyllinos aliosque quos appel-
 lat fatidicos olim cum libris Veteris Testamenti conjunctos fuisse,
 lectos in primitiva Ecclesia, & à Paulo aliisque Apostolis commen-
 dados, otiosi hominis est figmentum. Non alii enim in Ecclesia pri-
 mitiva lecti sunt libri Apocryphi cæterisque Veteris Instrumenti li-
 bris adjecti in Gręcis Bibliorum exemplaribus, quàm illi qui à Pa-
 tribus recensentur, etsi interdum Patres nonnulli, ut Judęos, Gen-
 tilesque pressius urgerent, vocaverint etiam in auxilium libros Si-
 byllarum aliosque ejusdem rationis, quos tamen nemo paulò cor-
 datior inter Apocryphos, de quibus hoc loco agitur, numerabit.
 Dolet Vossius libros Sibyllinos & alios fatidicos, postquàm pu-
 blico

Hieron.
 Proöm.
 Com-
 ment. in
 Daniel.

Gregor.
 Natiav-
 zan. Me-
 lit. Sard.
 Pseudo-
 Athan.

Sixt. Se-
 nens. lib.
 1. Bibl.
 Sanct.
 Lyran.
 Cajetan.

blico edicto prohibiti sunt, factos fuisse Apocryphos, interdictos, à nemine legendos, cum antea palàm & religiosè non secus ac reliqui Veteris Instrumenti libri à Judæis legerentur: tum factum fuisse ut arctiori compendio quàm antea sæpe libri sacri constringerentur, & ex eo tempore *Apocryphi* vocabulum in sequiorem sensum acceptum fuisse, quasi idem esset liber Apocryphus qui spurius & dubiæ fidei. Interim Scriptores non laudat à quibus lepida ista commenta hauserit, quæ tamen parùm absunt à fabulis Judaicis. Lubens à viro docto quæsierim, quod olim festivus ille Cardinalis Hippolytus Atestensis ab Ariosto, *Dove ha trovato tante coglionerie?* Illi tamen assentior in eo quod scribit de Apocryphis, si per libros Apocryphos non alios intelligat quàm illos qui à Judæis ad Christianos cum reliquis Veteris Testamenti libris transierunt, quippe partem maximam in Ecclesia Romana, in primis post Synodi Tridentinæ decretum, tanquam Canonici leguntur. Fieri potuit ut libri isti qui inter Apocryphos olim recensiti fuere, quòd illos Canon Judaicus minimè approbaret, Prophetas etiam habuerint auctores. Nec contra ista pugnat Josephi auctoritas, qui affirmat à temporibus Artaxerxis certam non fuisse apud Judæos Prophetarum successionem, adeoque qui ab eo tempore conscripti sunt libris Propheticis non debere adnumerari. Nam Prophetarum munus tunc omnino Judæis sublatum fuisse verisimile non est: quamdiu enim stetit Judæorum Republica, tamdiu fuere apud eos Scribæ publici qui res ætatis suæ chartis committerent, iique Prophetæ appellabantur, quia Spiritus Sancti numine afflati erant, quanquam non fatidici. Imò ne quidem necesse est illos qui tunc temporis res Judaicas scriptis complectebantur Prophetas fuisse, quia Synedrii magni assessores, quos à Deo inspiratos novimus, illorum opera recognoscebant. Verùm cum publica Senatûs Judaici auctoritas ejusmodi libros in Canonem librorum sacrorum nunquam retulerit, mirum videri non debet Patres plerosque non recepisse illos tanquam Divinos, sed ut Apocryphos & dubiæ fidei, comparatè scilicet ad alios sacri codicis libros qui certæ erant fidei. Idem enim illis non fuit liber dubiæ fidei qui spurius atque adulterinus, ut existimare videtur Vossius, sed certa ab incertis hoc titulo signare voluerunt: aliàs libri isti priscis Patrum nostrorum seculis in Ecclesia lecti non fuissent, si quid spurii & adulterini in illis deprehensum fuisset. Minoris tantùm illi erant momenti quàm li-

bri sacri, eosque ideo Ecclesiasticos, potius quàm Divinos, Patres appellabant. *Legi quidem*, inquit auctor Expositionis Symboli quod tribuitur *Ruffino*, *in Ecclesiis voluerunt, non tamen proferri ad auctoritatem ex his fidei confirmandam.* Quà etiam ratione eosdem libros in suis coetibus legit Ecclesia Anglicana. Non puto tamen quicquam hactenus cogitasse, si Vossium excipiamus, de introducenda in Ecclesiam librorum Sibyllinorum lectione.

Novi quidem Patrum nonnullos librum qui inscribitur Pastor, multum veneratos fuisse; Tertullianum quoque Enochii libellum quasi Divinum obtrudere conatum; imò contendisse Judæos à contextu Scripturarum libros complures semovisse, qui Religionem Christianam illustrabant. Cui etiam sententiæ adhærere visus est

Origenes. Origenes, qui in epistola quam scripsit Africano de historia Susannæ, asserit Judæos multa à suis libris sustulisse, ne legerentur illa à plebeiis hominibus. Verum ista & alia id genus, quæ perpauco- rum sunt, quæque ab iis proferuntur ut suæ potius hypothefi quàm veritati serviant, communi Patrum sententiæ apponi nequeunt.

Tertull. de habit. mil. Nam ipse Tertullianus commune illud Ecclesiæ placitum verbis suis hoc loco videtur confirmare. *Scis*, inquit, *Scripturam Enoch non recipi à quibusdam, quia nec in armarium Judæorum admittitur.*

Itaque temporibus illis judicabatur istud Apocryphum, seu dubiæ fidei, quod Judæi in suum Canonem non admiserunt. Aliud etiam sentit aliis locis Origenes, quàm quod scripsit Africano. Verum hoc loco Susannæ historiam & alia additamenta quæ præfert Græca LXX. Interpretum editio, non aliâ ratione tueri potuit, quàm recurrens ad libros Apocryphos, ac supponens Judæos in exscribendis suis codicibus non paucos à plebeiorum cognitione removisse quæ in istis Apocryphis expressa fuerint. Didicerat forsân Origenes à Judæis, quorum frequenti commercio utebatur, Esdram ejusque socios non omnes qui tunc extabant libros in publicum edidisse, & hinc confici posse existimabat, Græcos Interpretes ea sumpsisse quæ in Hebræis codicibus non leguntur. Sed hæc sententia à communi præcorum Judæorum consensu recedit, qui perfectam & in omnibus accuratam contextus Hebræi concordiam agnoverunt. Neque aliam ob causam inventa fuisse videtur ab Origene & aliis nonnullis, quàm ut veritas Hebraica cum Græcis exemplaribus, de quorum sinceritate non parva erat dubitandi ratio, conciliaretur. His accedit, Origenem non tam ex sua mente in hac ad Africanum epistola

loquutum fuisse, quam ut codices qui tunc in Ecclesiis legebantur, defenderet.

Objicit præterea doctissimus Vossius, virum inexhaustæ doctrinæ Clementem Alexandrinum scribere Apostolum Paulum remississe ad Sibyllas & Hystaspis vaticinia, & commendasse eorum lectionem. Si quærat autem à Vossio, ubinam hoc dixerit Paulus, statim respondet sufficere nobis debuisse hoc Clementem virum sanctum & cum multis viris Apostolicis conversatum affirmasse: verum si responsionis istius habeatur ratio, priscos Ecclesiæ Patres ab omni prorsus errore immunes fuisse necesse est; quo nihil absurdius fingi potuit. Nōrunt quippe qui aliquam rerum Ecclesiasticarum cognitionem habent, quam vafre prisce illi Patres, atque in primis Clementis Alexandrinus, cum Judæis ac Gentilibus disputarint. Contendit etiam Vossius, librum Enochii aliosque similes libros fatidicos ex eo solum rejiciendos non esse, quod in Fragmentis aliquot quæ supersunt multa superstitiosa & magica contineantur, cum Balaamus Magus & Incantator fuerit, qui tamen futura Christi mysteria manifestè prædixit: quasi verò ea quæ de Balaamo in Scriptura referuntur, ad præsens institutum trahi possent, & hoc exemplo libros quos non solum mendaciis superstitionibusque & fabellis refertos esse constat, sed & ab impostoribus qui clarissimorum virorum eminenti sunt nomina, profectos tueri liceret. Eadem arte fabricantium Judæorum semina in Zohare, Rabboth & Midras ab eodem spiritu quo profectum est Evangelium, inspirata fuisse auctor est Guilhelmus Postellus, qui affirmare veritus non fuit, ex doctrina Zoharis, tanquam quæ à Spiritu sancto & spiritalibus auctoribus pendet eductum esse Evangelium. Chalanni, inquit idem Postellus, Syri, Indi, Chaldaei, Magi, Gymnosophistæ, Egyptii & Prophetæ eadem sunt origine. A quo non multum discedere videtur optimus Vossius, cui auctor fuerim ut Zorobabelis etiam vaticinium, quod de Messia clarè loquitur, finitque à Judæis sermone haud impuro & prophetico editum, in fatidicorum suorum classe colloceat. Sed his valere jussis, id quod nostri est instituti persequamur.

Præter hætenus allata de libris Apocryphis, animadvertendum est non solum Judæos sibi Canonem Scripturarum condidisse, sed & suum quoque Canonem habere Ecclesiam, quæ auctoritate sua communivum plures libros quos Judæi expunxerant. Ita Augustinus

Clem.
Alexand.

Postell.
de Orig.
cap. 17.

Liber
Zorobab.

August.
lib. 18.
de Civit.
Dei, cap.
36.

14 *Castigationes ad Is. Vossii Opusculum de Oraculis Sibyllinis*,
 tinus asserit libros Maccabæorum non à Judæis, sed ab Eccle-
 sia pro Canonicis accipi: quod de duobus tantum primis Macca-
 bæorum libris intelligendum est: tertium enim Ecclesia non minùs
 quàm Synagoga respuit. Cui etiam sententiæ videtur accessisse
 Hieronymus, etsi passim in suis operibus strenuissimum Canonis
 Judaici defensorem se præbeat. Ruffino enim objicienti, Hierony-
 mum nullam Scripturæ Sacræ auctoritatem tribuisse in sua Biblio-
 rum editione Susannæ historię, hymno trium puerorum ac Beli
 Draconis narrationibus, quas appellaverat fabulas, respondet
 doctissimus Pater, non se quid sentiret dixisse, sed quid Judæi con-
 tra Christianos dicere soleant explicasse. Dixerat tamen Hierony-
 mus, Origenem, Eusebium, Apollinarium & alios Græciæ Docto-
 res pro his visionibus, quæ nullam Scripturæ auctoritatem præbe-
 ant, Porphyrio noluisse respondere. De libro quoque Judith hæc
 scribit idem Hieronymus: *Hunc librum Synodus Nicena in numero
 Sanctarum Scripturarum legitur computasse*: ad quæ hæc animadvertit
 Erasmus: *Non affirmat approbatum hunc in Synodo Nicena, sed ait le-
 gitur computasse*. Revera Hieronymus Præfatione in librum Regum,
 tum Judith tum Tobiam in Canone esse negaverat. An contraria his
 locis loquitur Hieronymus, qui secum etiam in hoc dissidere videtur,
 quòd eisdem Tobię & Judith libros apud Hebræos inter Hagiograp-
 pha legi affirmet, qui & jam alibi scripserat hosce libros non existare
 in Canone Judæorum, adeoque inter Apocrypha reponendos?
 Quæ sint illa Hebræorum Hagiographa, de quibus his locis loqui-
 tur Hieronymus, fatetur se ignorare Josephus Scaliger, quia Ha-
 giographa à Judæis longè ante Hieronymi seculum in Scripturarum
 Divinarum Canonem recepta fuerint. Sed in hoc decipi Scalige-
 rum putat D. Huëtius, quòd nulla Hagiographa extra Canonem
 Hebræos habuisse censuerit, assertque adversus Scaligerum famo-
 sam illam *Bath kol*, seu *Filiam vocis*, cujus ope Judæi scriptiones Ha-
 giographas & à Deo inspiratas ediderint. Verùm mera sunt otioso-
 rum hominum somnia, quæ Doctores recutiti de *Bath kol* commenti
 sunt. Deinde constat illos nunquam in suum Canonem recepisse li-
 bros Judith & Tobię. Itaque ficta sunt ea quæ de duplici apud He-
 bræos Hagiographorum genere à D. Huëtio & aliis proferuntur,
 refellique possunt non solum Josephi & Hieronymi testimoniis, qui
 Tobiam, Judith aliosque libros Græcè editos, quos nunc Canon
 Ecclesiæ Romanæ comprehendit, neque Prophetis neque Hagiogra-

Ruffin.

Hieron.
 lib. 2.
 Apolog.
 advers.
 Ruffin.

Hieron.
 Præf. in
 Judith.
 Erasim.
 Schol. in
 hanc
 Præfat.
 Hieron.
 Præf. in
 Tob. &
 Præf. in
 Judith.

Scalig.
 animad-
 vers. in
 Chron.
 Euseb.
 Huët.
 Démon-
 strat.
 Evang.
 Prop. 4.
 de lib.
 Judith.
 Bath kol.

giographis à Judæis adscribi palàm testantur; verùm etiam Judæorum recentiorum auctoritate, qui in recensendis libris sacris nullam planè illorum mentionem faciunt, sed eostantum laudant tanquam scripta sententiosa, quibus tamen nihil divini inesse crediderunt. Si igitur hæc nostrâ ætate, imò jam prisceis Ecclesiæ seculis, inter Canonicos numerati fuerint, id tribuendum est Ecclesiæ judicio; non Synagogæ. Quare duplex Canon statuendus est, Ecclesiæ scilicet & Synagogæ: à primo non malè dici possunt Ecclesiastici libri illi quos Ecclesia, non habitâ ratione Judaici Canonis, in suum Canonem voluit admitti & legi in suis cœtibus. Constat enim indè jam ab ipsis nascentis Ecclesiæ primordiis legi & cani consuevisse in congregationibus fidelium libros hosce, quos miratur Erasmus hodie passim legi & cani in templis. Sed rem ita esse discere potuit Erasmus ex libro Invectivarum Ruffini adversus Hieronymum.

*Erasm.
Schol. in
Præfat.
Hieron.
in Dan.
Sixt. Senf.
lib. 1.
Eibl. S.*

Hæc omnia egregiè illustrat Sixtus Senensis ab initio Bibliothecæ suæ, ubi libros Scripturæ Sacræ in duas classes partitur. In prima eos recenset, quos Protocanonicos seu Canonicos primi ordinis appellat; & hi sunt qui ex communi tum Judæorum tum Christianorum consensu extra controversiam recepti sunt: in altera autem classe eos reponit quos vocat Deuterocanonicos, seu Canonicos secundi ordinis, *qui olim, inquit, Ecclesiastici vocabantur*: illi nimirum de quibus inter Catholicos aliquando fuit anceps sententia, quique serò ad notitiam totius Ecclesiæ pervenerunt. Primi generis libris adscribit in Veteri Instrumento eos solùm quos in suum armarium admisit Synagoga; ad alterum verò genus revocat illos qui prisceis Ecclesiæ seculis inter Apocrypha scripta à plerisque numerabantur, quibus etiam adscribit volumen Esther, quòd de illius auctoritate nonnulli Patres dubitaverint, uti jam annotatum fuit. Sola de auctoritate Hieronymi restat difficultas, qui contra Judæorum omnium fidem, imò & sui ipsius testimonium scripserit, libros Tobix & Judith apud Hebræos inter Hagiographa extare. Miror viros rei criticæ peritos non animadvertisse in Hieronymi Præfationibus in Tobiam & Judith legendum non esse *Hagiographa*, uti nunc legitur, sed *Apocrypha*. Licet enim desint codices manu exarati quibus lectionem hanc suffulciam, ipsamet Hieronymi verba illam manifestè ostendunt. *Librum utique Tobix, inquit doctissimus Pater, quem Hebræi de catalogo Divinarum Scripturarum secantes, bis quæ Hagiographa memorant manciparunt.* Quis

*Hieron.
Præfat.
in Tob.*

non

16 *Castigationes ad Is. Vossii Opusculum de Oraculis Sibyllinis*, non statim deprehendat legi debuisse *Apocrypha*, non *Hagiographa*, cum liquidò constet Judæos de catalogo Divinarum Scripturarum *Hagiographa* nunquam reseculisse? Similis prorsus ratio est Præfationis Hieronymi in *Judith*, ubi etiam pro voce *Hagiographa* reponi debet *Apocrypha*: sic enim in ea hodie legimus. *Apud Hebræos liber Judith inter Hagiographa legitur, cujus auctoritas ad roboranda illa quæ in contentionem veniunt minùs idonea.* Si idonea non est libri istius auctoritas ad res fidei stabiliendas, haud dubiè non est è libris *Hagiographis*, qui extra controversiam Canonici & inspirati apud Judæos habentur; sed ex *Apocryphorum* numero, seu scriptorum qui sunt dubiæ & incertæ fidei, quales existimavit libros *Judith* & *Tobiæ* Hieronymus. Hactenus de *Apocryphis*, quæ quidem fusiùs quàm postulabat instituti ratio, explicavimus. Sed rem disputantium contentionibus valde implicatam enodare à proposito nostro alienum non duximus.

Satis non fuit cruditissimum Vossium novos Prophetas finxisse veteribus longè oculatiores, novum jam librorum Scripturæ Sacræ ordinem hactenus inauditum procudit. Libri Moïsi, ipso auctore, quinque constituunt volumina, non verò unum, ut Judæis visum est: & ut id à nemine possit vocari in controversiam, novæ illius distributionis rationes evidentissimas profert. *Constat autem, inquit, vel ex ipsis sacris literis, ut alias gentes, ita quoque veteres Hebræos non in codicibus, quod serum demum factum, sed in voluminibus & continuatis pellibus libros suos descripsisse.* Quid necesse fuerit ut ad veteres Hebræos recurreret Vossius minimè capio, cum etiam ætate nostrâ Judæi in libris qui Synagogarum usui serviunt, ejusmodi voluminibus utantur: nec ideo tamen Legem in quinque partiuntur volumina, sed eam ex antiquo more, quem etiam Christi temporibus obtinuisse crediderim, unico volumine comprehendunt. Mox ulterius progressus vir doctus, affirmat ætate Aquilæ, quem vocat futilissimum Interpretem, Judæos, vel ipsum Aquilam, nequissimam & ineptissimam sacrorum librorum divisionem odio hebdomadum Danielis commentos esse, eosque pervertisse sensus & ordinem Scripturæ, inducendo novam distributionem, Legis videlicet, Prophetarum & *Hagiographorum*. Utrùm nova librorum distributio, modò libri integri sint, illorum sensum pervertat, judicent perspicaciores. Verùm ne minutiora consèctari videar, dico longè probabilius esse Aquilam in vertendis sacris codicibus sequutum fuisse ordinem

dinem librorum quem ætatis illius exemplaria Hebraica præferebant, cùm mutationis illius ratio nulla appareat. Sed id fecit, inquit Voſſius, odio Hebdomadum Danielis, quem rejecit extremo penè inter Hagiographos loco: quaſi verò Judæi non æquè fidem habeant Danielis de Meſſia vaticiniis, ac Chriſtiani. Miratur illorum ſimplicitatem Voſſius, qui Rabbiniſ credunt aſſerentibus *Cetuvim*, ſeu libros Hagiographos, Spiritus Sancti aſſlatu conſcriptos. *Si Rabbinos*, inquit, *conſulas*, ridebunt, utpote gnaros quid per Spiritum Sanctum intelligant. Cur jam factus Rabbiniſta Voſſius Rabbinos iſtos non laudavit, ut ex illis cognoscamus quid per *Cetuvim* intelligant? Novi quidem Judæos de germana vocis illius ſignificatione inter ſe non convenire, etſi omnes ſentiant *Cetuvim* ſeu Hagiographos non minùs Divinos eſſe & Canonicos quam reliquos Veteris Inſtrumentilibros. Negotium iſtud ita explicat ſubtiliſſimus Abravanel. *Diſti ſuere Cetuvim*, quia ſcripti ſuere in Spiritu Sancto: ſi verò ita ſit, nomen *Cetuvim* ad id inſtitutum non eſt, ut denotet ſermones hoſce ſcriptos fuiſſe in libro, non verò ex ore exceptos; verùm ut denotet ſcriptos fuiſſe in Spiritu Sancto & in illo gradu, neque fuiſſe cum ipsis Spiritum Divinum niſi in ipſa ſua ſcriptione in hac lingua & ſapientia. Prophetiam in diverſos gradus dividi, quorum unus alterum ſuperet, aſſignat R. David Kimchi: quos gradus ſubtiliùs explicat R. Moſes Ben Maimon. Sed valere juſſis ejuſmodi ſubtilitatibus, quæ ex Philoſophia Ariſtorelis & Averrois deſumptæ ſunt, conſtat Judæos hac in re cum Joſepho conſentire, quòd libri omnes qui extant in illorum Canone verè Divini ſint ac Prophetici quia ſcilicet à Prophetis conſcripti ſuere. Unde R. Don Joſeph Ben Jechaia, qui Commentariis ſuis Pſalmos illustravit, eoſque cum Patribus ſuis ad *Cetuvim*, ſeu Hagiographorum claſſem revocat, illos cum Lege Moſis comparat, maximamque inde colligit Pſalmodum dignitatem. *Idcirco*, inquit Magiſter iſte, *dignitas libri illius maxima eſt, quòd ſequatur Legem Divinam, ejuſque formam ac perfectionem imitetur.* Illud confirmat Patrum ſuorum auctoritate, qui Pſalmos Prophetis ipsis videntur antepoſuiſſe, quandoquidem illos Moſis Pentateucho adjungunt. Itaque, fatentibus ipsis Rabbiniſ, neque Danielis neque Davidis minuitur auctoritas, etſi in Prophetarum claſſe non recenſcantur. Hæc enim eodem loco mox ſubjungit R. iſte Joſeph modò laudatus: *Neque mirum eſt librum Pſalmodum multa continere vaticinia de tempore Meſſia, cùm etiam in Spiritu Sancto interdum extent de rebus futuris vaticinia.* Hac ar-

נקראו
כתובים
לפי
שונכתבו
ברוח
הקדוש

R. D.
Kimchi,
Praf. in
Pſalm.
Ramb.
in More
Nevuch.

R. Don
Joſeph
Jechaia,
Praf. in
Pſalm.

18 *Castigationes ad Is. Vossii Opusculum de Oraculis Sibyllinis*, te Judæi cum Christianis facili negotio conciliabuntur. Quodque videtur dignum animadversione, Talmudiei Doctores librum Jobi volunt ab ipso Mose scriptum, qui tamen in classe *Cetuvim*, seu Hagiographorum, collocatur.

Talm.
Baba ba-
bra.

Quis credat Vossium è Rabbiniſta fieri Doctorem Talmudicum? Contendit Judæos, etiam ſatentibus antiquis Rabbiniſ, multa ſacrarum literarum loca expunxiſſe, utilitate ſuadente, & verba & ſenſus immutaſſe. *Nihil à me*, inquit vir ille Talmudicus, *hic ſingi cognoſcet, ſi quis Talmudicos adeat libros, in quibus pluribus locis hæc legas; Bonum eſt ut evellatur litera de Lege, & ut ſanctificetur nomen Domini*. Verùm non licet omnibus adire libros Talmudicos, uti doctiſſimo Voſſio. Crediderim decretum iſtud Talmudiſtarum rectè explicari poſſe verbis R. Moſis Ben Maimon, qui cum pleriſque Judæorum Magiſtris ita Legis Moſaicæ immutabilitatem defendit, ut quaſdam illius conſtitutiones Synedrii magni auctoritate ad tempus reſcindi poſſe exiſtimet. Aſſerit Magiſter ille Talmudicus, Deum quidem prohibuiſſe Deuter. 4. ne quid ad verbum ſuum adderetur, neque etiam quidpiam ex eo detraheretur; verùm permiſiſſe omnium temporum & ætatum ſapientibus, ſeu domui judicii magni, ſepes conſtituere ad judicia Legis ſtabilienda in rebus quibuſdam quas volunt innovare ad ſartam teſtam conſervandam Legis auctoritatem: Deum præterea facultatem illis ſapientibus conceſſiſſe quædam præcepta Legis tollere, & quædam prohibita permittere in certa quæpiam re & caſu, non autem in perpetuum. Hæc ſumpta ſunt ex Latina libri More Nevochim editione à Buxtorſio publicatâ. Similia hiſ habet auctor libri cujus nomen Cozri, quique Hebraicè & Latinè etiam à Buxtorſio editus. Roganti enim Cozri, quomodo poteſtas illa innovandi quidpiam in Lege Divina ſtare poſſit cum verbis illis Deuteronomii, *Non ei addes, nec quidpiam ab ea detrahes*; reſpondet Judæus, hæc verba dici ſolùm de multitudine, ne quid ex ſuo ingenio innovet, ſapiatque ex ſua ſcientia; non verò de Senatoribus Synedrii magni, quia ſcilicet non unius fuit Moſis ſanctiones condere, ſed & aliorum quoque Prophetarum Sacerdotumque & Judicium, quibus idem Spiritus Dei interfuit. Is eſt, ni fallor, genuinus Talmudicæ doctriinæ ſenſus, quæ in everſionem verborum contextûs ſacri trahi non poteſt, eùm de tollenda litera, imò diſtione necnon ſententia aliqua inter explicandum contextum illic agatur, minimè verò de mutandis eradendisquæ ejuſdem contextûs literis aut diſtinctionibus,

Mo-

Ramb.
More
Neu.
part. 3.
cap. 41.

Cozri.

Morinus, à quo Iſaacus Voſſius id omne quod Rabbinologiam ſapit in ſuis operibus mutuatus eſt, poſtquàm nihil non commentus fuit ut oſtendar ſacros codices à Judæis dedità operà corruptos fuiſſe, demum B. Auguſtini ſententiam his verbis amplectitur: *S. Auguſtini ſententiam de libris Judeorum ab iſſis de induſtria non depravatis lubentes amplectimur.* A quo tamen ſe in eo diſcedere proſitetur, quòd Auguſtinus actionem illam incredibilem judicaverit, quia fieri non potuit gentem tam longè latèque diſfuſam conſpiſaſſe in pervertendis codicibus tam multis & tam longè latèque diſperſis; ipſe verò Morinus Auguſtino perſpicacior contendit actionem iſtam non modò Judæis eſſe credibilem, ſed etiam ab iis haberi alterum fidei fundamentum. Utrùm autem illud à Morino firmis probationibus demonſtratum fuerit, non eſt hujus loci expendere: ſatis enim eſt oſtendiſſe Morinum, à quo in plerisque dependet Voſſius, adduci non potuiſſe ut crederet Scripturæ Sacræ libros à Judæis de induſtria depravatos fuiſſe; eſſi Talmudiſtarum de evellenda litera è Lege pronunciatum non ignoraverit.

Jam Voſſius relictis Talmudiſtis ad Græcos Interpretes venit, totuſque eſt in aſſerendo id omne quod ſuper eſt linguæ Hebræicæ acceptum ferri debere LXX. Interpretibus; abſque illis ne unum quidem verbum rectè exponi poſſe; nullas omnino verſiones à Judæis, ſeu ad mentem Judæorum factas, bonas inveniri, quæ non ſint à LXX. deſumptæ Interpretibus; ubicunque ipſi deſeruntur, ipſam quoque ibi deſeri veritatem; demum ab illis Judæis petendam eſſe ſacrarum literarum interpretationem, qui florente & ſuperſtito etiā nūm linguā Hebræicā ſacros verterunt libros, ſed non ab iſtis Judæis qui Chriſtianæ fidei ſunt hoſtes, quique ſponte ſuā fatentur ſe nēſcire Hebræicè. Jam his ferè ſimilia pro evertendis hodiernis codicibus Hebræicis, & ſtabiliendā veterum Interpretum auctoritate produxerat Joannes Morinus, quæ cū à Ludovico Cappello, teſte in præſenti materia locupletiffimo, quem haud immeritò plurimi faciunt Voſſius, graviffimis argumentis caſtigata fuerint, malim verbis doctiffimi illius viri, quàm meis, optimo Voſſio reſpondere. Primò itaque de Morino ait Cappellus, (nos verò de Voſſio) facile eſſe ignorare plebi fumos vendere, & ad populum phaleras jactare. Deinde veniens ad LXX. Interpretes, negat contra Voſſii mentem, linguam Hebræicam fuiſſe illis vernaculam, quæ ſcilicet in captivitate Babylonica, à qua pluſquàm CC. annis diſtabant, perperda fuerit.

7. Mor.
lib. 1.
Exerc. 1.
cap. 6.
Auguſt.

Lulov.
Capp. in
Apol. ad-
verſ.
Boat.

20 *Castigationes ad Is. Vossii Opusculum de Oraculis Sibyllinis*, Addit illos ex Chaldaicæ & Syro-Chaldaicæ, quâ Judæi tum utebantur linguæ affinitate, potuisse studio, labore ac frequenti sacrorum Scriptorum lectione atque diligenti examine linguæ Hebraicæ non mediocrem sibi comparare scientiam. Multa etiam potuisse illos ad linguæ illius & sacrorum librorum intelligentiam ex Patrum suorum traditione habere necessaria. *At eos*, inquit Cappellus, *omnia vidisse, omnia intellexisse, nullibi lapsos esse aut allucinatos nemo dixerit, nisi qui Hebraicè nihil scit, & qui eorum translationem cum Hebræo textu non contulit, etiam in iis locis in quibus illi non secus quàm nos hodie legerunt, ubi videre est frequentes eorum pueriles & pudendos lapsus, sæpe lapsus à genuina vocum & phrasæ significatione, & sacrorum Scriptorum mente atque scopo.* Hæc & alia ejusdem generis plurima Criticæ sũe Sacræ inseruerat Cappellus, quæ expungi curavit Morinus, quia ad illius palatum non faciebant. Illa autem sumpsimus ex sermone apologetico ejusdem Cappelli adversus Bootium. Quid autem ad hæc respondeat Vossius non video, cùm & ipse noverit Cappellum ad scribendum opus suum Criticum non accessisse animo à Rabbini præoccupato. Imò Semi Rabbini isti quos sæpius traducit Vossius, de Cappello ejusque libro gravissimè conquesti sunt. Audiamus iterum verba ejusdem viri docti & in hoc studii genere exercitissimi, quibus diversum planè & à Vossii sententia alienum fert judicium de versionibus illis quæ post LXX. Interpretes ex Hebræo factæ sunt. *Tribuatur sanè veteribus illis translationibus, ait Cappellus, sua cuique laus, gloria & honor ob earum antiquitatem & perpetuum Ecclesiæ usum; at ne tamen ubi manifestò vitiosæ sunt, aut manca & imperfectæ, præponatur earum vitium ipsi originarie veritati atque authentico textui, neve præferantur illæ perversæ quædam & iniquæ ac jurgiosæ & contentiosæ prorsus invidiæ, aut potius damnandæ quædam xaxoxdæa, aliis longè melioribus atque accuratioribus translationibus.* Potuit igitur melior & accuratior fieri sacrorum codicum translatio, auctore Cappello, quàm sit Græca illa LXX. Interpretum versio. His & alia complura possent adjici, quibus in præsentia superfedeo, ne sim molestus. Deinde cùm Cappellus non sit ex eorum hominum secta quos facetissimus Vossius appellat *afellos cassos lumine & intellectu, togulâ cinctos Professoriâ, pro clypeo gestantes Biblia Masorethica cum omnibus suis punctis*, facile crediderim eum sine ullo negotio ad viri tam eximii sententiam de Græca LXX. Interpretum versione accessurum.

Iterum instat Vossius, contenditque omnes Judæos qui Christi præ-

Ludov.
Capp. in
Apol. ad
vers.
Boot.

Voss. in
Epist. ad
Andr.
Cels.

præcessere tempora agnovisse hanc solam versionem velut legitimam; usque ad tempora Aquilæ nullam aliam lectam fuisse in omnibus Judæorum Synagogis præter illam LXX. Interpretum, ut in Ægypto, Asia & reliqua Syria, ita quoque in Judæa à temporibus nimirum Alexandri Magni, nullam præter Græcam auditam fuisse linguam, in urbibus præsertim oppidisque; ne in Hierosolymitanis quidem Synagogis aliam præter Græcam personuisse linguam; si Hebræa prælegeretur Scriptura, accessisse interpretationem Græcam. Quot verba protulit Vossius, tot effudit commenta. Primò enim ante conditam LXX. Seniorum versionem ab Esdræ temporibus constat non aliam in Judæorum Synagogis lectam fuisse Scripturam quàm contextum Hebraicum. Non enim ita linguæ suæ obliti fuere Judæi in exilio Babylonienfi, quin illa penès Prophetas, Sacerdotes ac viros principes remanserit, uti rectè monuit Josephus Albo præstantissimus Judæorum Theologus: & id haud invitus agnosceret Vossius, qui putet LXX. Interpretes sacros vertisse libros florente & superstitie etiamnum Hebraicâ linguâ. Jam etiam post conditam LXX. Seniorum translationem saltem in aliquot Synagogis lectum fuisse contextum Hebræum, nec diffiteri poterit vir doctus, qui scribat Fl. Josephum Legem Moysis in Synagoga Hebraicè interpretatum esse, historiam belli Judaici, antequàm Græcè scriberet, linguâ Hebræâ edidisse; quo argumento refellit Vossius illos qui objecerant nescisse patrium sermonem, neque unquam codicem Hebraicum inspexisse, quibus opponit ipsamet Josephi verba, qui scribat excelluisse se in disciplinis patriis præ cæteris Hebræis, Græcam verò linguam non nisi per Grammaticam addidicisse, accuratâ verò pronunciandi ratione caruisse. Ergo etiam teste ipsomet Vossio qui pugnantia loquitur, non modò vilis popellus & ii solum qui rure & in pagis versabantur dialecto utebantur Syriacâ, sed & viri principes, inter quos Josephus, qui linguam Hebraicam, aut magis Syriacam, vocat sermonem patrium, cujus pronunciandi ratio, quia erat paulò horridior, testatur se pronunciare vix potuisse Græcum sermonem, qui Hebraico, seu Syriaco, longè politior erat. Si lingua Græca in urbibus & oppidis erat vernacula, cur Josephus qui rure & in pagis educatus non fuerat, hanc per Grammaticam didicit? Sileo Christum & Apostolos Hierosolymis Syriacè loquutos, uti manifestum est ex libris Novi Testamenti. Quare figmentum est quod asserit Vossius de Hierosolymitanis Synagogis,

R. Jos.
Albo.

Voss. in
Castigat.
ad Obj.
Horn.
Joseph.
in sua.
Antiq.

22 *Castigationes ad Is. Vossii Opusculum de Oraculis Sibyllinis*, in quibus non alia audita fuerit lingua quàm Græca. *Quod si*, inquit vir doctus, *Hebræa prælegeretur Scriptura, accedebat interpretatio Græca; à solis quippe doctis intelligebatur vetus Hebraica lingua.* Mirus sanè ratiocinator Vossius, qui ex eo quod docti solùm linguam Hebraicam intellexerint, concludit etiam Hierosolymis accessisse Græcam interpretationem. Longè verius dixisset, his locis ubi lingua Syriaca apud Judæos erat vernacula, accessisse lectioni Hebraicæ sacri contextûs interpretationem Syriacam; in iis verò locis ubi apud Judæos vigeat sermo Græcus, accessisse Græcam interpretationem. Sic etiam Hierosolymis in Synagoga Alexandrinorum qui Græcè loquebantur, non dubito quin sacer contextus primò Hebraicè pro antiquo Synagogarum usu non lectus fuerit, deinde Græcè ab aliquo interprete ex antiquâ etiam consuetudine Judæorum, qui inde jam à reditu exilii Babylonici, postquàm lingua Hebraica desuit esse vernacula, sibi præpositos habuerunt Interpretes qui verba Hebraica in patrium sermonem converterent, ut ab omnibus etiam plebeiis intelligerentur. Quo sensu exponenda esse Justiniani verba putaverim, quibus probant viri docti priscis temporibus in Synagogis Judæorum qui vulgò Hellenistæ appellantur, lectam fuisse publicè Græcam LXX. Interpretum versionem. Si enim verba Novellæ Justiniani pensulatiùs considerentur, manifestum erit in istis Synagogis Græcam translationem venisse tantùm in auxilium contextûs Hebraici & velut illius interpretationem, quomodo Hierosolymis aliisque locis vicinioribus lectioni Hebraicæ adjungebatur interpretatio Chaldaico-Syriaca. Minimè tamen reluctans agnosco cum Vossio, etiam in Judæa linguam Græcam aliquâ ratione obtinuisse, maximè apud viros primarios & magistratus, ita tamen ut sermo Chaldaico-Syriacus, quem eorum Majores è Babylone reportaverant, prævaluerit: & ut ita credam non solùm adductor Josephi auctoritate, sed & compluribus Novi Testamenti testimoniis, ex quibus liquidò constat Christum & Apostolos Syriacè loquutos fuisse. Verùm de his infra iterum locus erit differendi. Sunt & alia quædam quæ in opusculum suum de Sibyllinis Oraculis adversus Judæos eorumque codices Vossius conjecit: verùm cum ea rursus inculcet vir doctus in Responsione sua ad Objecta nuper Criticæ, satius erit ista omnia in unum collecta expendere. Videntum itaque an hac in parte felicior successus ei fuerit.

Justin.
Nov.
146.

Voss. in
Resp. ad
Obj. nup.
Crit.

Primâ fronte laudat Vossius auctorem Criticæ Sacræ, quam Simonio

monio tribuit, quod prisci Interpretes, LXX. scilicet & Cappelli Observationes, ei placuerint. Diligentiam quoque ejusdem Simonii, seu potius patientiam, in evolvendis Rabbiorum scriptis laudat & admiratur: sed quod illorum expositionibus traditionibusque solo auditu propagatis aliquid solidi existimet subesse, & quidem tantum, ut eas sapè non dubitet LXX. Interpretum præponere versioni, in eo se cum illo consentire non posse palàm proficitur; nec putat quemquam cordatum cum Simonio hac in parte consensurum. Cordatus tamen est Cappellus ille quem tanti facit Vossius, & quidem meritò, at in hoc de quo agitur negotio ne tantillum quidem Simonius discessit à Cappello, qui Morinum ejusque simiam Vossium perstringit tanquam homines intemperantes, qui perversà quâdam & damnandâ *κακῶς θύειν* antiquas translationes aliis longè accuratioribus præferant. In hoc præterea Vossio displicet Simonius, quod scripserit Hieronymum rectè aliquando recessisse ab antiquis Interpretibus, quasi verò antiqui illi ab omni prorsus errore immunes extitissent. Neque etiam in hoc Cappellum deseruit Simonius: ubi enim Cappellus loco jam suprà laudato pueriles lapsus in Græca LXX. Interpretum versione haud infrequenter deprehendi annotavit, hanc & Hieronymianam inter se comparat, præfertque Hieronymianam, utpote quæ meliorem sensum pariat; ac demùm ista subjungit: *Sexcenta possent, imò innumera ejusmodi proferri loca, in quibus ex eadem cum hodierna planè lectione Hieronymus longè aliter & felicius multo mentem sacrorum Scriptorum expressit, quàm LXX: quia nempe eorum laboribus & translatione adjutus & aliorum, Aquilæ nimirum, Symmachi, Theodotionis, &c. versionibus sublevatus, illorum hominum σφάλματα, cespitationes, allucinationes & aberrationes deprehendere potuit.* Nec aliud profectò de Hieronymo sentiunt qui Græcæ & Hebraicæ eruditionis habent aliquid, si unum excipiamus Vossium, qui exemplo Ruffini Hieronymum Judaico & à Rabbinis præoccupato animo ad cudendam novam contextûs Hebraici versionem accessisse existimat. Dudum evanuit, auctore in primis Hieronymo, illa Græcorum Interpretum Prophetia quam Majores nostri nimium venerati sunt. Verùm ad id quod è re nostra est redeamus.

Recentium Rabbiorum expositionibus & eorundem traditionibus solo auditu propagatis nihil inesse solidi contendit Vossius, eo præsertim adductus argumento, quod traditiones quæ solo auditu propagantur, rarò solent ad duo vel tria perstare secula. Si res ita sit, quâ

Ludov.
Capp. in
Apol. ad-
vers.
Buxtorf.

24 *Castigationes ad Is. Vossii Opusculum de Oraculis Sibyllinis*,
quâ ratione fieri potuit ut LXX. Interpretes post deperditam à duo-
bus seculis linguam Hebraicam, sacri codicis versionem fecerint in
omnibus absolutam, qualem fingit Vossius? Dicit haud dubiè nihil
hac in re mirabile esse, cum illi Prophetæ fuerint. Sed cuinam crede-
mus, an Vossio affirmanti Græcos Interpretes fuisse Prophetas, an
Hieronymo neganti? Verùm, inquires, Semi-Rabbinus est Hierony-
mus, qui novam & Judaicam contra communem Ecclesiarum consen-
sionem ausus est translationem eudere. At Sibyllista est Vossius, qui
novos Prophetas & Fatidicos hætenus incognitos commentus est.
Judaica illa & Rabbinica Hieronymi versio suos habet approbato-
res, & quidem innumeros, eosque pietate & eruditione conspicuos.
Nemo autem est ætate nostrâ qui sententiam Vossii de unica LXX.
Interpretum versione recipienda amplectatur, si demas quosdam
Socini discipulos, qui avidè illius opinionem arripiunt. Juvat rem
ipsam penitiùs introspicere, naturamque traditionis cui contextûs
Hebraici lectio innititur manifestam facere.

Res quidem Religionis, maximè quæ ad doctrinam à sensibus
paulò remotiorem pertinent, unius traditionis ope absque scriptis
per plura secula vix servari posse facilè concesserim. De rebus verò
quas vocant disciplinæ & ceremoniarum, diversum planè ferri debet
judicium, quia scilicet res istæ ferme quotidie in usum veniunt. Hoc
potissimùm traditionis genus prisci Ecclesiæ Patres suis suffragiis
approbant. Jam dico eandem omnino esse linguarum rationem, quæ
licet emortuæ nec ampliùs vernaculæ sint, adhuc apud Doctores
obtinent, vigentque in Scholis. Ad hanc traditionis speciem revoca-
mus linguæ Hebraicæ apud Judæos traditionem. Ex hac proculdu-
bio factum est, ut etiam hodiernis temporibus Samaritæ eodẽm Le-
gis Mosaicæ codices habeant atque Judæi, si paucula excipias. De-
mum ex illa quoque traditione ortum, ut Judæi non modò Orienta-
les & Occidentales de contextûs Hebraici lectione inter se consenti-
ant; sed & illi qui *Carraim* apud illos nomen ex eo reportarunt,
quòd, rejecto Talmude aliisque traditionibus parùm constantibus,
Scripturæ adhæreant, & cum reliquis Judæis de ratione legendi
sacri codicis in omnibus concordent. Explodenda igitur non est te-
merè traditio illa quam Carraei, qui plerasque Judæorum traditio-
nes respuunt, integram amplexati fuere. Huc quidem multa pos-
sem congerere sumpta ex Judæorum libris, quibus probant Majo-
res suos inde jam à Zorobabelis & Esdræ temporibus Scholas ha-
buisse,

buisset tum apud Babylonios, tum apud Hierosolymitanos; sed his & aliis ejusdem generis prudens supersedeo, quod non sint ad palatium doctissimi Vossii, cui Rabbiniologia multum displicet. Non ignoro complures Judæos, illos maxime qui sunt à classe Grammaticorum, existimare non solum sacros codices in exilio Babylonicò variè distractos ac miserè depravatos fuisse, uti sentiunt R.R. Kimchi & Ephodæus, sed & linguam fere deperditam. Et cum his consentiunt etiam Judæi qui sunt è sectæ Carræorum. Ita enim scribit de hoc argumento Aaron Ben Joseph, doctissimus Carræus. *Exules fuerunt Israëlita ex terra sua in aliena, obsignataque est visio ac Prophetia, parumque absuit quin lingua Hebraica deperdita fuerit. Surrexerunt sapientes Israëlita quibus Deus addidit Spiritum, & pertraxerunt Scripturam quæ apud nos libros XXIV. complectitur.* Ex quibus manifestum est linguam Hebræam antiquitus omnino sepultam non fuisse, etsi post reditum Judæorum è Babylone Hierosolymis non ampliùs vernacula fuerit; sed à Legis tantum Doctoribus conservata. Sic dicitur Esdras Scribæ peritissimi munus præstans legisse ex pulpito Legem coram multitudine virorum & mulierum. Ex eo potissimum tempore suos ducunt Paraphrastas Judæi, qui Legis verba sermone patrio exponerent ut ab omnibus intelligerentur; nec aliunde suam duxisse originem crediderim Græcam LXX. Interpretum versionem, de quibus postea mira commenti sunt Judæi; eorumque somnia tam avidè arripuit Vossius, ut existimaverit illos solum à Christianis audiendos esse. Tum in Synagogis & Scholis locorum ubi lingua Græca erat vernacula, lecta est Græca illa Judæorum Alexandrinorum translatio, quæ in brevi temporis spatio ad reliquos Judæos qui Græcè loquebantur pervenit, quod lingua Græca esset lingua dominantium. Non ideo tamen relicta est contextûs Hebraici lectio, ad cujus duntaxat auxilium veniebat Græca interpretatio. Neque id diffitebitur Vossius, qui asserat Josephum & Philonem, qui erat Alexandrinus, Hebraicè doctos fuisse. Quandonam igitur periit lingua Hebraica? An tempore Aquilæ, quem futilissimum vocat Interpretem Vossius? Verum ipse etiam agnoscit, Origenis tempore Alexandriæ, & Hieronymi ætate Tiberiade, celeberrimas fuisse linguæ Hebræicæ Scholas. Conservatas autem fuisse post Hieronymum Tiberiadis Scholas, nemo ignorat, ex quibus tandem Criticorum illorum familia, qui vulgò Masorethæ appellantur, nata est. Masoretharum autem nomen obtinuerunt; quod Masoram, seu legendi contextûs Hebrai-

Aaron
Ben Joseph.
Praefat.
Comm. in
Pentat.

כמעט
היתה
לשון עבר
נשכח
מהם וכו'

Nehem.
cap. 8.

26 *Castigationes ad Is. Vossii Opusculum de Oraculis Sybillinis*,
ci traditionem, ab omnibus Judæis tunc receptam beneficio nota-
rum quarundam, seu punctorum vocalium, intra certos limites
clausurunt. En traditio Judaica, cui plurimum quidem tribuit Si-
monius; sed à qua non rotus dependet, cum non parvi etiam faciat
traditionem, seu lectionem contextus Hebraici, quam Græci In-
terpretes sequuti sunt. Imò eam interdum Masorethicæ præferre
non dubitat, quia scilicet neque à Græcis Interpretibus, uti Vos-
sius; neque à Latino, uti plerique Ecclesiæ Romanæ Theologi;
neque à Judæis, ut turba Protestantium, præoccupato ad scriben-
dum animo accessit.

Verum, inquit optimus Vossius, Judæi Christiani nominis sunt
inimici, adeoque ab istis peti non debuit sacri codicis lectio. Quasi
verò ars aliqua ab aliis sumi possit, quàm ab illis qui artem illam tra-
ctant. Sed iterum instat Vossius, faterique lectionem hanc à Judæis
quidem petendam esse, verum à priscis illis qui Christi tempora
præcesserunt; minimè verò à recentioribus Rabbis, qui illam pe-
nitentius ignorant. Et in hoc etiam cum Vossio consentit Simonius,
quòd traditionem lectionis Hebraicæumat quoque ab illis antiquis
Judæis; in hoc verò ab eo discedit, quòd non ab iis solùm, sed & ab
Aquila, Symmacho, Theodorione, Hieronymo aliisque omnibus
Interpretibus sacrarum literarum hauriendam illam esse putaverit:
quia nimirum ars quælibet ex uno aut altero perfici nequit, sed ex
omnibus simul collectis. Nullius Magistri legibus addictum se pro-
fiteretur Simonius, negat ex vulgaribus Grammaticorum regulis per-
fectam haberi posse linguæ Hebraicæ cognitionem, quia sunt spe-
cialiores, & intra angustos nimium præceptionum limites claudun-
tur. Censet præterea ad vetustos recurrendum esse Interpretes ex-
emplo Hieronymi, qui non modo ætatis suæ Magistros consuluit;
sed & modò LXX. Interpretes, modò Aquilam, modò Theodoti-
onem & quemlibet alium sequitur, cujus interpretatio sibi videatur
commodior. De nova instituenda versione, etiam ætate nostrâ, quæ
cæteras omnes superet, non desperat. Neque enim verum est, ut
sæpius inculcat Vossius, unum duntaxat Hieronymum à LXX. In-
terpretibus recedere ausum fuisse. Imò reliquos Patres sæpius videas
ad Aquilæ, vel Theodotionis, vel Symmachi versiones recurrere,
quòd hæc meliorem interdum sensum pariant. Longius profectò re-
cedunt à Vossio, qui putet sublatis LXX. Interpretibus simul quo-
que tolli omnem quæ superest linguæ Hebraicæ cognitionem; abs-
que

que illis ne unum quidem verbum rectè exponi possè; Aquilam & alios Interpretes peccasse ubicunque à vetere recesserunt versione; illum futilissimum esse Interpretem, qui ex Græca tantum LXX. Seniorum translatione Hebraicè doctus non novas potestates vocibus Hebraicis affinxerit, sed eas solum retinuerit significationes à Græcis illis interpretationibus positas, diverso tamen ordine, & alias notiones aliis locis accommodans. Istum tamen Aquilam, cujus versionem plenam futilibus vocabulis affirmat Vossius, haud infrequenter laudavit Origenes, qui de Aquila loquitur tanquam de homine qui verborum proprietates investigans, eorumque significationibus diligenter inhærens, eadem aptissimè interpretari studuerit.

Ὁ κερματὶς ἱερμανδὺν φιλομαγίδου ἁγίας. Si autem easdem Aquila linguæ Hebraicæ notiones diversis locis diversâ tantum ratione applicuerit, expendenda sunt illa loca, judicandumque an rectè ab illis Interpretibus discesserit. Constat Hieronymum aliquando prætulisse Aquilam LXX. Senioribus, quod hi Judæis favere sibi viderentur. Similiter Origenes putavit Aquilam locis compluribus dictiones contextûs Hebraici convenientius expressisse quàm LXX. nec ab eo dissentit Theodoretus. Commentum igitur est quod fingit Vossius, inter omnes scilicet antiquos Christianos neminem fuisse cui non majus Hebraicæ veritatis lumen affulserit, quàm omnibus sæculi nostri Rabbinis & Semi-Rabbinis Christianis: nam ut optimè à Ludovico Cappello annotatum fuit, nihil est simul cœptum & perfectum. Septuaginta Interpretum translatio ab Aquila, Symmacho, Theodotione & ab Hieronymo emendata est, & quotidie emendatur, non fecus ac Hieronymiana, à viris Græcè & Hebraicè doctis. Illa reliquis Scripturæ Sacræ versionibus in eo solum præstat, quod prima sit omnium translationum, à qua proinde qui postea sequuti sunt Interpretes non pauca ad instituti sui rationem hauerint. Nec dubito quin Philonis tempore, Alexandria aliisque locis ubi floruit lingua Græca, dictionum Hebraicarum Lexica extiterint sumpta ex versione LXX. Interpretum. His etiam adjutum fuisse Aquilam in eudenda nova sua translatione non inficias ierim: sed ut credam illum qui ab Origene, Hieronymo aliisque Patribus diligentissimi Interpretis cognomentum reportavit, Judæos ætatis suæ non consuluisse, vix adduci possum; & ut ita sentiret Vossius non aliunde permotus fuisse videtur, quàm ex præsumpta opinione, solos nimirum audiendos esse LXX. Interpretes, quibuscum

Origen.
Comm.
in Cap. 1.
Genes.

28 *Castigationes ad Is. Vossii Opusculum de Oraculis Sibyllinis*, linguæ Hebraicæ cognitio sepulta fuerit. Id omne quod in Aquilam regerit Vossius, de Hieronymo etiam dici potest, quem tamen constat Doctores Judæos ætatis suæ in condenda versione sua ex Hebræo in Latinum sæpius consuluisse, imò & ab istis sæpius quàm à Græcis Interpretibus dependere voluisse. Ubique enim testatur in operibus suis Hieronymus, se à doctissimis Judæorum Magistris ætatis suæ institutum fuisse. Similis est prorsus Aquilæ ratio, quem contentiosum aliquando appellat Interpretem idem Hieronymus, quòd dictionibus Hebraicis pressius adhærens, verba potius quàm sensum exprimat. Unde illum *κακῶς ζητίας* quidem, seu prave affectationis accusat, minimè verò ignorantix, cum hanc potius affectationem tribuat Origenes nimix illius diligentix. Verum his diutius quàm par erat immorati sumus.

Nunc ad alia transit Vossius. Negat Scripturæ sensum erui posse ex codice muto, quem nec legere, nedum intelligere quisquam sciat, utpote trunco mediâ sui parte, nec aliis, quàm quas Christianæ fidei inimici apposuere, instructa vocalibus. Satis non fuit Interpretes sacri codicis traduxisse, nunc ipsosmet codices accusat Vossius. Passim & usque ad nauseam in opusculo objicit mutum esse codicem Hebræum; quasi verò LXX. Interpretum temporibus minùs mutus fuerit quàm ætate nostrâ. Hæc est nimirum Orientalium scribendi ratio, ut sectentur compendia; neque illud vitium magis cadit in sermonem Hebraicum quàm in Arabicum, Chaldaicum & Syriacum, quorum etiam scribendi ratio compendiaria est. Exemplarium quibus usi sunt LXX. Interpretes melior non fuit conditio; verùm erat apud Hebræos, ut & apud reliquos Orientales, certa quædam legendi ratio usu confirmata, maximè apud Magistros, qualis etiam nunc extat. Nam etiam post inventa puncta vocalia plerique Orientalium libri absque istis editi sunt; neque tamen minus eos legunt qui eorum linguas callent, quàm si punctis omnibus instructi editi fuissent. Samaritæ codicem suum ejusmodi punctis nunquam onerârunt, imò neque ea exhibent Judæorum exemplaria, seu volumina, quæ publico Synagogarum usui inserviunt. An ideo isti codices muti sunt? Suas quoque habent vocales Judæi quæ ab istis punctis minimè dependeant, ut & ipse Vossius non diffitetur: verùm istas Scribæ pro arbitratu suo modò adjiciunt, modò omittunt. Quare optimè animadvertit sapiens Aben Esra, vanum esse hac in parte Masoretharum laborem, qui

qui nimis anxie annotant quoties dictio aliqua plenè scribatur, & quoties deficiat, id est, quandonam cum suis vocalibus repræsentetur. *Scriba*, inquit doctus Aben Esra, *interdum scribendo exprimit dictionem plenam, interdum verò deficientem, idque causâ compendii.* Si quis tum antiquos tum recentiores Interpretes inter se conferre voluerit, deprehendet ex illa vocalium præsentia vel absentia aliquid diversitatis in contextu transferendo contigisse. Neque etiam hodie hac in parte consentiunt secum invicem Judæorum Magistri, uti compluribus ostendit Simonius, qui non ob hanc causam de Judæorum codicibus detrahit, sed vitium illud, si quod sit, in linguarum Orientalium naturam rejicit. Hâc arte Doctores Mahometani lectionem Alcorani adjectis ejusmodi notis, seu punctis vocalibus, constantem fecerunt, ne in varias partes pro cujusque arbitrio trahi posset. Laudanda est profectò Judæorum hac in parte diligentia, qui punctorum beneficio sacrorum codicum lectioni in posterum consuluerunt. Certum est in qualibet ætate fuisse Masoram aliquam saltem apud linguæ Hebræicæ Doctores aspectabilem, quia semper certa fuit contextûs Hebræici legendi ratio, etsi illa nonnihil pro diversis ætatibus variaverit, ut ex diversarum translationum collationibus licet judicare. Quare totum istud negotium nunquam videtur intellexisse Vossius, qui scribat propter vocalium defectum eò miseros Judæos redactos fuisse inscitæ, ut ne legere quidem scirent, nisi Hebræica verba Græcis expressâ literis adscriberentur, quibus vocalium refarciretur defectus. *Hunc scribendi morem*, inquit, *à Judæis acceptum, in Tetraptis & Hexaptis sequutus est Origenes, Hebræicis & Samariticis opponens eadem Hebræica & Samaritica Græcis expressâ literis, additis tantum vocalibus, ut commodè legi possent.* Mira sanè hoc loco, ut & alibi passim, commentus est doctissimus Vossius: ut enim sileam merum illud esse figmentum quod affert de contextu Hebræo qui literis Samariticis insertus fuerit Hexaplis Origenis, nemo sanus existimaverit Origenem hausisse à Judæis rationem exprimendi contextûs Hebræici Græcis literis, verum ipse potius, ut linguæ suæ hominibus se accommodaret, verba Hebræica primùm Hebræicis literis, deinde Græcis characteribus expressit, ut etiam Hebræica legere possent qui nihil scirent Hebræicè. Judæi siquidem illis temporibus, ut & hodiernis, contextum suum absque punctis

Aben Esra, Pref. in Pentateuch.

enim ignorat Persas & Turcas non aliis uti characteribus quàm Arabicis, qui in negotio de quo agitur Hebraicos omnino referunt. Nec quidquam ad propositum facit quod mox subjungit exemplum Vossius, petitus ex scriptis Homeri & Virgilio operibus, si vocalibus destituta ad nos usque pervenissent, quandoquidem maximum est discrimen inter linguas Græcam & Latinam, atque inter Hebraicam, Chaldaicam, Syriacam & Arabicam; cùm hæ punctis vocalibus destitutæ non idcirco vocalibus penitus destituantur. Adjicit & aliud commentum vir doctus, rationem hanc scribendi, Græcis scilicet literis, viguisse apud Judæos per annos fere mille, nempe usque ad tempus Maforetharum, qui ante sexcentos fere annos, neglectâ hæc duplici scripturâ, sequuti Syros & Arabes apices, & puncta invexere quibus vocalium loco uterentur. Verùm inde jam ab octingentis annis scripsit R. Saadias opuscula quædam de re Gram-

R. Saad.

matica, ex quibus constat etiam ante illa tempora ejusmodi puncta vocalia Bibliorum codicibus adjecta fuisse. Quorsum meminit Maforetharum, quos punctorum inventores fuisse non diffiteor, cùm & ipsi diu ante Magistrum Saadiam floruerint? Verùm, inquit Vossius, adeo recentia esse puncta vel ex eo satis est manifestum, quod nullus liber, nullumque appareat monumentum, quod quidem quingentis annis sit vetustius, in quo ista compareant. Simili ratione dixerim ante sexcentos annos nulla fuisse Hebraica Bibliorum exemplaria, quod non inveniantur ætate nostrâ quæ majorem præferant antiquitatem: sed pudet in his refellendis, quæ aperte falsa sunt, longius detineri. Monumenta produxit Simonius longè antiquiora in quibus puncta compareant. Invehitur præterea in Judæos Vossius, eosque pravos & perversas vocales plerisque vocabulis aptasse colligit ex propriis nominibus quæ in Evangeliiis & in veterum Judæorum passim occurrunt monumentis; ut necesse sit, inquit vir doctus, aut ineptissime & nullo judicio hodierna esse apposta puncta, aut Christum & Apostolos, omnesque adeò veteres Judæos, Prophetarum & proavorum ignorasse nomina. Verùm non animadvertit optimus Vossius, illa eadem nomina hodiernis etiam temporibus à Judæis diversarum nationum diversâ ratione efferri ac scribi, si in patrium sermonem transferantur. Ea siquidem aliter scribunt Itali, aliter Hispani, & aliter Germani. Ad antiquam tum scribendi tum pronunciandi rationem magis accedunt Hispani, quia simplicior est illorum pronunciatio; Judæi verò Germani à genuina

nuina

32 *Castigationes ad Is. Vossii Opusculum de Oraculis Sibyllinis*, nuina tum scriptione tum pronunciatione cæteris omnibus longius recedunt: idque manifestò colligitur ex libris quos Italicè, vel Hispanicè, vel demum Germanicè conscripserunt, in quibus diæctiones Hebraicæ diverso planè modo & aliis literis exprimuntur. Constat tamen illos hanc scriptionis diversitatem ex diversis Hebraicorum exemplarium lectionibus non hausisse. Sed pronunciationis vitium, quod ex vulgari sermone oritur, secum etiam trahit scripturæ vitium; unde factum est ut plerique Hebraistarum, qui ex Grammatica Hebræa Buxtorfii Hebraicè sciunt, pravè quoque & more Germanorum diæctiones Hebraicas scribant. Illud omne jam à Leone Modena verbis paucioribus annotatum fuit, qui ut genti suæ faveret, Italarum pronunciationem cæteris præfert. *Nella pronuncia di essa lingua Hebreà, ait Magister ille, sono talmente poi tra di loro differenti, che à pena sono intesi; Todeſchi da gl' Italiani e Levantini ne vi è chi più chiaro & conforme alle regole della vera Grammatica Favelli, che Italiani.* Eamdem fuisse linguarum omnium sortem, discere possumus ex priscis Grammaticis; illudque argumentum optimè tractavit Erasmus Dialogo de rectâ Latini Græcique sermonis pronunciatione, ubi observat Maximilianum Cæsarem ab aliquot diversarum nationum oratoribus se præsentè Latinè salutatum, omnes tamen qui aderant hisce orationibus credidisse nullam Latinè pronunciatam fuisse, sed vulgari quamlibet sermone. Galli orationem non malè Latinam adeo Gallicè pronunciatam fuisse testatur idem Erasmus, ut Italis aliquot eruditus qui tum aderant, Gallicè non Latinè dicere crederetur. Ad quam Galli orationem Doctor aulicus tam Germanicè respondit, ut nemo vulgari linguâ dicere potuisset magis Germanicè: in hunc enim modum exorsus est, *Cesarea Maghestas, penè caudes fidere fos, & borationem festram lipenter audist.* Haud absimiliter Judæi Germani sermonem Hebraicum Germanicè pronunciant & scribunt, & inde maximè orta est nominum propriorum diversitas quæ in Pagnini, Munsteri, aliorumque recentiorum Interpretum versionibus deprehenditur, si cum Euangeliiis & antiquioribus monumentis illa comparentur. Sed tempus est ut ad alia cum Vossio transeamus.

*Leo Mod.
Hist. de
Riss.
Hebr.
part. 2.
cap. 1.*

Erasmus.

*Idem sub
fin. Dial.
de pron.
Lat. &
Græc.
serm.*

Incertam esse vocum Hebraicarum expositionem propter defectum vocalium contendit vir doctus, in eaque etiam sententia Simonium esse existimat, qui etiam crediderit inde factum ut Rabbini codices Hebræos 72. facies habere affirmant. Verum quidem est
Simo-

Simonium interpretationum contextûs Hebraici diversitatem ex parte tribuisse vocalium, quæ modò adsunt, modò absunt, inconsistentiæ. Sed 72. facies illas, quas codices Hebræi præ se ferunt, ex Judæorum opinione longè aliter explicavit; nec est profectò cur istud Judæorum pronunciatum adeo frequenter objiciat Vossius, quod non videtur intellexisse. Unus enim simplexque Scripturæ Sacræ sensus non minùs à Judæis quàm à doctissimo Vossio comprobatur. Nomine autem 72. facierum veniunt tantùm sensus allegorici, qui tot sunt, quot otiosi Magistri possunt comminisci. Commune enim est effatum non modò apud Judæos qui sunt è secta Carræorum, sed & apud Rabbanistas, quibus inest eruditionis aliquid & judicii, אֵין כִּקְרָא יִצְחָא כִּדְרֵי כְשִׁיטוּ, *Scripturam non abire extra sensum simplicem*, seu, ut vocant, *literalem*, quem unicum amplexari se proficitur doctissimus Aben Esra, R. Alen
 spreitis illis 72. faciebus, seu sensibus allegoricis & Cabbaliciis, E'sra,
 quos plerique Judæorum, maximè qui incolunt regiones Orientis, sectantur. *Prof. in Pentat.*
 Quare Judæis ipsis illi mihi videntur ineptiores, qui ex Rabbīnorum libris varia fabularum monstra congerunt, ut Doctoribus istis recutitis creent invidiam. Ejusmodi portentis pleni sunt libri Talmudis & antiqui Medraschim, seu Commentarii allegorici. Hoc sensu dicunt Magistri Mosem non esse mortuum; R. Simeonis Ben Jochai & Regis Ezechix temporibus visum non fuisse arcum cœlestem, quia justī erant; eo tempore quo Jonathan Paraphrasi Chaldaicæ operam dabat, aviculas super eum volitantes momento exustas fuisse. Sexcenta ejusdem generis prætereo, quæ Judæi sapientiores כִּדְרֵי הַדְרָשׁ, *sensu allegorico* dici existimant. Ad quam etiam classē revocanda sunt ea omnia quæ de 72. Scripturæ faciebus commenti sunt Magistri. Cesset itaque Vossius illis objicere veritatem constare non posse ubi adeo multiplex est sensus.

Tergiversatus eodem loco vir doctus multa affert de nomine Prophetæ quæ sunt extra propositum planèque inutilia: quasi enim illum puduerit Græcos Interpretes Prophetis adscripsisse, illos affirmat verè Prophetas esse qui rectè Scripturas interpretantur, cùm Propheta idem sit quod Interpres, & πρῆφητῶν idem quod interpretari. Quasi verò de hoc Prophetæ genere in præsentia agatur. Derisus fuerat à Simonio Vossius, qui rancidam de LXX. Interpretum

34 *Castigationes ad Is. Vossii Opusculum de Oraculis Sibyllinis*,
terpretum Prophetia sententiam renovare studebat, non aliis ad id
permotus argumentis, quàm ex odio illorum quos vocat Semi-Rab-
binos. Quò autem tendant illa quæ verbosius comminiscitur vir acu-
tissimus, ut ostendat non apud Græcos tantùm, sed & Ægyptios
somnia, furtorum & similium interpretes vel indices appella-
tos fuisse Prophetas, non ita sum oculatus ut videam. Contendit
etiam idolorum cultoribus Deum sæpè contulisse donum Prophe-
tiæ. Sed quid hæc faciunt ad præsens institutum? Græcam versio-
nem divinitus inspiratam appellat, & illius auctores Spiritu Sancto
aut Prophetico afflatos, earumque ~~hierodotum~~ multis conatur adstru-
ere. Non malè igitur Simonius objecit Vossio, Prophetiam illam
jampridem & ab Hieronymi temporibus à LXX. Interpretibus sub-
latam esse. Imponit ipse potius Simonio, cum illum in jus vocat,
quasi crediderit Stephanum Protomartyrem non Græco aut plebeio
Syriaco, sed Hebraico sermone ultimam suam absolvisse concionem.
Quid integrum in Evangeliiis supererit, inquit vir ad superstitionem us-
que religiosus, *si istiusmodi admittamus commenta?* Verùm fingendis
commentis ita assuetus est Vossius, ut nova eudere hoc loco veri-
tus non fuerit, quæ postea commentitiis rationibus refelleret. Veri-
similem putavit Simonius Hieronymi opinionem, qui scripsit cre-
dibile non esse Stephanum in sua ad Judæos Hierosolymitanos con-
cione testimonia Veteris Instrumenti aliunde produxisse quàm ex
Hebræorum codicibus. De verbis concionis, quæ constat sermone
Syriaco expressa fuisse, non loquitur Simonius, sed de Scripturæ lo-
cis quæ in illa concione à Stephano laudata sunt. Quare Vossii com-
mentum est quod Simonio tribuit, eum existimasse plebem tempo-
re Apostolorum gnaram fuisse veteris linguæ Hebrææ, cum ipse
potius affirmet plebem Hierosolymitanam Syriacè loquutam; in
Synagogis Hierosolymitanis, ubi Syriacus sermo vigeat, lectam
non fuisse Legem Græcè, sed Hebraicè, cui statim adjungebatur in-
terpretatio Syriaca, non verò Græca, uti commentus est Vossius:
at de his jam suprà fusiùs dictum fuit.

Iterum malignè Simonio objicit Vossius, ab eo scriptum Aristæi
inter commentitia ob id repositum fuisse, quòd Judæis solenne fue-
rit fingere & scribere incredibilia, cum ea quæ Moysi & Prophe-
tarum scriptis continentur magis sint incredibilia, ac si ex eo so-
lùm quòd Judæis solenne sit fingere incredibilia, probaverit Simo-
nius commentitiam esse Aristæi historiam. Firmissimas & ex ipso
Aristæi

Aristæi opusculo desumptas rationes profert, ostenditque Philonis Herennii testimonio, quod refert Origenes, Judæos illius temporis multa confinxisse parum verisimilia. Nec miror Vossium ejusmodi impostores cum Moyse & Prophetis conferre non dubitasse, qui jam illos inter Prophetas retulerit. Scribit tamen vir doctus in eodem opusculo, ubi, ut & fere semper, parum consentanea loquitur, in Judæorum scriptis peregrinam rem esse veritatem, tantam inscitiam & barbariem, tantam figmentorum copiam in iis occurrere, ut nihil verius sit illo Satyrici dicto,

Ere minuto

Qualiacunque volunt Judæi somnia vendunt.

Malignè similiter & contra mentem Simonii alia nonnulla subjungit Vossius, quibus inutile est respondere, cum Simonii liber nunc Latine & Gallicè omnium teratur manibus, etsi Gallica recens editio, quæque ex eo sumpta est Latina, innumeris scateat erroribus. Jam ut fortius premat Simonium Vossius, rogat unde suam de Regibus Judæorum hauserit historiam Demetrius Phalereus, si hujus ætate nulla extiterit Græca versio. Istud quoque comminiscitur Vossius, ut fingat sibi adversarium. Demetrii historiam è Græca versione quæ LXX. Senioribus vulgò tribuitur, desumptam fuisse facilè agnosceret Simonius, qui de ætate auctorum versionis illius nusquam disputat, verùm de ipsismet illius auctoribus, putatque ea quæ de illis ab Aristæo referuntur non abesse à commento. De tempore quo illa instituta & perfecta fuerit à Judæis Alexandrinis, dissentientem non habebit Simonium Vossius; sed ut credat tot fabellis quæ de illis Interpretibus vulgò circumferuntur, vix adduci potest. Suo interim fruatur judicio delicatissimus Vossius, qui somnia plusquam Rabbinica tam avidè arripit, & quia jam factus oculatior vir doctus ad scribendum se accinxit, non solum Moyse Pentateuchum à LXX. Interpretibus, sed & libros Historicos & Propheticos Græcè fuisse redditos nunc non dubitat, etsi olim se dubitasse profiteatur. Gravissimæ tamen sunt dubitandi rationes, in primis quæ ex Josephi, Hieronymi & priscorum Judæorum testimoniis peti possunt. Negaverat Simonius verba Aristæi à Vossio intellecta fuisse; nunc ad illorum qui Græcè sciunt judicium provocat vir doctus, quorum etiam decretis penitus standum esse arbitror, velimque ut ea quo-

36 *Castigationes ad Is. Vossii Opusculum de Oraculis Sibyllinis*,
 que expendant illi iudices quæ ex Eusebio aliisque Scriptoribus
 Græcis in opus suum transtulit Vossius cum nova Græcorum verbo-
 rum translatione; adeo in omnibus novator est vir ille incomparabilis,
 qui iterum nova comminiscitur Origenis Hexapla, quæ nemini hacten-
 us visa fuerint. Probabiliora sunt quæ mox subjicit de eodem Orige-
 ne, qui integram LXX. Interpretum versionem & fideliter descrip-
 tam Hexaplis suis inferuerit; non verò locis aliquot immutatam, uti
 suspicatur Simonius. Licet tamen suspicari eum Simonio, Origenem
 Græcam interpretationem, quæ ipsomet teste innumeris erroribus
 tunc referta erat, ita integram non restituisse, quin plura loca sub præ-
 textu castigationis immutaverit, quandoquidem non eam solum ad
 probatos versionis illius codices recognovit, sed & ad Hebræos, &
 Aquilæ, Symmachi, Theodotionis aliorumque translationes. Quod
 vix assequi potuit, quin antiquam illam versionem in multis vitia-
 rit, maximè cum Origenes veritatem Hebraicam longè pluris æstima-
 verit quàm putat Vossius, si credamus Hieronymo, qui ingenium
 doctissimi illius Patris probè noverat. *De Adamansio autem*, in-
 quit Hieronymus, *sileo, qui cum in Homiliis suis quas ad vulgum*
loquitur communem editionem sequatur, in Tomis, id est, in dispu-
tatione majori, Hebraicâ veritate stipatus & suorum circumdatus
agminibus, interdum peregrinæ lingue quarit auxilia. Aliter igitur
 se habuit Origenes cum hominibus eruditis, aliter cum imperita
 multitudo, & ut aiunt, cum paucis sapiens ea quæ multorum
 erant loquebatur. His consentiunt quæ scribit adversus Celsum:
 postquàm enim ex libro Exodi produxit nonnulla secundum vulga-
 tæ Græcæ versionis exemplaria, statim contextus Hebraici lectionem
 subjicit cum hac animadversione: Ἀλλὰ μέντοι ὁ πόσις περιφρονέει τις
 εἶναι δεκνύσθαι, καὶ ὁ νόμος τῶν πολλῶν ἀκούει. *Sed hæc quæ videntur esse*
curiosiora, nec satis apta vulgi auribus, &c. Errat itaque vir do-
 ctus, qui existimat Origenem non alios probasse codices quàm Græcos
 LXX. Interpretum. Ignorat œconomia illius leges quas plerique
 Patrum, in primis Origenes, sequuti sunt, ut jam receptis à multitu-
 dine opinionibus se accommodarent. Quam etiam Origenis œcono-
 miam, seu prudentiam, imitantur ætate nostrâ præstantissimi Ecclesiæ
 Romanæ Theologi, qui usum Latinæ editionis populo concedentes,
 veritatis Hebraicæ cognitionem sibi reservant. Qui portentosis
 • Aristati de LXX. Interpretum versione sermonibus fidem non ha-
 bet Simonius, causam reddere conatus cur illa LXX. Senioribus
 attributa

Hieron.
 Proce-
 mio in
 1^a quest.
 Hebr. in
 Genes.

Orig. lib.
 5. adv.
 Cels.

attributa fuerit, testatur se ad eorum sententiam accedere, qui putant à LXXII. Synedrii Hierosolymitani Senatoribus, qui hanc suffragiis suis & auctoritate comprobârunt, nomen istud reportâsse. Nihil tamen affirmat, sed de re tam obscura & à nostris temporibus ita aliena conjecturam facit: in eum tamen modestè sentientem acriter insurgit Vossius, rogatque si ab universo approbata fuerit Synedrio Græca illa interpretatio, qui fieri potest ut mendosa minimèque exacta fuerit; ac si necesse fuerit ut auctoritas Synedrii magni, quam versioni illi accessisse suspicatur Simonius, ut publicè in Synagogis & Scholis legeretur, hanc ab omni prorsus errore eximere debuerit? Non major illi *אֲחֻזָּה* ex Senatorum Hierosolymitanorum decreto accedere potuit, quàm Latinæ editioni tributa est, postquàm Tridentini Patres illam Constitutione suâ fecerunt authenticam. An idcirco Latinus Interpres à mendis quibus antea scatebat repurgatus fuit? Minimè. In hoc etiam decreti utriusque videtur maxima paritas, quòd sicut in Occidentis Ecclesia ex linguarum Græcæ & Hebraicæ ignorantia factum est ut Biblia sermone Latino conversa & lecta fuerint; ita etiam linguæ Hebraicæ apud Judæos Hellenistas imperitia fecit ut Judæi Alexandrini sacros codices in usum suum Græcè verterint, quæ deinde translatio Græca apud omnes Judæos qui Græcè sciebant obtinuit, eaque forsan à Senatoribus Hierosolymitanis approbata: dixi forsan, quia opus non est ad illorum auctoritatem recurrere, ut ratio exponatur cur versio ista LXX. Senioribus attributa fuerit; sed observanda tantum est loquutio Judæis admodum familiaris, quâ res omnes quæ alicujus momenti sibi esse videntur, referre soleant *לְאִשִּׁי כְנֶסֶת חַגְגֵּי הַקֹּדֶשׁ*, ad viros *Synagogæ magnæ*. Quod genus loquutionis plurimos eosque eruditissimos in varios errores perduxit, dum Judæorum libros non satis cautè evolvunt: cum non tam quid loquantur Magistri, quàm quomodo & quibus de causis ita loquantur animadvertendum sit. Ita plerique Rabbini contendunt sacri codicis apices & alia similia suam ducere originem à viris Synagogæ magnæ, de more scilicet gentis suæ, non verò ex rei ipsius veritate. Hoc quoque modo Græcam versionem tributam fuisse LXX. Senioribus conjicere longè fatius est, quàm Aristæi commentis cum Vossio fidem adhibere.

Displicet præterea viro docto, quòd Simonius reducere cona-

38 *Castigationes ad Is. Vossii Opusculum de Oraculis Sibyllinis*,
 tus fuerit Hellenisticam linguam à viris doctis explosam, eamque
 obrudere sub nomine linguæ quæ in Synagogis potissimum obtine-
 bat, ac si in illis peculiaris aliqua fuerit lingua quæ nec Græca nec
 Hebraica fuerit, ut hæc ratione efficiat LXX. Interpretes & Græcè
 & Hebraicè nescivisse. Noverat profectò Simonius quid jam à Sal-
 masio adversus linguæ Hellenisticæ defensores scriptum fuerat :
 sed pace viri illius docti dixerim eum de umbra asini disputantem li-
 tes de nomine tantum concitasse. Imperitiam Hebraici & Græci ser-
 monis Græcis Interpretibus non tribuit Simonius, sed *κακοζήλιαν* tan-
 tum, seu pravam affectationem Judæis Interpretibus familiarem,
 maximè in vertendis Scripturis, qui verba Hebraica dum curiosius
 & ad literam volunt exprimere, à communi magisque recepto ser-
 mone paululum deflectunt, specialesque notiones & à vulgaribus
 distinctas interdum vocibus quibusdam tribuunt. Ista licet animad-
 vertere in omnibus ferme Scripturæ Sacræ versionibus quæ à Judæis
 conditæ sunt, uti rectè ostendit Simonius, à quo etiam optimè an-
 notatum fuit, Græcam LXX. Seniorum interpretationem ple-
 risque Patribus Græcis vix intellectam fuisse, quòd illa Syriacæ
 vel Hebraicæ linguæ aliquid retineret: sicut translatio Hispani-
 ca Ferraræ edita quæ Judæos habet auctores, ab iis qui Hebraicè
 nesciunt vix legi potest, etsi Hispanicè docti sint. Id etiam
 in causa fuit cur antiquus Græcæ versionis Interpres Latinus non
 paucas dictiones Græcas malè expresserit, vim illarum non asse-
 quutus. Aliquas etiam non videtur intellexisse ipsemet Hiero-
 nymus, licet Hebraicè & Græcè doctus, dum magis ad Græ-
 ca, quàm ad Hebraica unde Græca sumpta fuerant, attendit. Si-
 monio etiam objicit Vossius, eum nescivisse quinam fuerint Hel-
 lenistæ. Fateor nescivisse antea Simonium quæ contra communem
 doctissimorum virorum sententiam commentus est eruditissimus
 Vossius, qui ut ostendet Græcam eruditionem, *Ἑλληνίζειν* esse asserit
 partes Græcorum sequi, ut *ῥωμαϊζειν*, *παραίγειν*, *μηδίζειν*, *ἀντιγονίζειν*,
 imitari mores & ritus, aut stare à partibus Romanorum, Per-
 sarum, Medorum & Antigoni, & illis quomodocunque fave-
 re. Verùm perinde est ac si dixerim in præsentī negotio, ubi
 de re critica lis movetur cum Vossio, non modo Vossium
 esse rei criticæ peritissimum, sed & Canonicum Winsorien-
 sem, qui Liturgiam Anglicanam in templo bellè decantet.
 Constat duplicis generis fuisse Judæos, & *ἀπαρτισταὶ τῶν Ἑλλήνων* di-
 stinctam

ſtinctam fuiſſe ab iis Judæis qui tùm in Judæa, Samaria, Babylonâ aliſque regionibus vicinis Syriaco utebantur ſermone & Hebraicis codicibus. Illi, quia diſperſi erant inter nationes quibus lingua Græca erat vernacula, Græcè etiam loquebantur, & Scripturam Græcè legebant, appellanturque in Actis Apoſtolorum Ἑλληνισταί. De iſdem quoque exponenda ſunt hæc verba Judæorum in Euangelio Joannis: μή τις τὴν διαſπορὰν τῶν Ἑλλήνων μέλλει ποιεῖν; *Numquid in diſperſionem Gentium iturus eſt?* Jam Simonius quod erat inſtituti ſui referens, aſſerit Græcam LXX. Interpretum verſionem à Judæis maxime Helleniſtis approbatam, quia Græcè callebant, ſecus verò à reliquis Judæis quibus lingua Græca non erat domeſtica, quales erant Babylonæ, Palæſtinæ, Syriæ & Judææ incolæ, quibus omnibus ſermo Chaldaicus ſive Syriacus communis fuit. Non inſiciatur tamen Simonius, etiam inter hos extitiſſe Helleniſtas aliquot, nimirum Hieroſolymis erat Synagoga Alexandrinorum, & Antiochiæ reperiebantur quoque Judæi Helleniſtæ, uti conſtat ex Actibus Apoſtolorum. Cùm de contextu Hebræo tantùm & Græcâ illius interpretatione hoc loco ageretur, neceſſe non fuit ut Simonius extra viam currens exemplo Voſſij, Judæos illos vocaret Helleniſtas qui pacatiori erant animo & ſine cunctatione veſtigal pendebant, monebantque jugum à Deo impoſitum æquo ferendum animo, iſtos Græcorum partes ſequutos fuiſſe: quaſi verò etiam Hieroſolymis aliſque locis ubi Judæi Helleniſtarum nomine inſigniti non fuerunt, nulli fuerint Judæi qui æquo animo & ſine cunctatione veſtigal pendere. Quare igitur etiam iſti dicti non ſunt Ἑλληνισταί ſeu φιλέλληνες? Verùm ſuâ fruatur conjecturâ Voſſius, & Helleniſmum ad ſolum non referri ſermonem judicet. Modò aliqua ratione ad hunc referatur, ſatis eſt. Helleniſta quoque fuit Chriſtus, ſi credamus Voſſio, non quòd Græci ſermonis peritus fuerit, ſed quia jubet ut *Ceſari detur quod eſt Ceſaris*. Quod verò mox ſubjungit vir doctus de depravatis Judæorum codicibus deditâ operâ in rebus chronologicis, non eſt cur iterum illud ad examen revocemus, cùm jam ſuperiori ſcripto fuſius demonſtratum fuerit in hoc Voſſium graviſſimè allucinatum eſſe, nec ea ſimiliter quæ de Danielis Prophetia etiam Judæis cognita jam quoque allata ſunt, hic opus eſt repetere. Juvat nunc ea excutere quæ tanquam minùs commodè à LXX. Interpretibus reddita carperat Simonius, eademque obſtinato animo Voſſius tuetur. Expendens verba illa primi Capitis Geneſeos,

Abſ.
11: 20.

Eis δὲ χάς τ' ἡμίεας, dicit Simonius ancipitem sibi videri hanc expositionem, quia vox δὲ χαλ, *principatum & principium* significat. Miratur Vossius Simonium non etiam reprehendisse vocem Hebræam, quæ & ipsa duplicem habet potestatem. Sed diligentis est Interpretis vitare *amphiboliam*. Locum hunc ante Simonii censuram, tanquam convenientius ab Aquila expressum quàm à LXX. Interpretibus, notaverat doctissimus Origenes. Deinde animadverterat Simonius ad hæc verba Capitis 3. Geneseos, ἐπικαταρατὴς σὺ δὲ πᾶν τὸν ἔκνην, præpositionem δὲ huic loco non convenire, nec videri ullum constituere sensum: at longè perspicacior Vossius non potuisse locum hunc melius & exactius reddi contendit, nullumque esse Græcum Scriptorem qui non sic loquatur. Græca quidem esse hæc verba, & præpositionem Hebraicam יד rectè exprimi per Græcam δὲ, non inficias icrit Simonius; verùm quæstio est, utrùm hoc loco, ubi de comparativo agitur, uti loquuntur Grammatici, illa præpositio per Græcam δὲ benè reddita fuerit. Græcus Scriptor apposuisset κατὰ, ubi sæpius LXX. & Aquila vertunt δὲ. Tertiò ad idem Caput coniecerat Simonius, pro τηρήσῃ & τηρήσεις legendum τηρήσῃ & τηρήσεις. Sed delicatior Vossius hoc non esse Græcum objicit, quia non dicitur τηρέω, sed τεύρω, unde futurum τεύω. Minus tamen delicatus Grotius futurum τηρήσω non improbavit, quod etiam legit Complutensis editio. Præterea à τεύρω non modò fieri in futuro τεύω, sed & τεύω nōrunt Grammaticorum filii. Cætera, quia sunt ejusdem generis & parvi momenti, visum est prætermittere, ne minutiora conspectari videar. Silere tamen non possum quod peritus naupegeus Vossius annotat ad hæc verba Capitis 6: 14. Geneseos, Ποίησεν σὺ αὐτῷ κιβωτὸν ἐκ ξύλων πετραγώνων, *Fac tibi arcam ex lignis quadratis*. Negat, contra mentem Simonii, ex asseribus aut tabulis ullum construi navigium, sed ex arboribus quadratis ædificari, quæ aptissimæ sunt fabricæ navali, utpote quæ materiem & simul resinam seu picem ad unguendas exhibeant naves. Quadratas illas arbores quales fingit Vossius, cedrum videlicet, abietem, piceam, pinum & sapinum, construendis navibus aptissimas esse faciliè crediderim; sed cur neget illas deinde ædificari ex *plancis*, sive asseribus, ad costas ligneas applicatis, minimè assequor. Nunc ad alia quæ majoris sint momenti veniamus.

Denique, ut finem dicendi faciam, Vossius maligno adversus
Simo-

Simonium animo invidiam illi creare conatur, dum eum parcm facit Spinosa Judæo in iis quæ habet de incertitudine Scriptorum Veteris Testamenti. Mox tamen, seipsum veluti castigans Vossius, fatetur ingenuè meritò damnatum à Simonio Spinosa velut indoctum & futilibus nimium argumentis quoscunque ferè S. Scripturæ libros abjudicantem ab illis quibus semper attributi fuere auctoribus. Verùm indoctiores ipso Spinosa se ostendunt, qui libros Scripturæ Sacræ statim tribuendos iis esse existimant quorum nomina præferunt. Damnanda quidem Spinosa malignitas; sed non statim ea omnia quæ habet de sacris Scriptoribus damnanda sunt, quòd in aliquibus cum viris pietate & eruditione conspicuis consentiat. Verùm cum hac in parte Simonius non solum doctissimo Vossio displicuerit, sed & viris haud inferioris notæ, qui nihil non virulenti adversus illius Criticam Sacram evomuerunt, juvat hoc argumentum fusiùs texere.

Displicuit in primis beatulis istis & delicatulis id omne quod scripsit Simonius de publicis gentis Hebraicæ Notariis, quos cum Josepho & quibusdam Ecclesiæ Patribus vocat Prophetas, qui non solum res gestas suis temporibus chartæ commendabant, sed & ea quæ à prioribus Prophetis scripta fuerant servabanturque in scriniis publicis, recognoscebant, eadem fermè ratione quæ Esdras post Judæorum à Babylone reditum sacros codices recognovisse, & illi quam nunc obtinent formæ restituisse, vulgò tum à Judæis tum à Christianis creditur. Nihil est in hac Simonii assertionem quod non à plerisque Patribus iisdemque doctissimis approbatum fuerit. Adeatur unius Theodoret, præstantissimi Ecclesiæ Orientalis Theologi, Præfatio in libros Regum, ubi totum istud negotium explicat, liberèque ac nullatenus dubitans asserit complures apud Hebræos fuisse Prophetas, quorum unusquisque scribere consueverit quæ suæ erant ætatis; partem maximam librorum qui ab ipsis conscripti sunt nunc desiderari, idque disci ex Paralipomenon historia. Addit illos quos nunc vocamus libros Regum, ex scriptis illis longo post tempore desumptos fuisse. Theodoro consentiunt Diodorus, Procopius & alii non pauci. Similiter doctissimus Masius, quem sequuti sunt Pererius, Sanctius, Cornelius à Lapide aliique Jesuitæ in libris sacris diu multumque versati, quod

Theodor.

*Died. id
lib. 1.
Sam.
Mas.
Præfat.
Comen.
in Jos.
Sanct.
Præf. in
lib. Reg.
Perer.
Præf. in
Genes.*

42 *Castigationes ad Is. Vossii Opusculum de Oraculis Sibyllinis*,
rum verba hic asserre non est operæ prætium, cum illorum libri
omnibus sint obvi. Verum ut res ista fiat illustrior, in singulos
Scripturæ Sacræ libros speciatim incurrere forsitan non erit à propo-
sito alienum.

Primus in aciem prodibit Moyses, quem quinque librorum Le-
gis auctorem esse constans est tam Judæorum quàm Christianorum
traditio. In eo tamen religiosiores fuisse videntur Judæorum Ma-
gistri, qui ne quidem dictionem unam, imò nec syllabam, extare
in Lege contendunt, quæ à Deo profecta non fuerit & Moyse dicta-
ta; secus Christianorum plerique, qui aliqua libris Moysis vel ab
Esdra, vel ab aliis qui eos recognoverunt, longo post tempore ad-
jecta fuisse liberè affirmant. Nec ipse Hieronymus singula Penta-
teuchi verba, qualis nunc extat, Moyse tribuere ausus est, sequu-
tus hac in re communem Doctorum Ecclesiæ sententiam, qui Le-
gem universam ab Esdra Scriba peritissimo recensitam recognitamque
fuisse constanter asseverant. *Sive Moysen dicere volueris*, inquit Hie-
ronymus, *auctorem Pentateuchi, sive Esdram ejusdem instaurato-
rem, non recuso*. Verum utrum Moyses ipse eam quam sub ejus no-
mine habemus historiam totam literis mandavit, vel ex parte à Notariis
illis qui res ætatis suæ conscribebant, chartis excipi jussit, major est
difficultas. Tamen in quacunque partem res cadat, Moyses to-
tius Legis auctor & scriptor censebitur, ut optimè à Simonio jam an-
notatum fuit, quia Scribæ illi, si qui jam à Moyse tempore extite-
runt, ab eo in omnibus pendebant. Nihil quidem in universa Le-
ge reperias, quod ejusmodi Scribarum auctoritatem stabiliat. Sed nisi
jam ab illis temporibus ab ipso Mose constituti fuissent, aliquid He-
bræorum Reipublicæ defuisset, quo nec Ægyptii, nec aliæ Orientis
nationes caruere. Jam à Moyse temporibus fuisse apud Hebræos
Annalium scriptores, Sanctius Jesuita doctissimus non dubitavit as-
serere his verbis. *Sentio fuisse in superioribus seculis verba dierum,*
Commentarios, Ephemerides & curam diligentem & sedulam, ne ob-
scuretur temporum oblivione quos quisque natales & posteros haberet:
quod à tempore Moysis mihi videtur omnino certum. Parco recensenden-
dis aliorum nominibus qui eadem sentiunt. Miror tamen nuperum
Scriptorem ex ordine Seraphicorum zelo plusquàm Seraphico ac-
centum, sententiam hanc in Disquisitionibus Biblicis tanquam im-
piam damnasse, illiusque auctoribus dira imprecatum. Verum, ut
audio,

Hieron.
advers.
Helv.

Sanct.
Proleg. 4.
in Paralip.
lip.

audio, Seraphicus ille Doctor, cum nihil sciat Hebraicè neque Græcè, audacissimæ tamen est inscitæ, & ex eorum secta qui *quæcunque ignorant, blasphemant*. Offendit præterea nonnullos, & fortasse delicatulum Vossium, in Critica Sacra Simonius, quod aliqua libris Moysis postea adjecta fuisse affirmaverit. Sed non etiam hæc in re novator est Simonius, qui consentientes sibi habet peritissimos Scripturæ Sacræ Interpretes Masium, Pereriumque, qui hujus verba fere integra in Præfationem suam in Genesim transtulit, Bonfrerium, Cornelium à Lapide, & alios benè multos. *Placet etiam mihi, inquit Pererius, eorum sententia, qui existimant Pentateuchum longo post Mosem tempore interjectis multifariâ verborum & sententiarum clausulis, veluti sarcitum & explicatiùs redditum, & ad continuandam historiæ seriè meliùs esse dispositum*. Simili ratione Bonfrerius expendens verba quædam Geneseos quæ suspicatur à Moysè scribi non potuisse, hæc habet: *Malim dicere aliquem alterum Scriptorem Hagiographum nonnulla postea addidisse, quàm Moysi Prophetam agenti omnia adscribere*. Haud absimiliter ad eundem locum Cornelius à Lapide ait: *Hæc verba videntur addita post Mosem ab eo qui Moysi diaria digessit*. Quid quod & ipsemet D. Huctius Spinosa objicienti libris Moysi nonnulla assuta fuisse, ita respondet ut ab eo vix discedere videatur. *Fatemur, inquit, Scripturæ reparatorem Esdræ, sicubi se darent obscuriores aut difficiliores loci, huc & illuc de suo nonnulla in libros sanctos explicationis causâ insarxisse*. Præterea, cum tot disputationibus propagati sint codices sacri, ut nullius unquam libri tot existerint exemplaria, quid mirum, si quod alias sæpè evenit, factum hic quoque sit, & ad textum ad oram à viris piis ac doctis noscitur, in ipsi fortè contextum irrepserint? Denique illa quæ ad calcem Deuteronomii habentur de Moysi morte & sepultura à Josua, vel potiùs à Syne-drii magni Senatoribus, quorum dux fuit Josue, reliquo contextui vulgò creduntur adjecta. Ea siquidem quæ tunc gerebantur in Acta publica referri mos erat ab iis quorum fuit illa describere; quo sensu dicitur Josue nonnulla scripsisse in volumine Legis Domini, scædus scilicet quod cum populo percussisset. Multa quidem in ipsomet Pentateucho extant quæ Legis libros à Moysè scriptos fuisse manifestè ostendunt: sic in Exodo legimus, *Scripsit Moyses universos sermones Domini*: & in Deuteronomio, *Postquam ergo scripsit Moyses verba Legis*. Sed hæc & alia ejusdem generis complura de quibusdam tantùm Legis parti-

Epist. 1.
Cathol.
Juda.
vers. 8.

Perer.
Præf. in
Pent.

Bonfrer.
Comm. in
Cap. 36.
Genes.
vers. 31.
Corn. à
Lapide
Comm. in
Cap. 36.
Genes.
D. Huct.
Demonst.
Evang.
Propos. 4.
cap. 14.

Exod. 24.
Deuter.
31.

44 *Castigationes ad Is. Vossii Opusculum de Oraculis Sibyllinis*,
bus, quarum in his locis fit mentio, exponenda esse demon-
stravit Simonius: unde & Hieronymus Olcaster, vir Hebrai-
cè doctus & in sacris literis apprime versatus, negat posse
ex Scripturis probari efficacissimè Moysen ipsum Legis quam
sub ejus nomine habemus Scriptorem fuisse. Hactenus de
Moysè & ejus libris; nunc reliquos historię sacrę libros ex-
pendamus.

Primus post Pentateuchum occurrit liber qui dicitur Josue,
quemque à Josua scriptum fuisse, non secus atque à Moysè Pen-
tateuchum, firmissimè probare videntur verba illa, *Scriptis quoque*
(Josue) *omnia verba hæc in volumine Legis Domini*. Josue nimi-
rum defuncto Moysè, vel illius Scribæ, eo mandante, ea quę
tunc temporis gerebantur in Acta publica conjecerunt: quo sen-
su *volumini Legis* quasi addita fuisse dicuntur. Mirum tamen
quàm secum dissideant qui hoc argumentum tractarunt; ità ut
ne ipse Augustinus Josuam scripti quod sub ejus nomine cir-
cumfertur, extra controversiam auctorem esse ausus sit affir-
mare. *Si ab illo*, inquit, (Josuâ videlicet) *conscriptus liber qui*
appellatur Jesu Nave, vel si ab alio scriptus est, &c. Similiter
Theodoretus auctor est hunc à Josua scriptum non fuisse, sed
ex libro posteriori excerptum. E recentioribus autem doctissi-
mus Mafius pluribus ostendit, minimè dici posse ea omnia
quę in Josuę historia nunc extant ab eo profecta fuisse, quę
supra allata sunt de Scribis illis publicis & de illorum ma-
neribus, gravissimis rationibus confirmat, & id ad alios etiam
Scripturę libros extendit. Talmudistarum quidem sententia
est, Josuen scripsisse librum suum & octo. versus Legis: sed
ab his discedere veritus non est Magister acutissimus R. Isaac
Abravanel, & ut ita sentiret non modò his verbis quę refe-
runtur ad calcem libri Josuę, *Et post hæc mortuus est Josue filius*
Nun, &c. adductum se fuisse asserit, sed & ob alias quę pas-
sim in ipso Josuę contextu reperiuntur loquutiones, quarum
auctorem Josuam esse potuisse inficiatur. Hujus generis sunt
primò illud quod habetur de duodecim lapidibus quos posuit
in medio Jordanis alveo, de quibus nimirum dicitur, *Sunt*
ibi usque in præsentem diem; deinde id quod refertur de circum-
cisione, cui statim. hæc subjungit Scriptor libri Josuę: *Voca-*

Hieron.
Olcaster.
Prol. in
Pentat.

Jos. 24:
26.

August.
in Jud.
Quest.
12.
Theodor.

Maf.
Comm.
in Cap.
10. Jos.

Talm.
Rabba ba-
ithra.

R. Abra-
van. Pra-
fat. in
Jos.

Jos. 4:9.

Jos. 6:9.

Et Responſionem ad Objectiones nup̄e Criticæ Sacræ. 45
tum eſt nomen loci illius Galgala uſque in præſentem diem. De quibſdam etiam populis, quos Iſraëlitiæ penitus non deleverant, hæc leguntur: *Habitaverunt in medio Iſraël uſque in præſentem diem.* Prætereo & alia multa quæ eodem planè modo enunciantur in hiſtoria Joſuæ, & quæ ab ipſo Joſua ſcribi non potuiſſe pluribus contendit idem Magiſter Abravanel. *Si Joſue,* inquit Magiſter ille, *ſcripſiſſet hæc omnia, num diceret, Uſque in præſentem diem?* Addit ea quæ in Joſuæ hiſtoria leguntur de Danitis qui urbem *Leſchem* expugnaverint, quæ tamen evidens eſt ſub finem Judicium contigſſe, adeoque poſt ipſius Joſuæ obitum. Verùm iſta & alia ejusdem rationis bene multa, quibus conſultò ſuperfedere viſum eſt, non probant Joſuam, vel illos quibus præerat Scribas, ea quæ ſuorum erant temporum in Acta publica non retuliſſe, ſed tantùm alios poſtea Scribas eadem Acta recognoviſſe, interjectis aliquot connexionis & explanationis cauſa.

Neque aliâ profectò ratione contextus fuiſſe videtur liber qui *Schophetim*, ſeu *Judices* appellatur, quia ſimiles in eo loquutionum formulæ apparent. Quare D. Huërius Dorothei ſententiam de hoc libro amplexatur, qui Dorotheus auctor eſt Scribas illius temporis quæ ſub Judicibus geſta fuerant, ea in Commentaria retuliſſe, ex quibus poſtea Samuel librum Judicium compoſuerat. Quis autem fuerit Dorotheus ille in præſentia non diſputo; ſatis eſt inde confeſſiſſe, nudiuſtertiùs natam non eſſe Simonii opinionem quæ Scribas publicos in gente Hebræa ſtatuit, quorum fuit res ſuorum temporum deſcribere, ex quorum poſtea Commentariis alii Scribæ, ſeu Prophetæ, qui hos exceperunt, hiſtorias contexuere, quas legimus ſub Joſuæ, Judicium, Samuelis & Regum nominibus. Hanc quoque ſententiam confirmant Syri: ad calcem enim hiſtoriæ Judicium in exemplari Syriaco hæc verba leguntur: *Liber autem Judicium, quamvis annotatum non ſit nomen ejus qui ipſum ſcripſit, notum tamen eſt quòd ab aliquo Sacerdotum filiorum Aaronis, qui temporibus Judicium iſtorum ſacerdotio functi ſunt, ſcriptus ſit.* Librum Ruth Dorotheus modò laudatus ad eòdem Scribas refert, idque videtur longè veriſimilius quàm aliorum ſententiæ quibus nihil ineſt firmitatis. De utroque hæc habet Sixtus Senenſis: *Dicitur Samuel*

R. Abra-
van. Pra-
fat. in
Joſ.

ſſendo
Dorothei.

Ex cod.
Uſſer.
Tom. 6.
Polygl.
Aug. it.

Sixt. Sa-
nenſ.
Bibl. 8.
lib. 1.

46 *Castigationes ad Is. Vossii Opusculum de Oraculis Sibyllinis, muellem librum Judicum collegisse, eique adjecisse Ruth Moabitidis historiam: sunt qui Ezechiam, & qui Esdram putent utriusque voluminis auctorem.*

*Theodor.
Præf. in
lib. Reg.*

De libris autem Regum hæc annotavit Theodoretus, plurimos scilicet fuisse Prophetas apud Hebræos, quorum quisque scribebat res suæ ætatis, & inde factum esse quod primus liber Regum apud Hebræos & apud Syros nominetur Prophetia Samuelis. Deinde mox addit: *Qui ergo Regnorum libros scripserunt, ex scriptis illis acceptâ occasione post plurimum tempus scripserunt.* Et post nonnulla interjecta hæc affert de libris Paralipomenon: *Fuerunt aliqui alii Historiographi eorum quæ ab illis fuerant prætermissa, qui de his conscriptum librum appellârunt Paralipomena.* Sixtus Senensis de primo & altero librorum Regum, quos Samuelis nomine insigniunt

*Sixt. Sen-
sens.*

Judæi, hæc subjicit. *Liber Samuelis partim à Samuele Propheta, partim à Nathan & Gad Prophetis creditur esse conscriptus. Samuel enim collegit facta Heli, Saulis, Davidis ac sui ipsius gesta, quæ in primo Regum usque ad mortem suam referuntur. Nathan vero & Gad Prophetæ scripserunt libros Regum à morte Samuelis usque ad finem libri secundi.* Quæ hoc loco scribit Sixtus Senensis, licet à veritate minùs aliena crediderim in genere, tamen si in specie & minutatim expendantur, nequeunt esse vera ex omni parte: quandoquidem à Samuele ea omnia quæ usque ad illius mortem narrantur scribi non potuisse complura ostendunt. Vix enim credibile est eum de rebus quæ suâ ætate gerebantur, & quarum fuerit ipse

*2 Sam.
5:5.*

testis oculatus, hæc scripsisse: *Propter hanc causam non calcant Sacerdotes Dagon, & omnes qui ingrediuntur templum ejus limen Dagon in Azoto usque in hodiernum diem.* Neque eâ similiter quæ paulò post narrantur de arca Domini, quæ erat usque in diem illam in agro Josuæ Bethsemitis. His accedit, Samuelem hujus clausulæ quæ in illius historia legitur non videri auctorem: *Olim in Israël sic loquebatur unusquisque vadens consulere Deum: qui enim Propheta dicitur hodie, vocabatur olim Videns.* His tamen non obstantibus, credibile est historiam quæ nomen Samuelis præfert, ab illo verè conscriptam fuisse usque ad ea quæ de illius morte referuntur. Illa autem quæ in contrarium adducta sunt, probant duntaxat Scribæ alicujus, seu Prophetæ, puta Hieremiæ, ut quibusdam visum fuit, recognitionem accessisse, qui nonnulla

nulla explicationis causâ addiderit. Alii tamen malunt tribuere has additiones Esdræ & illius Collegis. Syri librum primum & secundum Regum, qui tertius & quartus numerantur in Latinis codicibus, dicunt scriptos fuisse à Sacerdote quodam nomine Johanan.

De libris Chronicorum, seu Paralipomenon, à quibus illi fuerint collecti, est etiam dubitandi ratio. Judæi plerique illorum auctorem faciunt Esdræ. Ita R. Salomon & R. D. Kimchi hanc esse traditionem patrum suorum asserunt, qui Esdræ quoque adjungunt socios Aggæum, Zachariam & Malachiam Prophetas; ita tamen ut illi non tam historiam de novo scripsisse dici queant, quàm vetusta Chronica Regum Judæ & Israel compilasse, rejectis iis quæ minùs suo instituto convenire videbantur, additis etiam nonnullis interdum quæ in aliis Scripturæ Sacrae libris prætermissa fuerant, unde nomen Paralipomenon ortum apud Græcos, quod ab his deinde ad Latinos transiit. Quare rectè Hieronymus appellat librum Paralipomenon Veteris Instrumenti epitomen. Sixtus Senensis affirmat libros Paralipomenon nullum habere certum auctorem. Refert tamen Judæorum ea de re sententiam, quibus etiam suffragatur Hugo Grotius, qui libros hosce scriptos fuisse ab Esdrâ existimat, & ab iis dictos *Divre hajanim, Verba dierum*, seu excerpta ex Regum diurnis. Librum qui Esdræ nomine prænotatur, partem maximam ab illo digestum & descriptum fuisse, res ipsæ quæ habentur in illius contextu videntur indicare. Nehemias autem in fronte operis auctorem se proficitur libri illius quem Judæi secundum Esdræ nominant.

Liber Psalmorum à Judæis appellatur *Sepher sehillim*, seu liber laudum, quem Augustinus totum esse Davidis aliquando sensisse videtur, qui etiam non dubitat illos quos longo post Davidem tempore conditos fuisse manifestum est, etiam Davidi referre, quòd hic non modò Cantor, sed & Propheta extiterit. Neque etiam ab ea opinione divellere potuerunt Augustinum Asaphi, Idithi & aliorum Cantorum nomina quibus Psalmi aliquot tribuuntur, quia materiam ipsis suppeditare potuit David, quam postea adornârunt accommodâruntque ad varios cantus, quorum erant periti. Verùm longè rectius Hieronymus, qui Psalmos eorum esse asserit, qui ponuntur in titulis, *David scilicet, Asaph*

R. Salom.
Comm. in
Paralip.
R. D.
Kimchi,
Præf. in
Paralip.

Hieron.
in Epist.
ad Paul.

Grot. ad
lib. 1.
Paralip.

Hieron.
ad Sa-
phron.

48 *Castigationes ad Is. Vossii Opusculum de Oraculis Sibyllinis, & Idithun, filiorum Core, Eman Ezrabite, Moysi, Salomonis & reliquorum quos Esdras primo volumine comprehendit.* Hieronymo consentiunt plerique Judæi. Ita sapiens Aben Esra affirmat Psalmos eorum esse quorum nominibus prænotantur, etsi complures sint qui nullum nomen præferant. In hoc tamen castigat Hieronymum Magister ille, quod non absolute pronunciet Psalmos ab iis esse conditos, quorum nominibus prænotantur, sed eos qui Davidis & Salomonis præferunt nomina, vel illorum esse, vel de illis à Cantoribus compositos. Christus tamen universum Psalmorum opus tribuisse videtur Davidi, cum ait, *Ipse David dicit in libro Psalmorum.* Sed communem Judæorum sententiam sequutus est Christus. Illi enim Psalmos Davidis nomine prænotabant, non quod revera Psalmorum omnium auctorem illum agnoscerent, quandoquidem res ipsa contrarium aperte demonstrat: sed quod præcipuus illorum Scriptor esset, & in sacris codicibus *egregius Psalter Israel appelletur.* Scribit tamen jam laudatus Aben Esra, non deesse inter Magistros suos qui totum Psalterii opus Davidi tribuant, quem etiam agnoscunt Prophetam.

Liber qui vulgò dicitur Proverbiorum commendatur à nomine Salomonis quod illius frontem occupat, etsi universa operis illius ratio demonstrare videatur hoc nihil esse præter varia sententiarum excerpta, quæ cum à Salomone, tum ab aliis Scriptoribus collectæ in unum postea corpus conjectæ fuerunt. Salomonem multas composuisse Parabolas probant ista quæ de seipso habet:

Ecclesiastes, docuit populum, & enarravit quæ fecerat, & investigans composuit Parabolas multas, quæ usque ad tria millia numerantur libro III. Regum, sed quæ hodie non extant, si paucas exceperis quas repræsentant sacri codices. Primis novem Capitibus illius operis nomen Salomonis præfigitur, deinde sequuntur & alia quindecim Capita, quæ ejusdem Salomonis nomen præferunt, & hæc secundam esse illius Parabolarum, sive sententiarum, partem existimavit Aben Esra. Pars verò tertia earundem Parabolarum sumit initium ab his verbis Capituli 25. *Gloria Dei est celare verbum:* quæ distinctio ab iis perfecta est qui Scripturæ Sacræ libros in ordinem quem nunc servant redegerunt. Salomonem enim ipsum nomen suum toties Parabolis

Aben
Esra. Pra-
fat. in
Psalm.

Luc. 20:
42.

Ecclesi. 12:
9.

Lib. 3.
Reg. Cap.
4: 32.

Aben
Esra.
Comm. in
Cap. 10:
Prov.

lis

lis suis præfixisse vix credibile est; sed Scribas potius qui opus illud in partes suas divisere. Ita versum hunc quem initio Capituli 25. legimus, *Hæ quoque Parabola Salomonis, quas transfulerunt viri Ezechie Regis Juda*, putat Aben Esra esse Sobnæ, qui Regis Ezechie Scriba erat. Sobnam quidem & alios qui Regis Ezechie erant à Commentariis, sententias istas, quarum prima est illa, *Gloria Dei est celare verbum*, ex integro volumine decerpisse lubens agnosco: cum & verba hæc, *quas transfulerunt viri Ezechie*, id apertè demonstrent. Partem quantam Parabolarum Salomonis habemus initio Capituli 30. ubi legitur in editione Latina, *Verba Congregantis*, & in contextu Hebraico, *Verba Agur*. Quis sit autem ille *Agur*, sive *Congregans*, non conveniunt inter se Scripturæ Interpretes. Prisci Judæi, teste R. Salomone, ita volunt appellatum fuisse Salomonem, quasi dixerimus *colligentem sententias*: id enim Hebraicè sonat dictio *Agur*, cujus similiter sensum expressit Latinus Interpres, dum reddidit *Verba Congregantis*. Eamdem opinionem illustrat R. Levi Ben Gersom, ubi ait, *Videtur Salomon Aguris nomen ipse sibi imposuisse ratione habitâ sententiarum quas in hoc libro collegit*. Sed forsân meliùs Aben Esra & cum sequutus Grotius suspicantur Agurẽ istum fuisse temporum illorum Theognidem, aut Phocylidem, ex cujus scriptis sententias quasdam selegerit Salomon ipse, quasque cum aliis sententiis in unum volumen conjecerit. Additur demum pars quinta Proverbiorum Salomonis; quæ intra Caput 31. quod & ultimum est, clauditur, idque Regis Lamuelis nomine. Quis autem sit Lamuel ille, ignoratur. Judæi plerique existimant Salomonem indicari, non secus ac per Immanuel, ut auctor est Aben Esra, indicatur Messias, & appellationis istius rationem sumit ex eo quod Lamuel significet *illis Deus*, quia nimirum Salomonis temporibus, ait idem Aben Esra, Deus unus ab Hebræis colebatur. Sed de originatione vocis Lamuel non est cur simus solliciti, maximè cum LXX. eam non exhibeant, & diversâ planè ratione verba contextûs Hebraici legerint ac converterint.

R. Levi,
Comm. in
Cap. 30.
Prov.

Librum qui Hebraicè dicitur *Cobeleth*, & apud nos Ecclesiastes, Latine possumus appellare Concionatorem; licet plerique Judæi recentiores dictionem *Cobeleth* velint significare hominem

30 *Castigationes ad Is. Vossii Opusculum de Oraculis Sibyllinis*, congregantem, quòd scriptum illud multas complectatur de rebus diversis sententias. Ita sentiunt R. Salomo & R. Aben Esra, &, ut ille inquit, Salomon qui operis hujusce auctor est, in alio loco vocatur *Agur* ob eandem rationem, vel ut loquitur R. David de Pomis, *Titolo del libro nomato Ecclesiastes composto da Salomone significa congregatore per congregare & racorre, in quel trattato diverse opinioni de gl' huomini la maggior parte de quali sono false*. Judæi tamen nonnulli, teste R. Salomone, in interpretanda voce ista *Cobeletb* cum LXX. conveniunt, eà siquidem indicari arbitrantur hominem qui in cœtu aliquo concionatur. De Scriptore autem illius operis minimè consentiunt inter se Magistri: Talmudici enim Doctores tribuunt illud Ezechia, Rabbini autem recentiores Salomoni, & pro his pugnant verba contextûs, in quo multa extant quæ vix de alio quàm de Salomone exponi possunt. Itaque verisimile est Doctores Talmudicos voluisse duntaxat scriptum illud à Rege Ezechia & à viris illius confectûs excerptum fuisse ex Salomonis operibus. Christiani quoque Interpretes non alium Ecclesiastæ Scriptorem agnoscunt quàm Salomonem, si perpaucos excipias, inter quos est Hugo Grotius, qui seriùs illud scriptum compositum fuisse affirmat sub nomine Salomonis, & in illius rei argumentum habere se testatur multa vocabula ex eo collecta, quæ non alibi extant quàm in Daniele, Esdrâ & Chaldaïs Interpretibus. Auctor est Hieronymus, prifcos Hebræos inter cætera Salomonis scripta quæ antiquata sunt, de hoc quoque obliterando cogitasse, *ed quòd vanas asserat Dei creaturas*, qua in re concordat Hieronymus cum Talmudistis ac Judæis recentioribus: sed Doctores istos multa ex suo ingenio commentos esse nemo ignorat.

Hieron.
Comm. in
Cap. 12.
Ecclef.

A quo scripta fuerit historia quam sub nomine Estheris legimus, incertum est. De tempore tamen quo illa condita fuerit, omnes fere tum Judæi tum Christiani consentiunt. Sive enim auctores illius sint viri Synagogæ magnæ, uti sentiunt Doctores Talmudici, sive Esdras, quæ Patrum nonnullorum sententia est, sive Mardocheus, ut probabiliùs existimat R. Aben Esra, & liber ipse testari videtur, de tempore quo scripta fuerit historia Estheris, his nulla movebitur. Unde nec malè conjicit Hugo Grotius, Esdræ libro suo & historiæ quam scripsit Nehemias, at-textuisse historiæ Estheris, quæ medio temporum eorum quæ duobus

bus illis libris narratur contigerat, quam à Mardochæo quoque scriptam fuisse agnoscit idem Grotius.

Canticum Canticorum non alium auctorem habere quàm Salomonem, docet ipsa operis inscriptio quod illius nomine prænotatur. Constat præterea ex libro III. Regum, eundem Salomonem Parabolas, sive sententias, & Cantica composuisse. Liber autem ille, teste R. Aben Esra, quia fuit Canticorum Salomonis præstantissimum, fortius est nomen Cantici Canticorum, quasi dixeris excellentissimum carmen. Dubitârunt tamen nonnulli, utrum opusculum istud quale nunc exstat, à Salomone scriptum fuerit, an verò ex integro illius Canticorum volumine excerptum. Carmen autem illud quo Salomon cum Salamitide loquens inducitur tanquam sponsus cum sponsa, explicatu difficillimum est non solum ob loquutiones paulò audaciores, frequentioresque similitudines quæ à nostris consuetudinibus abhorrent; sed etiam quòd nomina interloquentium non annotentur, ut in libro Jobi: nam præter Salomonem & illius Sponsam interloquentes, etiam sunt duo chori Juvenum & Virginum.

De libro Jobi mirum est quàm secum dissideant Judæorum Magistri. Rem verè gestam in hoc opere non narrari putant Doctores Talmudici, quibus assentiuntur R. Moses Ben Maimon & alii pauci, sed esse figmentum, seu Parabolam, quæ ingens pietatis simul & patientiæ exemplum ostendat: & his suffragantur etiam Christianorum nonnulli. Imò nec defuere qui non solum operis istius argumentum confictum existimârunt, sed & Jobi quoque nomen volunt ex primis libri verbis desumptum, ubi legimus *Jabad jom*. Illa enim quæ verbis istis prævia sunt, Prologi instar addita fuisse arbitrantur. Sed Ezechielis Prophetæ testimonium, qui Noë, Danielis, Jobique simul meminit, demonstrat commentitium non esse Jobi nomen; & eos qui ita sentiunt acerrimè impugnat sapiens Aben Esra, qui suspicatur illum fuisse ex posteris Esau, idque denotari ex loco Huz unde ortus dicitur. Similiter rem uti narratur gestam fuisse, docent Jobi & illius amicorum nomina & alia complura quæ his adjunguntur, etsi non pauca sint quæ ad Parabolam magis quàm ad historiæ veritatem accédant. De auctore verò scripti illius longè minùs adhuc constat: alii quippe illud ad Moysen referunt, alii ad Isajam, alii ad ipsummet Jobum aut ad ejus amicos. Neque etiam inter se consentiunt qui operis hujusce au-

Aben
Esra. Pra-
fat. in
Cant.

Aben Es-
ra Comm.
in Cap. 1.
Job.

52 *Castigationes ad Is. Vossii Opusculum de Oraculis Sibyllinis*,
ctorem faciunt Moysen : sunt enim qui ab eo solum ex aliena lin-
gua Hebraicè conversum putant. Sed his prætermis-
sis, si quid etiam in re obscura licet suspicari, illos minùs recedere à veri-
similitudine arbitror, qui operis illius confectionem ad tempo-
ra Captivitatis Babylonice revocant : dictio enim sæpius vix He-
braica est, scatet loquutionibus Chaldaicis, & sapit hominem
qui ex alieno commercio sermonem Hierosolymitanum insecer-
rat. Quo sensu explicanda sunt Hieronymi verba, asserentis
Jobum se convertisse ex Hebraico Arabicoque sermone & Sy-
ro. Quibus omnibus accedit Judæos, quorum res tùm tem-
poris videbantur desperatæ, magna ex illo opere tulisse solat-
ia. Rem itaque dudum gestam Scriptor narrat : & quia Poë-
tam agit, licet argumentum quod tractat non sit fictitium, ora-
tionem floridam & figuratam adhibet, verisque interdum ad-
jicit quæ sunt tantùm verisimilia, servato tamen semper perso-
narum loquentium decore. Jam de Prophetis nonnulla subji-
ciamus.

*August.
Quæst. in
Exod.*

Prophetæ à B. Augustino appellantur enunciatore verborum
Dei hominibus : illi enim veluti Divinæ Legis Interpretes con-
cionabantur ad populum, quem doctrinam à Mose traditam
docebant stabilità illius auctoritate. Deinde minas & promif-
siones quas Moyses in genere tantùm promulgaverat, hi suæ
ætatis rebus accommodabant, idque Oratorum more, unde fit
ut comparationum similitudinibus, metaphoris & hyperbolis
abundent, simplicique ac nudà rerum narratione haud conten-
ti, eas verbis exaggerent. *Neque enim, ut auctor est Hierony-
mus, simplex à Prophetis historia & gestorum ordo narratur, sed
enigmatum plena sunt omnia, aliudque in verbis sonant, aliud te-
netur in sensibus, ut quæ estimaveris planà & inoffensà currere
lectione, sequentium rursus obscuritatibus involvantur.* Non ita
autem futura vaticinantur Prophetæ, quin jam facta sæpius refe-
rant, ut evidentissimè probari potest ex Zachariæ Prophetia, quæ
magnam partem rei præteritæ & quæ tùm gerebatur, narratio est.
Quo modò diligentissimus Scripturæ Interpres Joannes Mercerus
in explicandis verbis quibusdam Prophetæ Amos, Judæo-
rum expositionem improbat, qui de rebus futuris ibi agi con-
tendunt, cùm de re jam præterita agatur, moxque verba ista sub-
jungit, quæ notatu digna sunt : *Laboramus penuriâ librorum sacro-*

*Hieron.
Pref.
lib. 18.
Comm. in
Isaj.*

*Mercer.
in Cap. 9.
Amos.*

rum, ac sæpe in Prophetis pleraque legas facta, quæ in sacris historiis quæ hodie extant non reperias. Prophetas similiter testatur Hieronymus in suis narrationibus non attendere interdum ad rerum ipsarum ordinem quo gesta fuerint. *In Prophetis*, ait, *historiæ ordo non tenendus, cum in præsentiarum sub eodem Rege priora postea, & posteriora antè dicantur.* Præposterum illum ordinem tribuit Pseudo-Dorotheus Scribis qui Prophetarum vaticinia ex illorum ore excepta referebant in chartas, quasi Prophetæ ipsimet conciones quas habebant ad populum non commendassent litteris. Idem observavit de Hieremiæ vaticinio Cornelius à Lapide, qui existimat Baruch Scribam illius Prophetæ omnes ejus Prophetias diverso tempore editas in unum volumen collegisse, neglecto temporis ordine quo editæ fuerant. Fatetur & ipse Joannes Calvinus, Prophetarum vaticinia eo quo decebat ordine disposita ad nos usque non pervenisse; non inde tamen illorum divinitati quidpiam detrahi arbitratur. *Qui diligenter*, inquit, *& cum judicio versati sunt in Prophetis, mihi concedent non semper fuisse quo decebat ordine digestas illorum conciones; sed ut forebat opportunitas, inde constatum fuisse volumen.* Existimat Sacerdotum operâ, quorum officium erat Prophetias ad posteros commendare, libros Prophetarum, etsi his insensibilissimi essent Sacerdotes, conservatos fuisse. Scribit præterea idem Calvinus, Prophetas postquam concionem habuere ad populum, brevem illius summam collegisse, quæ valvis affixa ab omnibus legeretur, posteaque à ministris Templi inde ablata in thesaurum reponeretur in perpetuum rei illius monumentum: unde confectos fuisse conjicit qui nunc extant Prophetarum libros. Verùm ex verbis Isaiæ & Habacuc, quos veritatis illius testes profert Calvinus, id unum probari posse videtur, Prophetas vaticinia sua apertè ac dilucidè, ut ab omnibus intelligerentur & legi possent, super tabulas descripsisse: de valvis autem Templi, quibus illa affixa fuisse putat, nulla prorsus fit mentio. Pariter brevem duntaxat eorundem vaticiniorum summam ab ipsis Prophetis collectam fuisse, non verò integras conciones ab iis descriptas, fingit perperam, quanquam illas quas nunc habemus Prophetias integras esse, nemo rei criticæ peritus dixerit. Verùm defectus ille, si quis sit, à Prophetis non videtur profectus. Idem Calvinus & eum sequuti Genevenses, inscriptiones

Hieron.
Comm. in
Cap. 25.
Hieron.

Dorothe.
de vita
& moribus
Prophet.

Cornel. à
Lapide.

Calvin,
Præfat.
in Isai.

54 *Castigationes ad Is. Vossii Opusculum de Oraculis Sibyllinis*, quæ Prophetarum nomina, & editarum Prophetiarum annos indicant, à Sacerdotibus, quorum fuit illas in Templo asservare, majoris lucis causâ adjectas fuisse suspicantur. Hæc siquidem sunt illorum verba: *Il semble que ces titres aient esté ajoutez aux revelations des Prophetes par les Sacrificateurs & Levites qui avoient charge de garder les Propheties au tresor du Temple, après qu'elles avoient esté proposées au peuple suivant la coûtume des Prophetes.* Quam Genevensium opinionem suffragio suo comprobavit Hugo Grotius. Id tantum inter hunc & illos est discriminis, quòd has inscriptiones non Sacerdotibus & Levitis tribuat, sed viris Senatûs magni qui Prophetarum scripta collegerunt, prænotaveruntque tempora scriptionis. Hoc videtur probabilius, quia in confesso est fermè apud omnes, Senatûm cui Esdras præfuit, nonnulla sacris codicibus connexionis & explanationis causâ adjecisse. Ita quoque Thomas putat inscriptiones quæ Psalmis aliquot apponuntur, eundem Esdram auctorem habere, factasque fuisse, *partim secundum ea quæ tunc agebantur, & partim secundum ea quæ contigerunt.* Demum verisimile etiam est historias illas, quæ Prophetarum quorundam concionibus insertæ reperiuntur, ab iisdem Senatoribus additas fuisse dum sacros codices recognoscerent formarentque quem nunc habemus Scripturæ Canonem. Secundum quam rationem putant nonnulli verba illa quæ leguntur Hieremiæ Capite 51. *Hucusque verba Hieremiæ*, Prophetæ hujus vaticinium claudere, Caputque quod sequitur Prophetiam non esse, sed historiam, quæ ex fine libri IV. Regum sumpta fuerit. Et in hoc Judæorum Magistri consentiunt cum pluribus Doctoribus Christianis. Auctor est enim R. David Kimchi, verba illa, quæ usque ad finem vaticinii Hieremiæ allata sunt, ad hujus Prophetiam non pertinere, sed eum qui librum hunc descripsit, huc conjecisse deportationis historiam qualis extat in fine libri Regum. Conjicit Abravanel Esdram, seu Synagogæ magnæ Senatores, supplementi illius auctores esse, quo etiam modo Ezechix Regis historia ex libri II. Regum Capite 18. in Isaiæ Prophetiam translata est. Ex his omnibus facile dignoscitur qui fuerint apud gentem Hebræam Prophetæ, quale illorum officii munus, & quæ eorundem scribendi ratio. Præterea id etiam videtur animadversione dignum, quòd Prophetæ non solum conciones ad populum habuerint, ediderintque de rebus futuris vaticinia, sed & historias suorum temporum ordine digestas in Acta publica retulerint. Quo pacto Isaias, qui

Genev. in
edit.
Bibl. ann.
1669.
Isai. in
Isai.
Grot.
Annot.
in Cap. 1.
Amos.

Thom.
Comm. in
Psalm. 6.

R. Dav.
Kimchi.
Comm. in
Cap. 51.
Hierem.

qui Regis Oziae gesta descripsisse dicitur, non minùs historici quàm Prophetæ nomen reportabit. Vcl potius Prophetæ nomen apud Hebræos ista omnia complectitur; ita ut quicumque divinæ voluntatis erant interpretes, seu vaticinia ederent, sive res suorum temporum conscriberent, Prophetæ appellarentur. Ex quo haud dubiè venit ut prisci Judæi *Neviim*, seu Prophetarum nomine insignierint Josuæ, Judicum, Samuelis & Regum historias, quòd hæ descriptæ essent à viris qui in eorum Republica Spiritu Sancto afflati, Prophetæ nominabantur. Quo etiam sensu verè affirmavit Josephus, apud gentem suam non à quibuslibet libros componi, sed à Prophetis tantum. Vim quoque vocis illius probè assequutus est Jonathan, qui pro dictione Hebræâ *Navi*, *Propheta*, aliam quæ significat Scribam in sua Paraphrasi interdum substituit; quasi qui Prophetæ appellantur, iidem sint atque Scribæ. Neque aliud sapientissimus Esdras in sacris codicibus nomen obtinet, quàm Scribæ peritissimi. Verùm de Scriptoribus sacris satis superque hætenus dictum sit. Libros Apocryphos, seu quos non admittit Judæorum armarium, silentio præterire visum est, quia illorum auctores, ut præfert nomen *Apocryphi*, occulti sunt & incerti. Cesset itaque doctissimus Vossius optimum Simonium & de literis sacris benè meritum allatrare, qui de Scriptoribus Veteris Testamenti nihil in publicum edidit, quod jam à viris gravissimis iisdemque pietate & eruditione conspicuis approbatum non fuerit. *In malevolam animam non introibit sapientia.*

F I N I S.

EX.

E X C E R P T A

E X

DISQUISITIONIBUS CRITICIS

RICHARDI SIMONIS,

Gallicanæ Ecclesiæ Theologi.

E X C E R P T U M I.



Olas Judæorum Scripturas veras esse ac primigenias, communis est Theologorum, quos vulgò Protestantes vocant, opinio; qui inter disputandum cum Doctoribus Catholicis, ad codices Hebræos semper recurrunt, siquando ab his dissentiat Latinus Interpres, quem in multis errasse arbitrantur. Inde factum est, ut

Theologi illi, qui Reformatorum nomen ambiunt, antiquas Ecclesiæ versiones parvi fecerint, si perpaucos excipias, qui nævos etiam in contextu Judaico, non secus ac in illius Interpretibus, deprehenderunt. Verùm longè ultra progressus Isaacus Vossius à receptis Protestantium moribus recessit, ac palàm Judæos falsitatis accusavit, quòd multa è suis codicibus Christianæ Religionis odio de industria post Christi adventum & everfa Hierosolyma, expunxissent; eosque qui Judæorum causam agunt acriter suggillat, & Doctores suæ sectæ, qui hodiernam codicis Hebræi lectionem tueantur, appellat *afellos cassos lumine & intellectu, togâ cinctos professoriâ, pro clypeo gestantes Biblia Masorethica cum omnibus suis punctis*. Firmissimas Vossium assertionis ita liberæ rationes habere, quis non credat? At quàm graviter allucinatus ille fuerit, ex his quæ mox dicentur manifestum fiet. *Quis locus*, inquit, *qui de Messia agat in sacris occurrit literis, quem illi non corrumpere aut sinistra interpretatione enervare sunt conati?* Et paulò post: *Cùm viderent tempus adventus Messia præterisse, expleti quippe erant anni sex mille à creatione mundi, ut lucrarentur annos bis mille, tota quatuordecim sæcula è co-*

*Isaac.
Voss. E.
pist. ad
Andr.
Calv.*

*Voss.
Dissert.
de Sept.
Præfat.*

dici-

dicibus suis expunxerunt: residua quinque vel sex secula ut abolerent, decurrerunt intervalla Judicium, omittendo Anarchias, & contrahendo spatia Regum Persicorum. Hoc pacto totis bis mille annis mensuram temporis mulctarunt. Sed hæc mera sunt Vossii commenta, qui

Notatur
Vossius.

non solum Judæos accusat, sed & à Samaritis idem facinus commissum fuisse auctor est, licet dispari ratione. Verum prisca Ecclesiæ Patres Africanus, Origenes, Eusebius, Hieronymus, Augustinus & alii qui hanc Judæorum codicis ab Hebræis exemplaribus in rebus chronologicis discrepantiam animadverterunt, de hac depravatione Judæis objicienda nunquam cogitarunt. Imò Augustinus hac in parte Judæorum exemplar Græco præferendum esse non veretur interdum asserere, in eaque est opinione, *ut ei lingue potius credatur, unde est in aliam per Interpretes facta translatio.* Justinus Martyr, qui disputans adversus Tryphonem Judæos variis modis exagitat, ut Græcam, quæ tunc sola in Ecclesia auctoritatis aliquid obtinebat, LXX. Seniorum interpretationem vindicaret, de mutata ab iis Chronologia, ut causæ suæ patrocinarerentur, ne verbum quidem protulit.

B. Augustin.
B. Justin.

Præterea, si Judæis in mentem venisset codices Hebræos corrumpere, ne tempus quo in sacris literis venturum esse Messiam significatur elapsum esse videretur, longè potiori titulo Danielis vaticinium, quod accuratè tempus illud observat, quàm libros Moysis aut Judicium, depravassent. Prophetiam autem Danielis, quæ magnam partem Messiae tempora respicit, integram remansisse in confesso est apud omnes, & hæc Judæos valde premi negare non audeat ipse Vossius. Sed latebras quærens affirmat antiquos Judæos non tantum Daniele à choro Prophetarum segregasse, sed & negasse fuisse Prophetam. Verum nunquam intellexit vir doctus, quo sensu Judæi Daniele Prophetarum choro minimè adscriberent. De hoc negotio, uti jam supra observatum est, frustra Christiani cum Judæis disputant: utrique enim lubentes agnoscunt in libro Danielis multa extare de Messia venturo vaticinia, & hunc Spiritus Sancti opus esse non secus ac reliquos Scripturæ Sacræ libros. De Davide eadem prorsus fingunt Judæi, atque de Daniele: non ideo tamen Spiritus Sancti afflatum ab eo remouent. Contrà in Psalmis etiam multa haberi quæ venturum Messiam prænunciant, palam asserunt, & si quid sit inter illos & Christianos hac in parte discriminis, mera est de nomine, ut jam alibi probatum est, controversia: dum illi aliter Scripturæ Sacræ libros partiuntur

atque Christiani. Sed suo seipsum gladio jugulat Vossius, dum ob res chronologicae Judæos falsitatis reos peragit; quandoquidem hodierna contextus Hebraici Chronologia Judæos longè magis urget, quàm illa quæ ex Græca LXX. Interpretum versione ducitur; nec id Judæi ipsi dissententur in libris Talmudicis, ubi non eunt inficias jam expletum fuisse tempus quo venturus erat Messias, sed addunt illum propter eorum iniquitates non advenisse. Hæc sunt Talmudistarum verba. *Domus Eliæ traditio hæc est: Mundus constabit sex annorum millibus: annorum erunt duo millia inanitatis, seu ante Legem: duo etiam millia annorum Legis: & duo millia annorum temporis Messie. Sed ob iniquitates nostras, quæ multæ sunt, præterire anni illi, qui jam elapsi sunt.* Vossius, qui istud Eliæ effatum ad institutum suum trahere conatus est, in pluribus erravit: primò enim laudare videtur illud quasi revera ab Eliâ Propheta, aut ex ejus libro, quem olim, inquit, *Veteris Testamenti scriptis annumeratum fuisse constat*, desumptum fuerit. Sed Elias iste Doctor fuit Talmudicus sicuti R. Hillel, R. Schammai, R. Johanan, & alii bene multi quorum nomina & sententiæ in Talmude referuntur. Deinde figmentum est quod ait bis mille annos qui Legem Moyse præcessere non à principio creationis debere numerari, sed à Diluvio, vel ab illo tempore quo Noë dixit Deus, velle se mundum perdere. Longè siquidem diversa est hoc loco Judæorum sententia de sex annorum millibus quibus mundus duraturus erat, secundum Magistri Eliæ traditionem. Vaticinii enim illius fundamentum ex sex diebus creationis petitum est, ita ut sicuti Deus intra sex dierum spatium mundum creavit, similiter idem mundus sex annorum millibus perduraturus sit: idcirco annorum mundi supputatio inde jam à prima rerum omnium creatione sumi debet. Magistri qui Commentariis suis Talmudis libros illustant, bis mille annorum numerant à primo homine condito usque ad tempus illud quo Abraham relicto idolorum cultu veram Dei unius Legem amplexatus est. Tunc secundum illorum supputationem annum vitæ agebat quinquagesimum secundum. Frigida autem sunt quæ profert idem Vossius, ut probet ex B. Petri Epistola, mundi de quo agitur initium arcessendum esse à Diluvio, quòd Apostolus ille veterem mundum cum vocaverit qui Diluvium præcessit; terram verò quam nunc habitamus mundum alterum: hæc, inquam, frigida sunt & extra propositi hujusce rationem. Sed non est cur fictitiæ Doctoris Eliæ de mundi dura-

*Talm. in
Tractat.
Sanhedr.
& in A-
voda Za-
ra.*

*Voss. de
Sibyllin.
Oracul.
cap. 8.*

*Talmu-
distarum
sententia
de mundi
durami-
ne.*

duratione Prophetiæ diutius immoremur, neque etiam ratio habenda est libri illius Prophetiarum Eliæ, quem falsò putat Isaacus Vossius, Eliæ Talmudici nomine deceptus, inter Veteris Testamenti libros olim collocatum. Alias si quæ sint majoris momenti probationes ab eodem Vossio productæ adversus Judæos, expendamus.

Nonnulla deinde Vossius adversus Judæos congerit, ut conficiat illos non pauca Scripturæ Sacræ loca mutilasse, atque in primis Justinum Martyrem opponit, qui scribat complura olim à Judæis inquinata fuisse exemplaria. Verùm jam iis omnibus quæ ex Justini auctoritate sumi possunt rationibus abundè satisfecimus. Contextum Hebræum nunquam consuluit Justinus, imò nec consulere potuit, cùm ex illius scriptis manifestum sit, eum linguam Hebræam non calluisse. *Sed quos non lusus*, inquit Vossius, *dedisset sanctissimus Martyr Tryphoni & innumeris aliis inter quos versabatur Judæis, si non vera fuissent ea quæ illis intentat crimina?* Sed hæc argumentandi ratio digna non est homine erudito, qui in evolvendis B. Justinii libris deprehendere poterat multa illi excidisse. At pergit Vossius: *Vaticinium de Christo quod occurrit Psalmo 22. ubi pro foderunt substitutum est tanquàm leo, fuisse ab iis depravatum fatentur plerique Christiani, exceptis Fanaticis quibusdam & sesqui-Judæis.* Verum quidem est ob id à plerisque Theologis in jus vocari Judæos, quasi dedita operâ locum istum corruperint. Sed absit ut Fanaticos ac sesqui-Judæos illos esse pronunciem, qui hoc crimen à Judæis amoliuntur, cùm R. Jacob Ben Hajim Masoræ instaurator lectionem *caru*, *foderunt*, quæ Christianis favet, in nonnullis exemplaribus se invenisse palàm testetur. Neque mirum videri debet, quòd Masorethæ eam, quæ causam suam magis tuebatur, lectionem amplexati fuerint. Eam quidem quam Græci Interpretes & Hieronymus representant veriorē esse agnosco; non ideo tamen accusandi sunt Judæi qui è duabus lectionibus unam selegerint, quæ ad res suas magis accommodabatur. Quin & fieri potest ut ea solum in Masorethicis exemplaribus lectio exhiberetur, quam hodie exhibent. In lectionibus *cari* & *caru* parum esse discriminis, nōrunt omnes qui rei criticæ periti sunt, & quàm facilis ac frequens sit literarum *Jod* & *Vau* inter se permuratio. Neque dixeris literam *Aleph* in dictione *cari* scriptam reperiri, minimè verò in dictione *caru*, adeoque mutationem non ita facilem fuisse. Sed alia sunt, & quidem haud infrequentia in

Voss. de
Septuag.
Interpr.
cap. 8.

Notatur
Voss.

R. Jacob, in
Bibl. Voss.
ms.

saeris codicibus superfluae huiusce literae exempla, quae Masorethis ipsis non fuere incognita. Quare Graeci Interpretes & B. Hieronymus illam veluti superfluum reticuerunt, vel ab eorum exemplaribus aberat; secus verò Masorethae, qui illam agnoscunt.

Vana sunt etiam quae ex loco Zachariae, Cap. 12: 10. objicit Vossius, quasi antiquam Judaei lectionem, quam prisci Interpretes in suis exemplaribus habuere, de industria mutaverint: at nemo non, artis criticae peritus, judicabit hanc diversitatem ortam esse ex diversis exemplaribus, dum in aliis legitur *dakeru*, in aliis autem *rakedu*, ob facilem videlicet literarum *Resch* & *Daleth* in se invicem permutationem. Nec video cur ob id, & alia id genus sexcenta, Judaei potius in crimen falsitatis adducantur, quam Graeci, Latini, caeterarumque nationum Scribae, qui similiter in describendis suis codicibus labuntur. Hanc literarum similium commutationem in omnibus linguis reperiri necesse est, unde postea ingens codicum nata est discordia. Qua de re consulendum est in primis Scioppii de Arte Critica opusculum, qui totum istud negotium egregie illustravit. Leo quoque Allatius, vir in evolvendis codicibus MSS. diu versatus, varia Criticorum in rei huiusce confirmationem loca congescit: cujus verba huc referre non pigebit ex illius animadversionibus in Antiquitatum Etruscarum Fragmenta, quae ab Inghirami edita fuerant. *Præterea, inquit, tot exscriptorum errata, tot literarum, tot nominum in antiquorum monumentis mutationes, si ingenuè agimus, à nullo alio quàm à capitalibus hisce corrivârunt, ob literarum similitudinem quam inter se capitales, non autem minuscule, servant. Exemplis, sed paucissimis, ex aliorum animadversionibus agamus, ne ista curiosius ipse perquirere, ab inficeto nescio quo, dicar. Josephus Scaliger in Varronem de Re Rustica, lib. 2. cap. 3. Mediam non Meliam propter familiarem veteribus & L in D mutationem, ut Melica contra gallinæ dictæ, quæ Medicæ dici debebant; & alibi librariorum imperitos sæpè pro I, L, & contra scribere. Godeschalcus Stewichius in libro 1. Appuleii ait, sæpè in mutuum locum immigrasse has literas, D & T; & in libro 5. causam depravandi sententiam asserit similitudinem literarum B & P; nam & has, ut & R, non semel ex affinitate commutatas, testes Quintilianum & Plinium adducens, quorum verba & monita de majusculis & Romanis literis accipienda, quòd iis antiquis in libris describendis usi fuissent. Joannes Isacius Pontanus in Glossario prisco Gallico, non in dissimili argumento, B & P mutationem, solennem meta-*

Leo Al-
lat. in
Antiq.
Etrusc.
pag. 55.

stasin

Isaacum vocat. Scioppius de Critica tradit, exemplisque ex variis fuscè probat, C in G, D in L, F in E, P in B & R, & vice versâ, L in D, E in F, R & B in P, ob similitudinem commigrâsse. Habent quoque inter se quamdam similitudinem majusculæ Græcorum literæ Ita facillima est literarum Græcarum β, ρ, ϕ, necnon Γ & Τ, atque Δ & Α commutatio. Quibus addi posset non tantum inter literas etiam minusculas reperiri discrepantiæ, quin sæpius ob earum quam servant inter se similitudinem, aliquid confusionis oriatur. Quo pacto, ut innumera sileam, quando apud Græcos legendum sit *ἡμῶν*, quando *ὁμῶν*, & apud Latinos *orbis* vel *urbis*, sæpè in incerto est. Varias codicum suorum lectiones sibi objiciunt Chronographi, Historici & alii passim, quorum exempla ubique prostant: exempli causâ, hæcenus Dagobertum Francorum Regem Nantchildem, puellam elegantis formæ, è Monasterio raptam, totius gentis consilio uxorem duxissè communiter receptum fuerat. Verùm ætate nostrâ viri clarissimi, Jacobus Sirmondus, Adrianus Valefius & alii in codices MSS. inciderunt, qui non habeant, *Nantchildem, unam ex puellis de Monasterio, in matrimonium accipiens Reginam sublimavit*, uti pravè Fredegardi contextum Aimonius laudaverat; sed, *Nantechildem unam ex puellis de ministerio accipiens, &c.* sicut in MS. Fredegardi codice à se lectum fuisse animadvertit Sirmondus. Ejusmodi allucinationes, quæ non solum ex literarum similitudine, sed & ex innumeris aliis causis nascuntur, reperire est in omnibus manu exaratis, cujusque linguæ sint ac conditionis. Unde postea lectionum monstra orta sunt, quæ Criticorum ingenia valdè contorquent, & gravissima inter Grammaticos dissidia excitant. Ita qui se germanos Ciceronis imitatores jactitant, suam sibi interdum Ciceronianismi imperitiam exprobrant, non aliam sæpè ob causam, quàm quòd diversis in evolvendis Ciceronis operibus codicibus usi fuerint, quorum indolem bellè notavit Henricus Stephanus.

Henric.
Stephan.
Præfat.
Castigat.
in Cicer.

Sed ne ea quæ ab imperitis duntaxat ignorari possunt, prolixiùs annotem, unam operum Ciceronis editionem in exemplum proferam, quæ ex officina Elzeviriorum anno M DC. LXI accurante Schrevelio, prodit, in qua editione diversæ aliarum editionum codicumque manu exaratorum lectiones ad oram libri utilissimè relatæ sunt. Si & in Hebraicis exemplaribus idem præstitum fuisset, & ad illorum margines variantes omnes lectiones, quæ

B. Hieron.

ex diversis codicibus cum MSS. tum editis, necnon ex vetustis translationibus sumi poterant, fuissent observatæ, Judæos ob hanc codicum diversitatem exemplaria sua corrupisse nemo sanus dixerit; sed ex diversis istis lectionibus meliorem quisque seligeret, ut olim Hieronymus, qui Commentariis suis in Prophetas à Græca LXX. Interpretum translatione sæpius recedit. Ita, Magistrorum fuorum lectioni addictissimus, in Caput 2. Osee, hæc animadvertit: *Pro saltu quoque, quod Hebraicè dicitur jaar, LXX. transtulerunt testimonium, Resch & Daleth literarum falsi similitudine: si enim pro Resch Daleth legatur, testimonium dicitur; ita duntaxat ut Jod litera non legatur.* Iterum ad Caput 5. ejusdem Prophetæ norat LXX. Interpretes, quod pro חרש mensis, legerint חסיר rubigo. Et ad Caput 9. querens cur ubi LXX. habent, *Caro mea ex eis*, ipse verterit *Cum recessero ab eis*, hæc habet: *In eo loco in quo nos diximus, Va eis cum recessero ab eis, LXX. & Theodotio transtulerunt, Væ eis caro mea ex eis; querensque causam cur sit tanta varietas, hanc mihi videor reperisse, caro mea lingua Hebraicè dicitur besari. Rursum si dicamus, recessio mea, sive declinatio mea, dicitur besuri. Simili ratione nihil causæ fuit cur Hieronymus à recepta illa LXX. Seniorum versione, כִּי הִיא דִּינָה סָוּ, Ubi causa tua, recederet; quam suâ auctoritate B. Paulus confirmaverat, nisi quod aliam lectionem præferrent ejus exemplaria, & pro אִיִּי ubi, per transformationem literarum legeret אִיִּי ero. Similem transpositionem longè satius est observare in דָּאֶרֶוּ, transfixerunt, & רָאֶדֶוּ, insultarunt apud Zachariam, quàm Judæos cum Vossio suggillare, quasi mutationem istam in contextum deditâ operâ invexerint. Sed his aliisque ejusdem naturæ diversitatibus contextendis supersedeo, ne prolixiori eorum recensione molestus sim, maximè cum à Theologis, qui suis explanationibus sacra volumina illustrârunt, diligenter observentur.*

Rectè quidem Vossius Judæorum codices in multis vitiatos esse scripsit: quorum scilicet eadem omnino fors fuerit atque Græcorum Latinorumque librorum; dignusque est Georgius Hornius qui sibilis omnium excipiat, cum doctissimo Vossio opponit sanctiones Regum, Principum ac Magistratuum, quibus volunt ut ex solum in Ecclesiis contextûs Biblici versiones legantur, quæ ad exemplaria Hebraica adornatæ fuerint; quasi verò ejusmodi sanctiones Principum codices Judæorum ab omni prorsus menda integros servare potuerint. At in eo castigandus etiam Vossius, quod nonnullos

nullos ejusmodi errorum à Judæis consulto in sua exemplaria & ex odio Christianæ Religionis in vestros fuisse pertinacius contendat. Ita ad verba ista Geneleos, *Non auferetur sceptrum de Juda, & dux de femore ejus, donec veniat qui mittendus est*, hæc animadvertit: *Hunc locum non tantum in versione Græca, verum etiam in omnibus codicibus Hebræis mutilarunt Judæi, rescribendo שול pro שול, uti observatum compluribus, quorum opinionem confirmat codex Samaritanus.* Sed quis nesciat olim in contextu Hebræo literam *Jod* ante inventa puncta vocalia, modò *i*, modò *e* vocalium locum tenuisse? & hanc non solum, sed & alias vocales, quas vulgò *Ehevi* appellant, pro Scribarum arbitrio neglectas fuisse? Sive igitur scribatur שול, ut in hodiernis Masoretharum codicibus, sive שול, uti legisse videntur LXX. Interpretes, ob id in crimen falsitatis adduci non debent Judæi, qui in suis exemplaribus vocalem *Jod* retinuerunt. Fieri etiam potest ut Græci Interpretes eam in suo exemplari legerint, quandoquidem idem est omnino dictionis illius sensus, sive per *Jod*, sive absque *Jod* efferatur, quia litera *Jod* non minùs per vocalem *e* quàm per *i* potest pronunciari. At Masorethæ, qui legendum esse *schilo* arbitrati sunt, priscam literam *Jod* retinere, quâ non obstante, etiam hodiernis temporibus cum Græcis Interpretibus legere possumus *schelo*, uti revera legunt nonnulli Judæorum Magistri. Hæc non debuit ignorare Vossius, qui toties Judæos in jus vocat, quique scribit, eos qui negant hunc locum à Judæis corruptum esse, Prophetias omnes abolere. Eadem omnino codicis Hebræi ratio extitit ante & post Christi tempora, nihilque prorsus causæ est, cur depravationes, si quæ fuerint in illo ante Christi adventum, illas tribuat Vossius errori & incuriæ librariorum, eas verò quæ in exemplaria Hebraica post Christi adventum intrusæ sunt, vitio animi adscribat. Masorethis etiam Tiberiensibus plus æquo detrahit Vossius, dum illos vocat homines barbaros, & in vernacula quam jactant lingua peregrinos, à quibus nihil aliud quàm vitiosum & ab omni ratione alienum proficisci potuit. Illos quidem non fuisse Prophetas cum Vossio lubens agnosco, eosdem quoque punctorum vocalium & apicum auctores esse non diffiteor: at quis inde conficiat eos barbaros fuisse, & linguæ Hebrææ imperitos, ac demum Scripturas punctis & apicibus onerari potius quàm exornari. Si vera sunt quæ de seipso jactitat Vossius, vidisse plures quàm bis mille codices Hebraicos manu exaratos, artis Ma-

Genes.
49: 10.
Voss. de
Septuag.
Interpr.
cap. 8.

Ibid. cap.
30.

fore-

De Ma-
fora judi-
ciorum.

forethicae cum prorsus ignarum non fuisse credibile est. Hæc opus est Judæorum Tiberienium, qui codicis Hebraici lectionem, qualis tunc usu publico recepta erat, adhibitis punctis vocalibus determinarunt. Masora nomen illi inditum est, quod traditionem seu legendi contextus Hebraici rationem diuturno usu comprobata amplexati fuerint. De illorum Critica idem planè judicium ferri debet, ac de Græcis Latinisque libris, qui à viris eruditissimis castigati & recogniti fuere. Celeberrimæ apud Judæos Scholæ præfuerunt Magistri illi Tiberienses, qui conquisitis undique Bibliorum exemplaribus, accuratam illorum editionem evulgârunt. Nihil ab illis in hoc negotio præstitum est, quod in crimen verti possit. Et hæc illorum correctio, quantumlibet accurata, aliis non obsuit, quin eadem exemplaria adhuc recognoscerent, eademque etiam nostrâ ætate ad Græcam LXX. Interpretum versionem & Latinam Hieronymi recognosci posse existimo, in locis quibus illorum exemplaria à Masorethicis variasse constabit. Non ideo tamen Judæos cum Vossio falsitatis accusabimus, quia illorum codices iidem omnino non sunt, atque illi quos ad condendam translationem suam adhibuere Græci Interpretes: sed dicemus diversas lectiones non minùs reperiri in Hebræorum exemplaribus, quàm in Græcorum, Latinorum, cæterarumque gentium libris. Rabbiorum traditionibus solo auditu propagatis nihil solidi subesse putat Vossius; & quæ solo auditu propagantur traditiones, inquit, rarò solent ad duo vel tria perstare sæcula. Sed quid hæc faciunt ad eam de qua in præsentia agitur traditionem? De oralibus Judæorum, ut vocantur, traditionibus, quas meritò à prudentioribus explodi agnoscit, nulla est controversia; sed de ea tantùm quæ Masora appellatur, quamque Judæi Caraitæ, qui plerasque Judæorum traditiones velut anilia commenta respuunt, amplexati fuere. Si hanc rejiciat Vossius, rejiciat quoque necesse est librorum Chaldaicorum, Syriacorum & Hebraicorum, qui nonnihil antiquitatis præ se ferunt, lectionem: iis enim omnibus, simili prorsus ratione atque Hebraicis, puncta vocalia, quæ certam facerent illorum lectionem, addita sunt. Traditionis itaque hoc loco nomine, nihil aliud intelligimus quàm receptam & longo usu confirmatam codicis Hebraici lectionem. Sed codex ille, inquit Vossius, mutus est, quem nec legere, nedum intelligere, quisquam sciat, utpote truncus mediâ sub parte, nec aliis quàm quas Christianæ fidei inimici apposuisse instructus vocalibus. Minusne truncus erat

Voss. Respons. ad
nuper.
Critic.
Refellit
tur Vossius.

erat codex ille LXX. Interpretum ætate, cum nihil omnino punctorum vocalium in eo appareret? Ea est linguæ Hebraicæ, ut & cæterarum Orientis linguarum, natura, ut paucissimas vocales repræsentet; adeo ut librorum qui sermone Hebræo, Chaldaico, Syriaco & Arabico scripti sunt, lectio non parum ab usu dependeat, quem hic traditionem, seu Masoram, cum Judæis vocamus. Jam à quibus usus iste legendi codicis Hebraici sumi potuit, quàm à Judæis? *Verum*, inquit Vossius, *Judæi inimici sunt Christianæ fidei.* An ideo codices suos legere dedidicerunt quia Judæi? Imò nisi Judæi essent, codices Hebræos in Synagogis non legerent: nec ab aliis quàm ab istis illorum lectio ad Christianos derivari potuit. Judæi quoque erant LXX. Seniores à quibus totus dependet Vossius, iique non aliam contextûs Hebraici lectionem sequuti sunt, quàm quæ usu publico ætatis suæ apud Judæos recepta erat. Quapropter id omne quod regerit Vossius in Hebræum codicem, quod sit liber dimidiatus & mediâ sui parte truncus, affirmari etiam potest de codice Hebræo quo usi sunt Græci Interpretes: neque tam codex accusari debuit, quàm linguæ Hebraicæ ingenium, & ob eandem rationem reliquæ linguæ Orientales accusabuntur, quasi dimidiatæ sint linguæ. Iterum tamen, & usque ad nauseam, inculcat Vossius mutum esse Hebræum codicem, & vel ipsis agnoscantibus Rabinis, truncum mediâ sui parte, utpote veris destitutum vocalibus. Sed quæ sint veræ codicis Hebraici vocales fingit se ignorare, dum illis eum destitutum tam fidenter asseverat. Priscæ siquidem Hebræorum vocales sunt, ut ipse alibi non dissitetur, literæ *Aleph*, *He*, *Vau* & *Jod*, quibus & alias adjungit Hieronymus. Sed quòd populi Orientales rarò inter scribendum eas adhiberent, puncta vocalia excogitarunt viri Critici, quò facilior promptiorque esset librorum lectio. Verùm parum consentaneè loquitur Vossius, nec tam ex rei veritate, quàm ex præsumpta adversus Judæorum codices opinione.

E X C E R P T U M I I.

IN rebus criticis non tam quid ab aliis dictum fuerit, quàm quid per-
 spectis omnibus dicendum sit, animum debemus advertere, de hoc
 potissimum solliciti, ut non modò quid quisque loquatur, sed etiam
 quid quisque sentiat, & qua etiam de causa quisque sentiat exactius
 inquiramus: plerique enim dum ex aliorum auctoritate mentem suam
 confirmant, Scriptores sæpius ex singulis vocibus, quàm ex senten-
 tiæ perpetuitate & constantia spectant. Ita quàm foedè in hac parte
 erraverit Isaacus Vossius, dum Justin Martyris aliorumque Patrum
 testimonia in opus suum de LXX. Interpretibus transtulit, jam
 ostendimus, simulque illum tam in Judæos quàm in illorum codices
 plus æquo injuriosum esse demonstratum est. Nimirum, ut optimè
 aliàs à B. Hilario annotatum, *Immoderata est omnis susceptarum
 voluntatum pertinacia, & inflexo motu adversandi, studium per-
 sistit ubi non rationi voluntas subjicitur, nec studium doctrinæ impen-
 ditur, sed iis quæ volumus rationem conquirimus, & iis quæ stude-
 mus doctrinam comparamus.* Similibus fere rationibus adductus fuisse
 videtur doctissimus Vossius, ut Hebræos Judæorum codices eleva-
 ret, & Græca LXX. Seniorum exemplaria assereret. Contendit
 igitur hos Interpretes Spiritu Sancto afflatos fuisse, qua in re sibi
 consentientes habet Patres omnes prisce ætatis, si unum exceperis
 Hieronymum, quem tam de Judæis Bibliorum corruptoribus,
 quàm de Prophetia & afflatu LXX. Seniorum sibi contrarium sen-
 tit. Beatus quidem Hieronymus omnium fere ætatis suæ Doctorum
 maledicta in se convertit, quòd viam communem & longo Eccle-
 siarum usu approbatam deferens, ad Judæorum castra videretur se
 recipere, parumque absuit quin ab Ecclesia tanquam novator eji-
 ceretur, imò & ætate nostrâ illius versionem damnat Vossius, eam-
 que appellat Rabbinicam: sed doctissimus ille Pater reprehensori-
 bus istis occurrens, qui damnare possunt, docere non possunt, Ar-
 tem Criticam exercuit, & iis à quibus reclamatum est, suis libris
 abundè satisfecit. Nec mirum profectò si in nonnullis attentior &
 copiosâ linguarum suppellectili instructior Hieronymus à veteribus
 recedere non dubitaverit: manifestos quippe errores æquitas mini-
 mè defendit. Novi quidem in rebus fidei aliquid divini præ se ferre
 Doctorum Ecclesiæ consensum: at ille cordatus non est nec reli-
 giosus,

Hilar.
lib. 10.
de Trin.

Isaac.
Voss. de
Septuag.
Interpr.
sententia.

giosus, qui in iis rebus quæ non sunt fidei à Patrum sententia discedere reformidat, mavultque aliorum scriptis quàm oculis suis & experientia credere. De seipso longè aliud olim sentiebat Augustinus, qui optat ut alii de suis operibus judicent. *Neminem, inquit, velim sic amplecti omnia mea, ut me sequatur, nisi in iis in quibus me non errare perspexerit.*

August.
lib. de
dono per-
sev. cap.
21.

Non est igitur cur Vossio hac in parte assentiamur, qui contra B. Hieronymum LXX. Interpretes velit divino Numine afflatos fuisse, & ab omni prorsus errore, etiam levissimo, liberos. Imò, quasi cum puduerit Interpretes illos Prophetarum nomine donasse, seipsum postea veluti castigans affirmat Prophetam vetustis Scriptoribus idem esse quod Interpres, illosque Prophetas esse, teste Apostolo, qui Scripturas rectè interpretati sunt. Sed cur latebras hic quærit Vossius, & ad profanam, ut ita loquar, eruditionem recurrit, ut demonstret in eo errare Hieronymum, cùm scribit aliud esse Prophetam, aliud Interpretem; quasi ipse contradixerit Apostolo, qui pluribus in locis *αὐτοφύκτου* sumpsit pro interpretari? Verùm hic non errat Hieronymus, qui vocis illius proprietatem optimè noverat, quandoquidem animadvertit Poëtam Græcum à Paulo Prophetam vocatum fuisse. Sed in Responsione sua ad Objectiones nuperæ Criticæ Sacræ Vossius ubique tergiversatur. Ita quid illi causæ fuit cur non modò Apostolorum & Evangelistarum, sed & Philonis, Festi, Platonis & aliorum proferret testimonia, ut evinceat eos non tantùm qui futura prædicerent dictos fuisse Prophetas, sed & qui præterita & præsentia explicarent; quandoquidem ea de re inter illum & Scriptorem Criticæ Sacræ nihil erat controversiæ? Dum negavit Hieronymus, LXX. Seniores Prophetas esse, eisdemque Interpretes duntaxat fuisse asseverat, Prophetam eo loco idem esse arbitratus est atque hominem Spiritu Sancto afflatum, quo nimirum sensu Patres omnes Græcos illos Interpretes appellaverant Prophetas, nec aliâ ratione nomen illud Prophetæ usurpavit ipse Vossius, qui tam confidenter illorum *ἱεροφύκτου* sive afflatum divinum asseruerit.

Hieron.
Comm. in
Ezech.

Voss. Re-
spons. ad
Obiect.
Critic.
pag. 6.

Non sum nescius, inquit, multorum me incursum non reprehensionem tantùm, sed & odium, quòd tam magnificè de hac versione sentiam, & adeo quidem ut vix dubitem eam divinitus inspiratam appellare: sed quenam rogo possit excogitari ratio, quamobrem non id ipsum credam quòd jam ab Apostolorum temporibus omnes credidere Christiani, exceptis duntaxat paucis nimio plus faventibus sequo-

Voss. de
Sepinag.
Interpr.
cap. 25.

*Voss. de
Septuag.
Interpr.
cap. 26.*

*In Resp.
ad Critic.
Sacr.*

rum temporum Judeis? Inter hos haud dubiè B. Hieronymum collocabit. Deinde probat fusiùs eorundem Interpretum *non dicitur*, argumenta eorum infringens, qui dicunt hos non potuisse afflari Spiritu Sancto aut Prophetico, quia Judæi testantur tempore Templi secundi defuisse donum Spiritûs Sancti & Prophetiæ. *Illud*, inquit, *omnino est Rabbinicum & nugatorium.* Sed non minùs nugatoria sunt quæ ille affert adversus Hieronymum his verbis: *Cùm itaque tam latè Prophetarum & Prophetiæ, etiam apud Hebræos, patuerit appellatio, non admittendi sunt illi qui Septuaginta Interpretes Prophetas fuisse negant, utpote præcipuos populi Judaici Sacerdotes, & non præteritarum tantùm, sed & futurarum rerum interpretes.* Quasi verò illud in quæstionem venisset, utrùm Septuaginta Senibus Prophetarum nomen competeret, quatenus nomen illud *Propheta* idem sonat atque *Interpres*, cùm ipse tam multis probare conatus fuerit eos Prophetas fuisse, qui à Spiritu Sancto ac Prophetico afflati fuere: imo existimat injurios illos esse Hieronymo, qui testimoniis ejus abutuntur ad evertendam LXX. Interpretum auctoritatem; cùm ille ætate provectior eorum errores non ipsis Interpretibus, qui afflatu Spiritûs Sancti sacros libros verterunt, sed librariis imputandos censuerit. Verùm supra fusiùs ostensum est quæ fuerit de præsentī negotio B. Hieronymi sententia, quæ Vossio latuit. Jam enim profectæ erat ætatis, cùm Prophetarum libros Commentariis suis illustravit. At quàm sæpè in illis non modò librarios, sed ipsos Interpretes castiget, nemo nescit.

*Auctores
Græci
versionis.*

Et si supposititium esse factum, quæ sub nomine Aristæ circumfertur, historiam jam antea dixerim, lubens tamen agnosco hanc quæ LXX. Senibus tribuitur interpretationem sub Ptolemæo Philadelpho conditam fuisse à Judæis Alexandrinis, & ex Hebræo codice Chaldaicis sive Babylonicis literis exarato, qui non alias adhibere literas in describendis suis exemplaribus Judæi post suum è Babylone reditum, quàm Assyriacas. Sed versio altera Græca, quam ex eodem codice Hebræo Samariticis literis satis negligenter descripto factam putat Vossius ab homine neque Hebraicè forsan, neque Græcè docto, merum est figmentum ex Aristobulo desumptum; qui tamen de Samariticis literis, quibus hunc exaratum fuisse contendit Vossius, ne verbum quidem protulit, & de illis præter Vossium nemo cogitavit; adeo illud ab omni veri specie alienum vide-

videtur. Errant quidem, ut bene à Vossio animadversum fuit, qui putant Græcam versionem ex aliqua Paraphrasi Chaldaica aut Syriaca derivatam fuisse, cum nulla tunc esset ejusmodi, & constet Philonem linguam Hebraicam & Chaldaicam pro eadem ubique accipere. Suspiciari tamen licet, Græcos illos Interpretes sermonem Chaldaicum, qui Judæis plerisque post reditum è Babylone vernaculus fuerat, respexisse. Nulla quidem erat tunc temporis Chaldaica aut Syriaca Paraphrasis; tamen longè ante illa tempora Magistri, tam in Scholis, quàm in Synagogis, contextum Biblicum Chaldaicè non minùs quàm Hebraicè legebant, unde forsàn contigit ut plures in Græca translatione voces magis ad genium linguæ Chaldaicæ aut Syriacæ conversæ sint, quàm secundùm linguæ Hebraicæ proprietatem. Commentum quoque aliud finxit idem Vossius, qui asserit usque ad tempora Aquilæ nullam aliam lectam fuisse in Synagogis Judæorum Scripturam præter illam LXX. Interpretum, quia perierat intellectus linguæ Hebrææ, quam ne ipsi quidem callerent Judæorum Rabbini: LXX. verò Interpretes, ut auctor est idem Vossius, vixerunt florente & superstite etiamnum Hebræâ linguâ. Verùm lingua Hebræa non magis florebat tempore LXX. Interpretum, si qui fuerint illius nominis, quàm tempore Aquilæ; quippe illa post deportatos Babylonem Judæos penitus abolita est, & post illorum inde reditum ipsis non fuit amplius domestica & familiaris. Remansit apud solos Magistros, qui eam publicè in Synagogis, seu Scholis, docuerint. Si verum est usque ad Aquilæ tempora non aliam in omnibus Judæorum Synagogis lectam fuisse Scripturam quàm Græcam LXX. Seniorum Interpretationem, quâ ratione fieri potuit, ut Flavius Josephus Legem Moysis in Synagoga Hebraicè interpretatus sit, ut affirmat Vossius, qui similiter asserit eundem Josephum, omnium sui seculi Hebræorum longè eruditissimum, historiam belli Judaici antequàm Græcè scriberet, linguâ Hebræâ edidisse? Tamen, si credamus Vossio, lingua Hebræa penitus deperdita fuerat: si res ita sit, cur hanc appellat linguam patriam Josephi? *Conveniet nulli qui secum dissidet ipse.* Manifestum est etiam ex ejusdem Josephi libris, Judæos Palæstinæ regionumque vicinarum tunc temporis linguam Hebræam excoluisse, quam usu, ut nostrâ etiam ætate, discerent absque ullis præceptionibus Grammaticis, quæ

Voss. de
Sibyll.
Oracul.

Vossii er-
reres.

Voss. ad
Castigat.
Horn.
cap. 2.

Voss. de
Sibyllin.
Oracul.

Ibid.

Etiā in
Synagogis
Helleni-
stiarum
legebatur
contextus
He-
braic.

non à sexcentis tantum, ut contendit Vossius, sed à nongentis & amplius annis inventæ sunt. Quo sensu idem Josephus ait, etiam referente Vossio, excelluisse se in disciplinis patriis præ cæteris Hebræis: Græcam verò linguam non nisi per Grammaticam didicisse. Patrias vocat disciplinas studium linguæ Hebrææ ac Legis Mosaicæ, quam Judæi Hierosolymitani in Synagogis Hebraicè legebant. Si tamen audiamus Vossium, qui sæpius à seipso dissentit, Christus & Apostoli in Judæa Græcè loquebantur. *Ubique, inquit, jam ab Alexandri Magni temporibus Græci fuere domini, ibi etiam Græca prævaluit lingua, & absurdum est unam excipere Judæam: & paulò post: Ut in Ægypto, Asia & reliqua Syria, ita quoque in Judæa nulla præter Græcam audiebatur lingua, in urbibus præsertim oppidisque.* Imò præter linguam Græcam in Ægypto audiebatur lingua Coptica, in Syria Syriaca, & in Judæa Judaica, seu Chaldæo-Syriaca. Ex libro Evangeliorum discere potuit Vossius, sermonem Judæorum qui Hierosolyma incolebant, quæ inter urbes & oppida reponi debent, Chaldæum sive Syriacum fuisse, nec Christum Judæos urbis ullius Græcè, sed Syriacè alloquutum fuisse. Hanc etiam postea Judæi qui regionem istam incoluere, licet corruptam, retinuerunt, uti probari potest exemplo Talmudis, qui vulgò ab ipsis Hierosolymitanus appellatur, & lingua quâ conceptus est liber ille vocatur quoque Hierosolymitana. Judæis etiam Babyloniensibus tunc temporis, ut & longè antea, domesticus fuit sermo Chaldaicus, qui suum pariter Talmudem habent eadem linguâ conscriptum. Plerique etiam vetustiores libri Judæorum, exceptis paucissimis, non alio sermone conscripti sunt quàm Chaldæo impuro. Sed non est cur refellendis Vossii assertionibus, quæ nihil omnino probabilitatis præ se ferunt, diutius immoremur, qualia sunt quæ affirmat de libris Deuteroseon, seu Traditionum Judaicarum, quas omnes ante Justiniani tempora sermone duntaxat Græco concinnatas fuisse contendit, & de libro Misna qui è Græco in Hebræum sermonem circa illud tempus conversus fuerit: quia cautum fuerat edicto Justiniani, ne Judæi Deuteroseon, seu librum Traditionum, in Synagogis legerent. *Illi, inquit Vossius, ut edictum eluderent, scriptum hoc in Hebræum converterunt sermonem.* Risum teneatis amici! Verum, si ad Justiniani edictum animum advertisset vir doctus, facilè deprehendisset non modò Hierosolymis, sed etiam in eorum Synagogis qui vulgò Hellenistæ appellantur, contextum Hebræum

brarum lectum fuisse. Id enim aperte significant verba illa Constitutionis Justiniani: *Didicimus quosdam solam habentes vocem Hebræam, etiam ipsâ uti velle in sacrorum librorum lectione; alii verò Græcam quoque editionem assumendam esse arbitrantur, & jamdudum hac de re inter se disputant. Nos igitur his auditis, meliores judicavimus eos esse qui Græcam quoque versionem ad librorum sacrorum lectionem volunt assumere, & quamcunque linguam simpliciter quam locus commodior & aptior audientibus facit.* Duplicis generis Judæos supponit illa Justiniani Constitutio, quorum alii linguæ Hebrææ penitus addicti Scripturam Sacram in Synagogis sermone duntaxat Hebræo legerent; alii verò, quia Græcas literas callebant, lectioni Hebraicæ Græcam adjungere. Justiniani autem edicto permittitur ut non solum Græcè, sed in alia qualibet lingua codex sacer legeretur. Judæi igitur omnes Hellenistæ, ut decreto Mosis obtemperarent, non alio unquam sermone quàm Hebræo Legis contextum in Synagogis suis legerunt, cui deinde lectioni alia mox succedebat sermone vernaculo. Neque his obstant priscorum Judæorum Patrumque testimonia, ex quibus manifestò liquet Judæos Alexandrinos & alios omnes quibus lingua Græca fuit vernacula, Græcam LXX. Interpretum versionem in Synagogis suis legisse. Similiter constat etiam Hierosolymis quasdam exitisse Synagogas in quibus Lex Mosis & Prophetæ Græco sermone legerentur. Sed hæc & alia ejusdem rationis bene multa quæ huc congeri possent, probant tantum lectioni contextus Hebraici additam fuisse explicationis causâ Græcæ interpretationis lectionem, sicut & nostrâ etiam ætate Judæi ex antiquo more singulis Sabbatis legunt aliquid Scripturæ Sacræ Hebraicè & Chaldaicè, quia scilicet antiquitus erant in Synagogis & Lectores & Interpretes, quod etiam Interpretis seu Prophetæ munus à Synagoga ad primos Christianorum cœtus transiisse clarè demonstrant verba Apostoli in Epistola prima ad Corinthios. Hinc forsan ortum est ut Græca illa LXX. interpretatio quibusdam in locis minùs accuratè verba contextus Hebraici exprimat, quia scilicet illius concionatores Paraphrastarum potiùs quàm Interpretum, locis præsertim obscurioribus, munus obierunt. Sed ea omnia quæ pro tuenda LXX. Senum translatione & elevandis Judæorum exemplaribus contra omnem probabilitatis speciem fusiùs retulit Vossius, in præsentia refellere nec tempus est mihi, nec animus: longè satius erit Hieronymi versionem cum Græca locis aliquot conferre, ut inde pateat quàm verè dixerit

*Justin.
Novell.
vel Con-
stit. 146.*

*Epist. 1.
ad Co-
rinth.
Cap. 4.*

Voss. Re-
spons. ad
Critic.

August.
Eugub.
Præf. in
lib. de
Vulgat.
Edit.

Confer-
tur Gra-
eca versio
cum La-
tina Hier-
onymi.

Isaj. 2:
21.

dixerit Vossius Hieronymum nusquam rectè ab antiquis recepisse Interpretibus, eumque primum fuisse Christianorum qui Rabbinicam condiderit versionem, quique alios ad idem audendum signifer præcesserit. Longè aliud de versione Hieronymi, quæ nunc in Ecclesia Occidentali legitur, judicium tulit Augustinus Eugubinus his verbis: *Hanc si cum editione Septuaginta contuleris, ausim hæc uti similitudine ut lucem ac tenebras à te collatas asseram. Id quod nos toto hoc opere ostendemus. Inveniemus certè hanc adeo fuisse Ecclesiis necessariam, ut, nisi hanc operam Divinus Hieronymus nobis præstitisset, versari adhuc nos in multis erroribus certè necesse fuerit.*

Sumam itaque exempla collationis istius ex libris Prophetarum, quos ex Hebræo vertit Hieronymus, ac Commentariis suis illustravit, & utraque adhuc extat, cum vetus tum recens, illorum translatio in ejusdem operibus. In omnibus autem Hieronymum vindicare etiam à levissimis erroribus, sicuti Septuaginta Interpretes vindicare enixè contendit Vossius, mihi minimè propositum est: quippe non pauca Hieronymo quantumlibet erudito exciderunt, dum Judæis ætatis suæ nimium addictus Græcos Interpretes severiùs interdum castigat. Sed doctissimum illum Patrem toties allucinatam fuisse quoties illos deserit, ut existimat Vossius, pernego. Capite secundo Commentariorum in Isajam ad hæc verba, *Quiescite ab homine cujus spiritus in naribus ejus, quia excelsus reputatus est ipse*, miratur Septuaginta Interpretes tam perspicuam, ut ipsi videtur, de Christo Prophetiam in Græcum noluisse vertere, damnatque Judæos, qui verbum quod in Hebræo est ambiguum, in deteriorem partem interpretati sint. Judæorum autem nomine ibi Aquilam notat aliosque Interpretes qui diversam à Septuaginta Seniorum versione translationem de industria condiderant, ad quas Judæi, relictis vetustis Interpretibus, recurrabant. Jam utrùm hæc omissio librariis, an ipsis LXX. Senibus tribui debeat, nunc non inquirò, quam constat à Græcis exemplaribus ante Origenis tempora abfuisse, cum verba illa sub asteriscis de editione Aquilæ addita fuerint: nec disputo similiter de bonitate versionis Hieronymi, utrùm præferenda sit Aquilæ translationi, quæ cum hodiernis Judæorum codicibus hîc consentit; verùm inde conficio versionem Hieronymi malè à Vossio Rabbinicam vocari, quasi jam senex Hieronymus solis Judæis in condenda

denda sua contextûs Bibliici interpretatione crediderit. Ejusdem Prophetæ Capite 5. ubi juxta vocum Hebraicarum proprietatem vertit Hieronymus, *Et pascentur agni juxta ordinem suum*, LXX. Interpretes arguit, quòd nescio quid volentes, uti loquitur, transtulerint, *Pascentur direpti quasi tauri*, pro *agnis tauros* intelligentes, & pro *advenis* interpretantes *agnos*. Hebraica tamen hoc loco implicata non sunt, & sensus apertius. Reprehendit etiam Græcos Interpretes Hieronymus, quòd pro his verbis, *Quis ibit nobis*, ut habent omnes Interpretes, quia in Hebræo legitur *lanu*, ipsi posuerint, *Quis ibit ad populum istum*, quod penitus, inquit, in Hebræo non habetur. Sed forsân pro *lanu* legerunt *laam*, vel eadem verba quæ mox sequuntur, majoris explicationis causâ hic addita sunt; quia pronomen *no-*
bis nihil ibi, ut & alibi passim, significat.

Verùm longè magis animadversione digna sunt quæ refert idem Hieronymus ad hæc verba quæ secundum codicis sui Hebræi lectionem transtulerat, *Excæca cor populi hujus, & aures ejus aggravata*: cum longè benignior videatur Græca interpretatio in qua legitur, *Incrassatum est cor populi hujus*. Sed nôrunt linguæ Hebrææ periti, hanc diversitatem ex varia punctorum vocalium notatione ortam fuisse: sequuti sunt LXX. ætatis suæ lectionem, quæ diversa erat ab ea quæ Hieronymi ætate obtinebat, & hæc eadem in exemplari Masorethico repræsentatur. Utraque lectio traditione confirmatur, sed Græca videtur in eo Hieronymianæ præferenda, quòd illam sequutus fuerit Apostolus in Actibus Apostolorum: ad hæc tamen respondet Hieronymus, lectionem hanc tribuendam potius esse Evangelistæ Lucæ quàm Apostolo. *Evangelistam Lucam*, inquit, *tradunt veteres Ecclesiæ tractatores medicinæ artis fuisse scientissimum, & magis Græcas literas scisse quàm Hebræas*. Unde & sermo ejus, tam in Evangelio quàm in Actibus Apostolorum, *comptior est & secularem redolet eloquentiam, magisque testimoniis Græcis utitur quàm Hebræis*. Itaque in ea videtur fuisse sententia Hieronymus, ut crediderit B. Paulum cum Hebræis disputantem non juxta LXX. loquutum fuisse, sed juxta Hebraicum; Lucam verò Evangelistam, qui Græcas literas apprime callebat, legebatque Græcos codices, Græcis testimoniis usum fuisse. Similia fere his assert Hieronymus Quæstionibus Hebraicis in Genesim, ubi expendens diversitatem quæ Græca inter & Hebræa exemplaria intererat in recensendis filiis Jacobi qui cum ipso Ægyptum ingressi sunt, quærensque

Hieron.
Quaest.
Hebr. in
Genes.

ibidem cur LXX. potius versioni Stephanus in Actibus Apostolorum adhæserit, quàm Hebræo contextui, ita loquitur: *Non debuit Sanctus Lucas, qui ipsius historie Scriptor est, in Gentes Actuum Apostolorum volumen emittens, contrarium aliquid scribere adversus eam Scripturam quæ jam fuerat Gentibus divulgata.* Et mox: *Hoc autem generaliter observandum, quòd ubicunque Sancti Apostoli aut Apostolici viri loquuntur ad populos, his plerumque testimoniis abutuntur, quæ jam fuerant in Gentibus divulgata.* Nimirum non ideo Apostoli versionem Græcam in suis libris adhibuere, quòd auctores illius Divino seu Prophetico spiritu afflati fuerint, vel quòd non alia Scriptura in Judæorum Synagogis legeretur quàm Græca illa, ut perperam existimavit Vossius; sed quia vulgò erat recepta, &, ut auctor est B. Hieronymus, *dum loquuti sunt ad populos Apostoli, iis usi sunt testimoniis quæ jam fuerant in Gentibus divulgata*; secus verò dum homines gentis suæ, qui callebant linguam Hebraicam, alloquuti sunt. Sed *mentitum fuisse Lucam necesse est*, inquit Vossius, *si alios Stephanus in concione sua, quàm ille posuit, sensus expresserit.* Quasi verò illum mentiri necesse sit qui eadem diverso tantùm sermone referat, paucis quæ nullius erant momenti immutatis. Neque mentem Scriptoris Criticæ Sacræ assequutus fuisse videtur vir doctus, cùm de eo ita loquitur, quasi crediderit Stephanum non Græco aut plebeio Syriaco, sed Hebraico sermone ultimam suam concionem absolvisse. *An plebs*, inquit Vossius, *tempore Apostolorum gnara vetris lingue Hebrææ? An mentitus Evangelista? Quid demum integrum in Evangeliiis supererit, si istiusmodi admittamus commenta?* Sed potius monstra sibi fingit quæ

Cur Græca versioni usi fuerint Apostoli.

Voss. Respons. ad Critic. Sacr.

Syriacè, non verò Græcè, concionatus est B. Stephanus.

postea debeller. Syriacè concionatus est Stephanus, quia sermo Syriacus tunc Judæis Hierosolymitanis erat vernaculus: at quæ profert Veteris Testamenti testimonia ea non alio sermone proferre potuit quàm Hebraico, quia Judæi Hierosolymitani Legem Moïsi Hebraicè in Synagogis suis legebant, non verò Græcè; & si qua subjungebatur interpretatio, illa Syriaco pariter sermone qui plebeius erat, ut hîc liberè fatetur Vossius, non verò Græco, quo in Hellenistarum duntaxat Synagogis ac Scholis utebantur.

Hieron. Comm. in Cap. 6. Iſaj. Castigatur B. Hieron.

In hoc tamen corrigendum esse Hieronymum non diffiteor, quòd dicat Matthæum & Joannem de Hebraico Veteris Testamenti testimonia sumpsisse, oblitus regulæ illius quam Traditionibus Hebraicis in Genesim produxerat, nimirum, Apostolos & viros Apostolicos non aliam ob causam Græcis exemplaribus usos fuisse, quàm quia jam

jam hæc in Gentibus divulgata fuerant: Hebraica verò in Synagogis duntaxat Judæorum asservabantur, & inter hos paucissimi reperiebantur qui ea intelligerent: contrà autem lingua Græca tunc plerisque Gentibus erat vernacula. Observandum autem est Apostolos, etsi Græcis codicibus adhæserint, non ita tamen ab iis dependisse, quin haud infrequenter ad sensum potius quàm ad verba attenderint. Quare Hieronymus explicans hunc locum Michææ Prophetæ, *Es tu Bethlehem Ephratha*, ista annotat: *Sunt qui asserant in omnibus penè testimoniis quæ de Veteri Testamento sumuntur istiusmodi esse errorem, ut aut ordo mutetur, aut verba, & interdum quoque sensus ipse diversus sit, vel Apostolis vel Evangelistis non ex libro carpentibus testimonia, sed memoriæ credentibus, quæ nonnunquam fallitur.* Hæc quidem paulò duriora videntur, nec ea protuli ut iis fidem adhibeat Vossius. Interea vix fidem suam abnuere poterit Joanni Calvino, qui eundem Michææ locum illustrans, hæc animadvertit: *Quid opus est torquere Prophetæ verba, cum Evangelistæ propositum non fuerit referre quod apud Prophetam legitur, sed notare locum duntaxat?* Similiter idem Hieronymus non ex aliorum, sed ex sua loquutus sententia, de hisce omnibus testimoniis, quæ ex Veteri Testamento in Novum translata sunt, hæc in genere observat. *In multis testimoniis quæ Evangelistæ vel Apostoli de libris veteribus assumpserunt, curiosius attendendum est, non eos verborum ordinem sequutos esse, sed sensum.* Sed nunc ad id quod est nostri instituti revertamur.

Mich. 5:
2.

Calvin.
Comm. in
Cap. 5.
Mich.

Hieron.
Comm. in
Cap. 7.
Isaj.

Prima verba Capituli noni ejusdem Prophetæ vix intelligi possunt in Græca versione, cum omnia aperta sint in translatione Hieronymi. Utramque duabus columnis distinctam hæc ratione produxit Hieronymus: *Primo tempore alleviata est terra Zabulon & terra Naphthalim, &c.* En Hieronymiana translatio. Græca verò ita habet: *Hoc primum bibe, velociter fac regio Zabulon & terra Naphthalim.* Aliunde assumptam fuisse crediderim dictionem *bibe*, quæ mutat sensum. Paulò post eodem Capite notat Hieronymus LXX. Interpretes, quòd pro verbis istis, *Vocabitur nomen ejus admirabilis, consiliarius, Deus fortis, pater futuri seculi, princeps pacis*, illi majestate nominum perterriti de puero non ausi sint dicere, quòd Deus sit appellandus, sed pro his sex nominibus posuerunt quod in Hebraico non habetur. Iterum manifesti erroris Græcos Interpretes arguit Hieronymus, quòd ad lectionem suorum codicum minùs attenti, pro *verbum* transtulerint *mortem*, dicendo, *Mortem misit Dominus in Jacob*, cum

dicendum esset, *Verbum misit*, &c. ut Hieronymus interpretatus est, qui statim addidit erroris illius originem his verbis: *Apud Hebraeos דבר quod per tres literas scribitur consonantes pro locorum qualitate, si legatur dabar, verbum significat; si deber, mortem & pestilentiam.* Non longè ab initio Capitis 10. ejusdem Prophetæ ad hæc verba, *Væ Assur*, eisdem Interpretes accusat Hieronymus, quòd Hebraice minùs accuratè expresserint. Iterum sub finem ejusdem Capitis ad verba ista, *Veniet in Aiath*, &c. quantum illi ab Hebræo discrepente fusè ostendit, simulque eos falsitatis arguit quòd verterint, *Rama civitatem Saul: quod perspicuè falsum est*, inquit, *civitas enim Saul appellatur Gabaa, ut in Hebraico continetur.* Præterea Hieronymus longè diversa sentit de lingua LXX. Interpretum, quàm Vossius, qui existimat in ea nihil esse nisi Græcum, frustra que eam appellari linguam natam in Synagoga. Ita enim loquitur libro sexto Commentariorum,

Isaj. 14: *Pro advena, id est, ἀποκλήτης, LXX. ηὐρανὴν interpretati sunt qui Hebraicè ger dicitur—ergo gcoras non est Græcum verbum, sed Hebraicum Græcâ consuetudine declinatum; licet quidam, Hebraei sermonis ignarus, Græcam in eo etymologiam exprimere conetur, ab eo quod terrenæ rei curam habeat, γῆ enim, inquit, terra appellatur, & ὕδα, φροντίς, id est, sollicitudo.* Quantum à germano Scripturæ sensu deflexerint Græci Interpretes Capite 24. ejusdem Prophetæ, ubi in Latina editione legimus, *Erubescet luna, & confundetur sol*, rectè animadvertit Hieronymus his verbis: *Pro eo quod nos interpretati sumus, Et erubescet luna, & confundetur sol, LXX. transtulerunt, Liquefieri late-rem, & cadere murum: & mox erroris causam detegit, quia scilicet pro Hebraico לבנא, quod lunam significat, legerunt lebena; & pro חמא, id est, colore, quo sol denotatur, legerunt etiam homa, quod murum significat.* Sed frustra his diutius detineor, quippe ab omnibus legi possunt Hieronymi Commentaria in Isaiam, ubi passim Græcos Interpretes erroris arguit, quòd ambiguitate vocum, vel aliâ ratione decepti fuerint: aliquando tamen illis parcit, sicuti Capite 30. postquam eorum in interpretando inconstantiam damnavit, mox veluti seipsum castigans, hæc subjicit: *Datur mihi suspicio non eos errasse à principio, sed paulatim Scriptorum vitio depravatos.* Et Capite 40. ubi nonnulla à Græcis Interpretibus omissa annotavit, statim addit quasi subdubitans, *vel à LXX. prætermisum, vel paulatim Scriptoris vitio prætermisum.* Similiter communem Græcorum exemplarium editionem ad Hebræos codices interdum castigat, ne

Hieron.
Comm. in
Cap. 30.
Isaj.
Isaj. 40.

error in Interpretes rejiciatur, quo modo ad hæc verba Capitis 45. *Hæc dicit Dominus Christo meo Cyro*, rectè animadvertit non solum Latinorum, sed & Græcorum plurimos errare, existimantium scriptum esse, Sic dicit Dominus Christo meo Domino: Neque enim, inquit, *Κυρίω*, quod Dominum sonat, sed *Κύριος* dicitur, qui Hebraice appellatur *יהוה*. Eadem videre est in Hieronymi Commentariis in Hieremiam, Ezechielem & alios Prophetas. Ita fere ubique Commentario in Hieremiam notat quæ à LXX. Interpretibus prætermissa sunt, aut saltem non ampliùs in Græcis illorum exemplaribus apparent. Modò enim ipsos Interpretes, modò librarios accusat. Commentario pariter in Ezechielem, ubi Græcorum codicum omissionem animadvertit, statim hæc adjicit: *Melius est in divinis libris transferre quod dictum est, licet non intelligas quare dictum sit, quàm auferre quod nescias*. Capite tamen 5. ejusdem Prophetæ vix audet Græcos Interpretes acculare, ubi ait: *Multo melius fuerit transferre quod scriptum est, quàm rei malè translata patrociniū querere. Nec hoc dicimus ab illis factum, quibus vetustas auctoritatem dedit; sed per multa sæcula Scriptorum atque Lectorum visio depravatum, quanquam & Aristæas & Josephus & omnis Schola Judæorum quinque libros tantum Moysis à LXX. translatos asserant*. Neque hoc solum loco Hieronymus, sed & aliis in locis, negare videtur cum priscis Judæis aliud quidpiam Scripturæ Sacræ à LXX. Senibus translatum fuisse præter quinque libros Moysis; sicuti ad Caput 5. Michææ, ubi hæc habet: *Interpretatio LXX. (si tamen est LXX. Josephus enim scribit, & Hebræi tradunt, quinque tantum libros Legis Moysis ab eis translatos, & Ptolemæo Regi contradictos) tantum discordat in præsentī loco ab Hebraica veritate, ut nec Capita possimus ex æquo ponere, nec eorum simul sententias explicare*. Verùm longè aliud sentit Vossius, qui non solum rei malè translatae ubique patrociniū querit, ut verbis Hieronymi utar, sed palàm testatur se non dubitare Propheticos libros à LXX. Interpretibus Græcè fuisse redditos, licet olim dubitaverit. Et quod fidem omnem superare videtur, si Vossio credamus, Græci Interpretes in libris obscurioribus, puta Jobi ac Proverbiorum, magis accuratos se ostendunt quàm recentiores Scripturæ Interpretes. Sed neminem fore arbitror linguæ utriusque peritum, qui hac in parte illi assentiatur, adeo inepta est multis in locis istorum librorum Græca illa translatio. Non is tamen sum qui ab Hieronymo ita dependere velim, ut etiam illius errores, qui plurimi sanè sunt, approbem. Sic, ne longiùs abeam,

Hieron.
Comm. in
Ezech.
Cap. 1.
Cap. 5.

Idem
Comm. in
Cap. 5.
Mich.
vers. 9.

Voss. Resp.
spons. ad
Critice.

Vossii error.

Græcos
Interpretes
alios
quando
malè ca-
pitas
Hierony-
mus.

abeam, Capite 27. Commentariorum in Ezechielem LXX. arguit quòd *pro filii Dedan, filios Rhodiorum* interpretati sint, decepti forrè primæ literæ similitudine, ut *pro Dadan* legerent *Radan*: sed errorem hunc in Scribas potiùs quàm in Interpretes rejiciendum esse demonstrant ea quæ paulò post eodem Capite sequuntur, ubi in LXX. non secus ac in Hieronymi translatione legitur *Dedan*, sive *Dadan*. Iterum in Caput 33. ejusdem Prophetæ, ubi de *Gog* fit mentio, observat Græcos Interpretes libri Numerorum Capite 24. *pro Agag* quod legitur in Hebræo, reposuisse *Gog*: sed manifestus est librarii error. Sed ut innumera ejusmodi taceam, longè meliùs idem Hieronymus Capite 40. eorumdem Commentariorum hæc observat: *Omnia prope verba Hebraica & nomina quæ in Græca & Latina translatione sunt posita, nimia vetustate corrupta, Scriptorumque vitio depravata; & dum de inemendatis scribuntur inemendatiora, de verbis Hebraicis facta esse Sarmatica, imò nullius gentis, dum & Hebræa esse desierint, & aliena esse non cæperint.* Apprime igitur distinguenda sunt & secundùm Criticæ regulas illa omnia quæ ut minùs bene à LXX. Senibus translata arguit Hieronymus: ut enim plurimos eorum errores rectè annotavit, ita & in iisdem castigat non pauca quæ minimè castiganda erant. Nec mirum, cùm ipsemet Hieronymus testetur se *Explanationes suas* vix implere potuisse, quia nulla hora erat, nullum momentum in quo non fratrum occurreret turbis, seque jam senem præter dictandi difficultatem Hebræorum volumina ob literarum parvitatem haud relegere potuisse. Similiter observat se nonnulla celeritate distandi, dum parùm attendit, non bene vertisse. Itaque nec Hieronymus, nec LXX. Senes Prophetæ fuerunt, sed Interpretes, quibus multa, quia homines erant, excidisse necesse est.

Hieron.
Comm. in
Cap. 40.
Ezech.

Idem
Præf. in
lib. 7.
Comm. in
Ezech.

Idem
Comm. in
Cap. 42.

E X C E R P T U M III.

Isaaci Vossii de Hexaplorum Origenis dispositione
sententia refellitur.

Isaac Vossius Origenem in Hexaplis suis compingendis aliam instituisse viam ac vulgò existimant, se aliquando demonstraturum pollicetur: quare respondens Scriptori nuperæ Criticæ, qui novam hanc viam ab illo quæsierat, contendit Tetrapla & Hexapla Origenis ita dicta non fuisse à quatuor aut sex columellis, sed Tetrapla dicta esse, quòd quadruplicem versionem; Hexapla verò, quòd sex continerent versiones; errare de Octaplis Scriptorem Criticæ, dum errantem sequitur Epiphanium, quia nulla unquam Octapla scripsit Origenes; codicem Hebraicum non venisse in censum versionum, quia priores columnas vocat Origenes π'εφερίκων ἰδαφθ, velut fundamentum omnium versionum. In Tetraplis, addit Vossius, sex erant columellæ, in Pentateucho etiam septem, utpote cui Samariticus adderetur codex, literis Prototypis Hebræorum expressus, ut ab Eusebio & Africano appellantur. Quia tamen in solo id factum Pentateucho, ideo Tetrapla sex tantum columellas vulgò continere dicebantur, pari ratione atque in Hexaplis, quamvis in Psalmis septima quoque accederet versio, Hexaplorum tamen remansit appellatio, quia septima illa versio in aliis deficeret libris. Hactenus Vossius, qui non alios opinionis istius, quæ nova est illa via quam se demonstraturum pollicitus fuerat, auctores laudat quàm seipsùm, & ut majorem illius dictis fidem adhibeamus, hæc demum subjicit: *Cùm nulla supersint, aut saltem nulla Hexaplorum aut Tetraplorum hætenus reperta sint exemplaria, velle de his nimium copiosè contendere, id demum fuerit hominis nimium intemperanter otio suo abutentis.* Hæc ratione promissa solvit Vossius, qui tam confidenter pollicitus fuerat, se novam & hætenus inauditam Hexaplorum Origenis dispositionem demonstraturum esse. Sed cùm nulla illorum exemplaria unquam vidcrit, priscos Ecclesiæ Patres atque in primis Epiphanium, qui illa tanquam oculati testes describunt, consulere liceat.

Dionysius Peravius, vir è Societate Jesu doctissimus, & in Græcis

Voss. de
Spinag.
Interpr.
cap. 29.

Idem
Resp. ad
Nuper.
Critic.

Immen-
sum Ori-
genis opus
expendi-
tur.

Notantur
Vossii gr-
cores cir-
ca Origo-
nis Te-
trapla &
Hexapla.

cis Hebræisque libris non minùs quàm Vossius exercitatus, asserit neminem Epiphanio accuratiùs tradidisse quænam fuerint Originis Tetrapla, Hexapla & Octapla; idemque Petavius miratur plerosque, qui sua ex Epiphanio hauserunt, in tam aperto ejus loco allucinosos fuisse; ac in primis notat Marianum Victorinum Scholiis ad lib. II. Apolog. adversus Ruffinum, ubi redarguit Erasmus ex Epiphaniæ auctoritate, ut ait, sed malè. Singularum itaque editionum ordo ex Epiphanio hoc diagrammate proponitur.

T E T R A P L A.

<i>Aquila.</i>	<i>Symmachus.</i>	<i>Septuaginta.</i>	<i>Theodotio.</i>
----------------	-------------------	---------------------	-------------------

H E X A P L A.

<i>Hebraica literis Hebraicis.</i>	<i>Hebraica Græcis literis.</i>	<i>Aquila.</i>
------------------------------------	---------------------------------	----------------

<i>Symmachus.</i>	<i>Septuaginta.</i>	<i>Theodotio.</i>
-------------------	---------------------	-------------------

O C T A P L A.

<i>Hebraica literis Hebraicis.</i>	<i>Hebraica literis Græcis.</i>	<i>Aquila.</i>	<i>Symmachus.</i>
--	-------------------------------------	----------------	-------------------

<i>Septuaginta</i>	<i>Theodotio.</i>	<i>Quinta Editio.</i>	<i>Sexta Editio.</i>
--------------------	-------------------	-----------------------	----------------------

Verùm, inquit Vossius, Tetrapla & Hexapla non à quatuor & sex columellis dicta sunt, sed à quadruplici versione, & quòd sex continerent versiones: qua in re profectò gravissimè allucinetur vir doctus. Nam Tetraplorum, Hexaplorum & Octaplorum nomen derivatum fuit à numero editionum, & quælibet editio columnellam unam, sive paginam, pro antiqua describendorum voluminum consuetudine occupabat, ut apertè evincunt

evincunt verba illa Ruffini: *Voluit Origenes nostris ostendere qualis* Ruffin.
Inveſt.
apud Judeos Scripturarum lectio teneretur, & in propriis paginis
vel columnellis editiones earum singulas quasque descripsit. Eadem
igitur omnino erat in Hexaplis Origenis columnellarum atque editio-
num ratio. Nulliusque prorsus momenti sunt quæ ducit Vossius ex
voce ἰδαφθ, quo nomine insignivit Origenes priores columnellas,
nimirum τὸ Ἐξῆς ἰδαφθ velut fundamentum omnium versio-
num. Quid, quæso, aliud inde colligi potest, quàm Origenem vo-
luisse distinguere hoc nomine contextum Hebraicum à versionibus
quæ ex eo, tanquam fundamento, deductæ fuerant? Quo similiter
modo Hieronymus eundem contextum veritatem Hebraicam appel-
lat. Minusne ideo constat illum contextum in Hexaplis Hebraicis &
Græcis literis descriptum duas columnellas occupasse, à quibus æquè
ac à versionibus, quarum quælibet suâ quoque columnellâ exarata
erat, Hexaplorum nomen derivatum fuerit? Præterea ejusdem
Vossii commentum est quod fingit de codice Samaritano prototy-
pis literis Hebræorum expresso, qui Pentateucho additus fuerit.
Illud enim priscis Ecclesiæ Patribus, Epiphanio, Hieronymo,
Ruffino, etiam Eusebio & Africano, quos in suam sententiam per-
trahere conatur, prorsus fuit incognitum: neque unquam pariter
certissimis rationibus demonstrabit Vossius, quod tam confiden-
ter asseverat de codice Samaritano, qui penès Origenem fuerit,
frustra que ejus rei testes profert Eusebium, Africanum, Syncel-
lum, imò & ipsummet Origenem, qui de hoc exemplari Sama-
ritano prototypis, ut loquitur, literis exarato ne quidem per som-
nium unquam cogitârunt. Habuere Samaritani Græcam Pentateuchi
versionem, quæ Patribus fuit probè cognita, & ex ea sumpsere
Africanus, Eusebius & Syncellus codicis Samaritani ab Hebraico
diversas lectiones quas libris suis inseruerunt. Lingux Hebraicæ
operam dedit Origenes præeunte sibi Huillo Judæorum, non verò
Samaritanorum, Patriarchâ: & idcirco non Hebræis Samaritano-
rum, sed Judæorum exemplaribus usus fuit. Quo sensu intelligenda
sunt verba illa Eusebii: *Tantum curam ac diligentiam in divinatorum* Euseb.
lib. 6.
Hist.
librorum accuratâ inquisitione adhibebat Origenes, ut Hebraicam
etiam linguam didicerit, & prototypas, quæ apud Judeos erant
Hebraicis literis scriptas, sibi comparaverit. Sed Eusebii verba
in alium planè sensum avertit Vossius, & ut ea sententiæ suæ
facilius accommodaret, lectionem jam vulgatam sine ope Voss. in
Resp. ad
Object.
Critic.

ullius codicis MS. in aliam mutare non dubitavit. Sic enim legit: Τὰς π ᾠδὰς τοῦ Ἰσραὴλ ἡμῶν πρῶτον αὐταῖς Ἑβραίων συνηθίως γραφαῖς κτλ. ἡμῶν ἰδίων ποιήσασθαι, cū vulgò legatur πρῶτον, non verò πρῶτον, & sic vertit: *Ut Hebraicam etiam linguam didicerit, ac illas quoque sibi comparaverit Scripturas quæ prototypis Hebræorum literis exarata esse dicuntur.* Apud Eusebium, inquit Vossius, prototypi characteres non sunt aliū quàm Samaritici, & manifestè sibi adversaretur Eusebius, si de vulgaribus Judæorum intellexisset elementis, cū contrarium in suo scripserit Chronico. Miror sanè Vossii ingenium, qui lectoribus suis fucum faciat in re tam aperta, quæque omnibus qui linguam Græcam vix à limine salutaverint, est obvia. Teruntur omnium manibus libri Eusebii, cui non aliud propositum fuit loco jam citato ostendere, quàm studium indefessum Origenis laboremque ejus improbum in evolvendis Scripturæ Sacræ libris, & perscrutando illorum sensu, qui, ut id facilius obtineret, linguam Hebræam à Judæis Magistris didicit, eorum libros characteribus Hebraicis exaratos evolvit, eisdemque cum Græcis LXX. Senum, Aquilæ, Symmachi & aliorum versionibus contulit. Utrū πρῶτον, an πρῶτον legendum sit in præsentia non disputo, quia servatâ etiam lectione Vossii, manifestum erit non aliud intelligendum esse per prototypas literas quàm characteres Hebræos. Contextus scilicet Hebræus in Origenis Hexaplis descriptus erat literis Hebraicis & Græcis, ut jam observatum fuit. Quare Eusebius cogitans de exemplaribus Hebraicis, quæ tunc à plerisque Hebræicè nescientibus legebantur, quia illorum characteres Græci erant, asserit Origenem sibi comparâsse exemplar Hebræum characteribus etiam Hebræis exaratum: quī enim aliter fieri potuisset, cū Judæos linguæ Hebraicæ Magistros habuerit, non Samaritanos? Non incognita quidem fuisse Eusebio, Origeni & aliis Patribus Pentateuchi Samaritani etiam diversis à Judaicis characteribus descripta exemplaria lubens agnosco; sed quia plerique illorum non callebant linguam Hebraicam, ubi de codice Samaritico loquuntur, haud dubiè intelligunt versionem Græcam Pentateuchi Samaritani, quæ tunc vulgata erat. Neque Eusebii verba in Chronico ulla tenus Vossio favent, ubi meminit Eusebius trium Scripturæ Sacræ codicum à quibus sua hauserit; nimirum, αὐτῶν τῶν ἑμπεδοκλέους, à Septuaginta Interpretibus; αὐτῶν τῶν Ἰσραήλ ἡμῶν ἰδίων ποιήσασθαι Ἑβραίων.

Ἑβραϊκῶν, ab Hebraico exemplari Judæorum; Ἑβραϊκῶν & Ἑβραϊκῶν Σαμαριτανῶν. Ibi enim nomine exemplaris Hebræi Samaritici necesse est intelligi Græcam illius versionem, non secus ac nomine Hebraici Judæorum exemplaris plerique Patres qui Hebraicè nesciebant, Aquilæ versionem, quæ ex Hebræo ad verbum sumpta fuerat, intellexere. Noverat igitur Eusebius Samaritanos non secus ac Judæos Pentateuchi Hebræi exemplar penès se retinere; sed quia linguæ Hebrææ imperitus erat, Græcam illius versionem à Samaritanis cusam, quæque tunc ab iisdem legebatur, consuluit. Sicut antea Justinus Martyr disputans contra Tryphonem Judæum, Græcam Aquilæ interpretationem donat nomine contextûs Hebræi; quia Judæi plerique illius temporis eâ utebantur: sed ad hæc & alia ejusdem rationis bene multa animum non advertit Vossius. Nunc tempus est ut ad id unde diverti redeam.

In Origenis Hexaplis, ut ex allato supra diagrammate cognoscere est, primum locum obtinebat contextus Hebræus literis Hebraicis descriptus, secundum idem contextus Græcis characteribus exaratus; quia scilicet ex illo, tanquam ex prima origine, versiones omnes Scripturæ derivatæ fuerant: deinde sequebatur interpretatio Aquilæ, qui Hebraica ad amussim & longè meliùs quàm cæteri Interpretes referebat: Septuaginta verò medium locum, non verò primum, ut quibusdam visum est, occupaverunt, tanquam cæterarum omnium regula ad quam illæ expendi deberent. Symmachi præterea & Theodotionis translationes illam proximè & ex utraque parte comitabantur, quòd ei haud dissimiles essent, eademque in his tribus observaretur interpretandi methodus.

Jam quia ingens illud volumen tot editiones repræsentans quasi sub una linea carè constabat, & à paucis poterat comparari, ita ut conquestus fuerit Hieronymus, chartas Alexandrinæ marisupium suum evacuâsse, cogitavit Origenes, vir acutissimi ingenii & scientiæ inexhaustæ, de ratione aliqua quâ omnes hæc editiones veluti sub unam repræsentaret. Et quia non alia tunc temporis in omnibus Ecclesiis Scriptura recipiebatur quàm LXX. Interpretum translatio, hanc seorsim edidit cum notis quibusdam, quarum beneficio aliæ omnes exhibebantur. Ita quæ in contextu Hebraico deesse videbantur, supplevit ex Theodotio-

*Dispositio
Hexapla-
rum.*

*Hexapla
in com-
pendium
reducta.*

Epiphanius
de pond.
& mens.

nis versione, notâ additâ quæ à Grammaticis vocatur *asteriscus*; quia scilicet illa verba contextûs nimis curta ac velut abbreviata illustrabat: si quid verò in contextu Hebræo abundare videretur atque esse supervacaneum, locis illis luxuriantibus aliam notam adjecit à Criticis dictam *obelus*, sive *veru*; quasi jugulandum illud esset quod in Græca LXX. editione veluti luxuriabat. Ad id in primis attenderat Origenes in operis illius œconomia, teste Epiphanio, ut Judæi facilius à Christianis inter disputandum revincerentur: quippe illi passim objiciebant aliter esse in exemplari Hebræo quàm in Græca LXX. versione. Idem quoque testantur Hieronymus & Rufinus, etsi Hieronymus interdum ejusmodi notarum usum paulò aliter exponat. Alias etiam notas, putâ lemniscos, huic operi adjecerat Origenes, de quorum usu inter se non consentiunt ætatis nostræ Critici, & quod à paucis adhuc explicatum est, illa editio Græca LXX. Interpretum cum omnibus hisce notis, tam illustrantibus quàm jugulantibus, etiam in Hexaplis Origenis unâ cum Aquilæ, Symmachi & cæterorum Interpretum translationibus reperiebatur, uti probare videntur verba illa Rufini: *Voluit Origenes nostris ostendere, qualis apud Judæos Scripturarum lectio teneretur, & in propriis paginis, sive columnellis, editiones eorum singulas quasque descripsit, & ea quæ apud illos sunt addita, vel decerpta, certis quibusque signis additis ad versiculorum capita designavit, & in alieno non suo opere suas tantummodò notas fixit, ut sciremus non quid nobis, sed quid Judæis adversum nos certantibus aut deesse, aut abundare videretur.*

Idem præterea Origenes ingens illud Hexaplorum opus Scholiis diversi generis, quæ ad oram codicis retulerat, illustravit, ut editioni illi LXX. Interpretum, quæ media inter alias omnes apparebat, lucis aliquid afferret. Primò enim quid esset discriminis inter antiquam seu vulgatam LXX. Interpretum editionem, & novam editionem suam beneficio notæ illius, id est, LXX. statim deprehendi poterat. Illa quippe nota ẽ communem lectionem exhibebat. Deinde in iisdem Scholiis Aquilæ, Symmachi ac Theodotionis diversæ interpretationes quæque per suam literam designabantur. Ita litera Α'. denotabat Aquilam: Σ'. Symmachum, & Θ'. Theodotionem; Quinta quoque editio per Ε'. & Sexta per Ϛ'. notabantur. Notas etiam ad oram sui codicis retulerat Origenes, exponendis ad literam, ut vocant, Scripturæ Sacræ verbis, quæ Origenis notæ inter ejus opera sub nomine Scholiorum indicantur. Si
etiam

etiam Isaacum Vossium audiamus, non improbabile est Origenem variantes codicis Samaritici lectiones in Hexaplis suis annotasse. *Si quis malit, inquit, credere Origenem non integrum codicem Samariticum Hexaplis & Tetraplis suis inseruisse, sed tantum variantes annotasse lectiones, non multum adversabor.* Ita minus constans Vossius in sententia sua, modò ait, modò negat; & cùm anteam confidenter asseverasset exemplar Pentateuchi Samaritani in Hexaplis etiam literis Samariticis descriptum extitisse, nunc dubitans nihil in re parùm sibi comperta audet pronunciare. Verùm uti nullatenus probabile est exemplar Samariticum, quod idem prorsus erat atque Judaicum, in Hexaplis extitisse: ita verisimile est diversas exemplaris Samaritici à Judaico lectiones Origenem inter Scholia sua retulisse, quas non ex codice Samaritano prototypis illis literis descripto, uti commentus est Vossius, sed ex Græca Pentateuchi Samaritani versione à Samaritanis ipsis accuratà descripsérat.

Hæc est Origenis Hexaplorum œconomia ac dispositio, quam viri etiam eruditissimi comprehendere minimè potuerunt, dum non assequuntur quomodo in uno eodemque opere Græcæ Aquilæ, Symmachi ac Theodotionis interpretationes bis repetæ fuerint, nimirum integræ in operis contextu, & ex parte in Scholiis quæ erant ad marginem. Sed Origenes, qui omnibus prodesse voluit, immensum illud opus Hexaplorum beneficio notarum & Scholiorum in compendium redegit, ut illi qui Hexapla integra non possent comparare, saltem illorum summam etiam ex ipsismet Hexaplis describerent. Et eadem arte *καὶ νῦν* illam, seu communem, LXX. editionem simul cum nova sua editione, quam integram, quia castigationem illam arbitratus est, Hexaplis inseruit, in uno eodemque opere repræsentavit, adjectis scilicet ad oram codicis *καὶ νῦν* illius, seu vulgatæ diversis lectionibus sub nota *ο*. Quapropter in eo graviter allucinantur nonnulli, dum istà Hexaplorum dispositionem non intellectà, contendunt in illis duplicem LXX. Interpretum editionem, tam vulgaram scilicet quàm puram illam, cujus ita frequenter meminerunt Origenes & Hieronymus, sub duplici columnella fuisse collocatam, & hæc ratione Hexapla non à diversis columnellis, sed à versionibus nomen suum ducere. Sed hæc apertè falsa sunt, nec aliunde proficiunt, quàm ex ignoratione dispositionis Hexaplorum, ad quorum marginem vetus LXX. Senum lectio relata fuerat; & hoc modo utraque LXX. Interpretum editio in

*Dispositio
Hexaplo-
rum ite-
rum illu-
stratur.*

Hexaplis apparebat. Jam quia pauci immensa illa Hexaplorum volumina, quæ Hieronymi marsupium evacuârant, integra poterant comparare, plerique editionem illam LXX. ab Origene interpolatam cum asteriscis & obelis aliisque notis ex ipsismet Hexaplis desumpserunt, unde postea nata est maxima Græcis exemplaribus confusio, & ex eo tempore non ampliùs antiqua illa LXX. interpretatio plerisque in Ecclesiis lecta est, sed Origeniana & interpolata, quæ etiam, aut saltem similis, ad Ecclesiam Occidentalem operâ B. Hieronymi postea pervenit.

F I N I S.

HIERO.